

# *NAHOANA NO MITARAINA?*

## *MITENENA!*

 Ny Tompo hitahy anareo! Ndao isika hitohy hitsangana vetivety, raha manondrika ny lohantsika isika. Misy fangatahana manokana ve? Raha tianareo, dia aoka ho fantatra izany raha manangana ny tànanareo amin'Andriamanitra ianareo ka miteny, amin'ny alàlan'izany hoe, "Tompo, Fantatralao izay ilaiko."

<sup>2</sup> Ray An-danitra, izahay tokoa dia—dia olona manana tombontsoa izao maraina izao, mba ho tavafavory ato an-tranon'Andriamanitra, rehefa fantatray fa maro ny te-ho ao an-tranon'Andriamanitra izao maraina izao, nefo any amin'ny hopitaly sy eo ambonin'ny fandrian'ny aretina. Ary Ianao no nanome anay an'ity tombontsoa ity mba ho tonga eto androany. Ary tsy tonga mihitsy izahay, Tompo, mba ho hitan'ny hafa, na dia tianay aza ny fiombonanay amin'ny hafa; fa afaka hanao an'izany izahay any an-tranonay. Saingy tonga eto izahay mba hiombona Aminy Izay nitondra anay niaraka ho toy ny zanaka malala sy rahalahy.

<sup>3</sup> Misaotra Anao izahay ankehitriny. Ary ny fomba tokana izay fantatray hiombonana marina Amino dia ny manodidina ny Teninao. Ny Teninao no Fahamarinana. Mivory eto izahay ho an'ny tanjaka ara-panahy. Mila an'izany izahay, Tompo. Tsy maintsy manana tanjaka izahay mba hiaritra an'ireo hazo fijaliana izay entinay. Ary mivavaka izahay mba Hanirahanao an'ilay Fanahy Masina lehibe anio, ary hampahatanjaka anay rehetra. Ekeo ireo fangatahanay'ny Olonao raha mivory izy ireo ka manangana ny tànany Amino, fa mila an'ireo zavatra ireo izy. Valio ny tsirairay avy, Tompo.

<sup>4</sup> Misaotra Anao izahay niaro ny ain'ny Anabavinay Ungren omaly hariva, tao amin'ny loza teto an-dàlana teto. Ianao no niahya azy ireo, Tompo, ary misaotra Anao izahay ny amin'izany. Ary ankehitriny dia mivavaka izahay, Ray An-danitra, mba Hanohizanao hiaraka aminay sy hanampy anay raha manao ny dianay izahay, ny isanisany sy ny tsirairay avy aminay. Omeo anay ny Herinao mampitafy sy ny—ny finoan'ny fahafantarana fa ny Fanatrehanao tsy mety diso dia hiaraka aminay. Ao amin'ilay ora izay tsy hahafahanay manampy ny tenanay, dia fantatray fa "ny Anjelin'Andriamanitra dia mitoby manodidina an'ireo izay matahotra Azy, ary Izy ireo no hitondra anay fandrao hahatafintohina ny tongotray amin'ny vato foana izahay." Ary mivavaka izahay ankehitriny mba Hanomezanao

anay ny Fitahianao ho an'ny Teny, sy hiteny amin'ny alàlanay, ary ao anatinay, amin'ny Anaran'i Jesosy Kristy. Amena.

<sup>5</sup> Mankasitraka aho fa ilay fibaliakan'ny masoandro ao ivelany ao, ilay tara-masoandro, dia mamiratra. Tena ratsy ilay izy aninkeo maraina. Ary heveriko, eto amin'ity tanàna ity, indrindra, dia manana toetr'andro betsaka maloka, manjombona isika. Ary ny mahita an'ilay masoandro mamiratra, miseho, dia tena tsara ilay izy.

<sup>6</sup> Ilay fivoriam-pianakaviana kely androany, nihaona tamin'ireo rahalahiko aho, ary ao an-tranon'ny anabaviko izy ireo, sy ny sasany amin'ireo havanay manodidina ny tanàna ary saiky ny manodidina. Misy andiana Branhams anankiray lehibe ao. Raha ho tonga miaraka avy any Kentucky izy rehetra, eto, dia ataoko fa tsy mantsy hanofa ny tanàna izahay; maro loatra ny avy amin'izy ireo. Fa fiverenana any an-trano kely fotsiny izany. Izahay rehetra dia zatra ny mihaona ao an-tranon'i mama, ary izy no andry trainainy izay nihazona anay niaraka, karazany. Fa nalain'Andriamanitra ho any An-danitra ilay andry, ary manantena aho fa hihaona any izahay rehetra indray andro any.

<sup>7</sup> Ary ankehitriny niresaka aho indray andro, hoy aho hoe, "Fantatralreo, mino aho fa izaho dia—dia hamarana an'ireo hafatroy Alahady eo amin'ny roapolo minitra eo, ary—ary, na telopolo, ary avy eo dia hivavaka ho an'ny marary." Ary nieritreritra an'izany aho izao maraina izao.

<sup>8</sup> Ary nieritreritra aho omaly hariva, rehefa niantso ahy Ranabavy Downing ka nilaza fa, niantso an'i Billy ka nilaza fa izy sy Ranabavy Ungren teny an-dàlany, dia nibolisatra teny an-dàlana ary niharam-boina. Ary raha mbola teo am-baravarankely i Billy, tamin'izany, tsy fantattro hoe tamin'ny firy ilay izy; angamba aninkeo maraina, tahaka an'izany. Natory naharitra kely aho. Nijery ny tany amin-dry Rahalahy Wood aho, maty ny jiro. Ary nandohalika fotsiny aho mba hivavaka, ary rehefa nanao an'izany aho, dia nisy Zavatra anankiray fotsiny niteny tamiko hoe, "Milamina tsara daholo ny rehetra." Noho izany dia nilaza tamin'i Billy aho hoe, "Lazao aminy hoe, 'Ny zavatra rehetra,' heveriko, 'dia hilamina tsara daholo.'" Faly aho mahita azy ireo ato izao maraina izao, sy mipetraka ato an-tranon'ny Tompo, tafaverina eto taorian'ny teny an-dàlana.

<sup>9</sup> Olona izay tia be anareo tahaka an'izany, tonga avy any amin'ny an-jatony maily mba handre ny Filazantsara, noho izany dia nieritreritra aho hoe, "Ny hafatra iray roapolo minitra, ary miadana be tahaka ahy, tsy ho tsara izany." Noho izany dia nieritreritra aho fa izaho fotsiny... izany halavana izany.

<sup>10</sup> Noho izany, ny mandre an-dRahalahy Ungren, ny zanany, aninkeo maraina, mihira, "Fa Lehibe Ianao." Izy dia manana... Te-hilaza izy fa izao maraina izao dia mihoatra lavitra aminy

noho ny omaly tolakandro, satria ilay Andriamaniry ny Lanitra lehibe no niaro ny reniny sy ny anabaviny, sarobidy sy malalany.

<sup>11</sup> Ankehitriny, androany, dia manantena fotoana lehibe iray ao amin'ny Tompo isika. Ary nanana lahateny roa na telo samihafa aho eto izay nojereko, ary izaho tsy, tsy nahita mihitsy hoe iza no horeshahako izao maraina izao. Ny iray tamin'izy ireo dia, "Apetraho Aminy ny fanahianareo, fa Izy no miahy anareo. Ankehitriny, raha Izy no miahy, nahoana no tsy ianareo?"

<sup>12</sup> Noho izany ny iray hafa, Billy Paul, na tsy Billy Paul... Ny zanako lahy hafa, Joseph, no nitondra an'ity lahateny ity tamiko efa ela izay. Nipetraka tao amin'ny efitrano izy indray andro, ary nilaza izy, njery tany amin'ny sary, ary Billy... Na, Joseph dia tena tia sambo, tahaka an'ireo zazalahy kely; sambo sy soavalys, fantatrareo. Ary hoy izy tamiko hoe, "Dada, manana sambo iray ve Jesosy?"

Dia hoy aho hoe, "Tsy fantattro."

<sup>13</sup> Noho izany rehefa avy nitsangana izy ka nivoaka, tonga aho dia nieritreritra hoe, "Manana sambo iray ve Izy?" Dia naka lahateny iray avy tamin'izany aho, ary nomarihako eto amin'ny bokiko fotsiny izany hoe, "Manana sambo iray ve Jesosy?" Ary tonga aho dia nieritreritra. Rehefa teto an-tany Izy, dia tsy maintsy nindrana kibo anankiray Izy hahaterahana, fasana iray hilevenana, sambo iray hitoriana, nefo Izy no Mpanamory an'ilay sambo tranain'i Ziona. Azo antoka, manana Izy. Fa, ary ireo lahateny izay noeritreretiko ireo, dia noeritreretiko hoe angamba halaiko izy ireo any aoriana, alohan'ny hiainganay hiverina.

<sup>14</sup> Fantatrareo, tiako ny miresaka avy eto amin'ny tabernakla eto, satria ity no fiangonantsika manokana. Mahatsapa fahalalahana hiteny an'izay rehetra tenenin'ny Fanahy Masina isika. Any amin'ny toeran-kafa, na dia te-hanao anareo ho tonga soa aza ny olona, dia mahatsapa ho toy ny voasakana kely ianareo satria noho—noho ianareo ao amin'ny fiangonan'olon-kafa, ary ianareo te-ho tena mahalala fomba anankiray hanaja ny—ny fisainan'izy ireo sy ny fampianarany.

<sup>15</sup> Nanana fotoana mahafinaritra aho tamin'ity herinandro ity tany amin'ny toeran-dry Rahalahy Burcham tany. Ary niditra tao amin'ny orinasa izay anamboaran'izy ireo fromazy aho. Mahita azy sy ny vadiny aho, sy ny zanany ary izy ireo, manatrika izao maraina izao. Ary nieritreritra foana aho fa ny orinasa fanaovana fromazy dia ho zavatra iray tahaka ny toerana sasany izay efa nidiirako, oh, karazan'ny tsy madio sy maloto. Oadray, afaka miteny zavatra anankiray aho, afaka ny hanana antoka tanteraka ianareo fa tsy maloto izany toerana izany. Izany no toerana madio indrindra izay hany nidiirako, ary indrindra tao amin'ny orinasa. Ary tsy fantattro mihitsy; nieritreritra aho, oh, angamba hahavita fromazy an-jatony livatra isan'andro izy ireo.

Fa mahavita enina taonina isan'andro izy ireo, ary telo amin'ireo orinasa no mihodina. Nieritreritra aho hoe, "Oh, oadray, iza no mihinana an'ireo fromazy rehetra ireo?"

<sup>16</sup> Fa ny Tompo no nitahy an'io lehilahy io. Nanana tombontsoa aho ny ho tonga tany an-tranony, trano tena mahafinaritra anankiray, vady tsara iray nanokan-tena. Ary tsy misy antony izay tsy hiveloman'izy ireo ho an'i Kristy isan'andro, tahaka ny ataon'izy ireo. Nihaona tamin'ireo zanany aho, ary ankizy tena tsara izy ireo. Tena mankasitraka isika ny amin'izao fiombonana izay hananantsika amin'ny hafa izao.

<sup>17</sup> Hitako fa ny pasiteran'izy ireo taloha dia—dia lehilahy iray izay fantatro, Rahalahy Gurley, lehilahy tena tsara avy ao amin'ny finoan'ny Pentekotista Mitambatra, izay efa nihaona tamiko taona maro lasa izay, Jonesboro, Arkansas. Ary tsy fantatro fa izy ireo dia . . . izany no pasiterany, na izany.

<sup>18</sup> Ankehitriny tsarovy ireo fotoana androany hariva. Ary avy eo, raha sitraky ny Tompo, amin'ny Alahady heriny indray koa dia manantena ny hiresaka isika. Ary avy eo dia mieritreritra aho fa ny Alahady manaraka dia tokony handeha any Chicago amin'izay aho. Avy eo dia handeha vetivety aho, tsy maintsy hitondra ny fianakaviana hiverina hody aho, hiverina, na hiverina any Arizona mba hahafahan'izy ireo, ireo ankizy, misoratra anarana ao an-tsckoly indray. Ary amin'izay fotoana izay dia hijanona tsy hanelingelina ny pasitera isika, haka ny fivoriany.

<sup>19</sup> Noho izany, noho izany dia tena mankasitraka an-dRahalahy Neville izahay noho ny fandraisany, fantatrareo, ny—ny amin'ny nanasany ahy. Ary izy tena, tsy . . . Tiako, rahalahy, ny olona tahaka an'izany, izay tsy misy fitaka, tsy misy fitiavan-tena, izany mihitsy no Kristianisma tena izy. Tiako izany.

<sup>20</sup> Ankehitriny dia hamaky sasantsasany avy ao amin'ny Soratra isika ary avy eo dia hiditra amin'ny fanazavana. Ary tsy fantattro mihitsy hoe amin'ny firy isika no hivoaka, eto amin'ireto Hafatra lava ireto, saingy heveriko . . . Niteny aho indray andro mikasika ny firesahana lava loatra, ary nisy olona iray nanoa hoe, "Eny, ankehitriny, raha ianao—raha ianao no niresaka minitra vitsy monja; nefo ianao miresaka karazana zava-miafina, na izany aza," hoy izy, "izahay—izahay dia tsy afaka nahazo an'ilay izy mihitsy." Hoy izy, "Manohiza miteny fotsiny, fa afaka kelikely dia hivoaka izany," hoy izy. Noho izany angamba dia tian'ny Tompo isika hanao an'ilay izy ho tahaka an'izany.

Ndao isika hiondrika fotsiny indray.

<sup>21</sup> Tompo, mipetraka misokatra eto amin'ny polipitra ny Teninao, ary fantatray fa indray andro any dia hikatona Izany ho an'ny Fotoany farany, amin'izay fotoana izay dia ho tonga nofo ny Teny. Ary noho izany izahay dia—izahay dia mankasitraka

ny amin'ity fotoana ity izao maraina izao. Ary sokafy aminay, amin'ny alàlan'ny Fanahinao Masina, ny votoatin'ity Teny izay ho vakianay ity. Enga anie ny Fanahy Masina hampianatra anay androany an'ireo zavatra izay tokony ho fantatray. Ary enga anie izahay amin'izay fotoana izay, ho valiny, hihaino tsara ny Teny tsirairay, handanja Azy lalina. Ary amin'izay fotoana izay dia enga anie ireo izay mihaino amin'ny alàlan'ny horonam-peo, enga anie izy ireo hihaino tsara. Ary enga anie izahay hahay handrombaka an'izay ezahan'ny Fanahy Masina hambara aminay. Fa fantatray, fa raha hanosotra anay Izay, dia tsy ho very maina ilay hosotra. Ho an'ny tanjona iray izany, mba hahafahan'izany hiasa ho an'ny tsara, ho an'ny Tompo. Ary enga anie ny fonay sy ny fahalalanay hisokatra, Tompo.

<sup>22</sup> Enga anie izahay banana fahalalahana hiteny, sy fahalalahana handre, ary fidirana amin'ny finoana, mba hinoana an'izay renay, fa avy amin'ny Tenin'Andriamanitra izany; mba ho hisaina ho anay izany, ny Fiainana Mandrakizay, ao amin'ilay Andro lehibe izay ho avy. Tahio izahay anio. Melohy izahay rehefa diso. Avelao izahay hahafantatra ireo fahadisoana izay anananay. Ary tahio izahay ho ao amin'ny lâlana izay marina, mba hahafahanay mahafantatra hoe iza no lâlana handehanana, ary ahoana no hitondrana tena ao amin'ity izao tontolo izao ankehitriny ity; mba hahafahanay mitondra ny voninahitra, eo amin'ny fahavelomanay eto, ho an'i Jesosy Kristy, Izay maty mba hanome Fiainana iray ho anay ao amin'ilay any ankoatra lehibe. Mangataka an'izany amin'ny Anaran'i Jesosy izahay. Amena.

<sup>23</sup> Ankehitriny dia tiako ny hamaky fotsiny avy ao amin'ny toerana anankiroa avy ao amin'ny Soratra, izao maraina izao. Ary ny anankiray amin'izy ireo dia hita fotsiny ao amin'ny Bokin'ny Eksodosy. Raha ny marina, izy roa ireo dia samy avy ao amin'ny Bokin'ny Eksodosy. Ny anankiray, dia ny toko faha-13, ary ny andininy faha-21 sy faha-22. Ary ny anankiray manaraka dia ny toko faha-14, ny andininy faha-10, faha-11 ary ny faha-12. Ankehitriny dia hamaky avy ao amin'ny Eksodosy 13:21 aho.

*Ary ny Tompo nandeha teo alohany raha antoandro tao amin'ny andry rahona, mba hitarika azy ireo tamin'ny lâlana; ary ny alina... andry afo, mba hanome azy ireo ny hazavana; mba handehanany andro aman-alina:*

*Tsy nesoriny ny andry rahona raha antoandro, na ny andry afo nony alina, teo alohan'ny olona.*

<sup>24</sup> Ankehitriny ao amin'ny Eksodosy 14, ary ny andininy faha-10.

*Ary rehefa mby akaiky i Farao, dia natopin'ny zanak'Israely ny masonry, ka, indreo, ny Egyptiana tamy nanenjika azy ireo; dia raiki-tahotra indrindra izy ireo: ary nitaraina tamin'ny Tompo ny zanak'Israely.*

*Ary dia niteny... Mosesy hoe, Satria misy... (manao azafady aminareo aho)*

*Ary hoy izy ireo tamin'i Mosesy, Satria tsy nisy fasana ve tany Egypta, no nentinao ho faty aty an-efitra izahay? nahoana no nanao izany taminay ianao, ka nitondra anay nivoaka avy tany Egypta?*

*Tsy izao ve no teny izay nolazainay taminao tany Egypta, nanao hoe, Avelao ihany izahay, mba hahafahanay hanompo ny Egyptiana? Fa aleonay ihany manompo ny Egyptiana, toy izay ho faty any an-efitra izahay.*

25 Mbola hamaky andininy vitsivitsy ihany aho.

*Ary hoy Mosesy tamin'ny olona hoe, Aza matahotra...*

Ankehitriny henoy tsara eto.

...Hoy Mosesy tamin'ny olona, Aza matahotra ianareo, mipetraha tsara, fa ho hitanareo ny famonjen'ny TOMPO, izay hasehony... anareo anio: fa ireo Egyptiana izay hitanareo anio, dia tsy ho hitanareo intsony mandrakizay.

*Ny TOMPO no hiady ho anareo, fa ianareo kosa hihazona ny filaminanareo... hoy ny TOMPO tamin'i Mosesy, Nahoana no mitaraina amiko ianao? Mitenena amin'ny zanak'Isirael, mba handroso izy ireo:*

*Fa aingao ny tehinao, ary ahinjiro ambonin'ny ranomasina ny tananao, ka saraho izany: dia handeha eo amin'ny tany maina ny zanak'Isirael hamaky eo afovoan'ny ranomasina.*

*Ary izaho, indro, izaho hanamafy ny fon'ny Egyptiana, ka hanaraka azy izy ireo: ary hankalazaina aho eo amin'i Farao, sy eo amin'ny miaramilany rehetra, sy eo amin'ny kalesiny, ary eo amin'ny mpitaingin-tsoavaliny.*

*Dia ho fantatry ny Egyptiana fa izaho no TOMPO, rehefa ankalazaina aho eo amin'i Farao, sy eo amin'ny kalesiny, ary eo amin'ny mpitaingin-tsoavaliny.*

*Ary ilay anjelin'Andriamanitra, izay nandeha teo alohan'ny tobin'ny Isirael, dia nifindra ka nankeo aorian'izy ireo; ary ny andry rahona nandeha... teo anatrehan'izy ireo, ary nijanona taorian'izy ireo:*

*Ary izany dia tonga teo anelanelan'ny tobin'ny Egyptiana sy ny tobin'ny Isirael;... ary izany dia rahon'ny aizina tamin'izy ireo, fa nanome hazavana kosa izany ny alina ho an'ireto: mba tsy hanatonan'ny anankiray amin'ny iray hafa mandritry ny alina.*

*Ary Mosesy naninjitra ny t nany tamin'ny ranomasina; ary ny TOMPO nampisava ny ranomasina tamin'ny rivotra mahery mandritry ny alina, ary nataony tany maina ny ranomasina, ary dia voasaraka ny rano.*

*Dia nandeha teo afovoan'ny ranomasina nandia tany maina ny zanak'Isirael: ary ny rano dia tonga fefy ho azy ireo teo amin'ny ankavanany, sy teo amin'ny ankavia.*

*Dia nanenjika ny Egyptiana, ka niditra nanaraka azy ireo teo afovoan'ny ranomasina, hatramin'ny soavalin'i Farao rehetra, ny kalesiny, ary ny mpitaingintsoavaliny.*

*Ary izao no niseho, fa tamin'ny fiambenana maraina dia njery ambany an'ireo miaramilan'ny Egyptiana tao amin'ny andry afo ny TOMPO ary...ny rahona, ka nampifananitaka ny miaramilan'ny Egyptiana,*

*Ary nanala ny kodiaran'ny kalesiny, izay nampahasaroatra ny fandehanan'izy ireo: ka dia hoy ny Egyptiana hoe, Aoka handositra ny tavan'ny Isirael isika; fa ny TOMPO no miady ho azy ireo ary manohitra ny Egyptiana.*

<sup>26</sup> Mahafinaritra loatra ny Tenin'ny Tompo, tsara loatra, ka tsy misy fomba hampijanona ny famakiana Azy. Lasa Fiainana fotsiny Izany, raha mamaky Azy isika. Mieritreritra aho, ao amin'ity lahateny ity izao maraina izao, na dia hatao horonampeo aza izao, dia tiako ny hiteny an'izao eto am-panombohana, izany dia mahita, mahita ny tenako aho. Ary ny antony izay izaho... Omaly, raha teo am-pandinihana, dia tonga eto amin'ity lohahevitra ity aho, ary dia nieritreritra aho hoe, "Handeha fotsiny aho, raha sitraky ny Tompo, hiresaka eo amin'izany, satria mampiety ahy izany." Ary manantena aho fa mampiety antsika rehetra izany, mba hahafahantsika mahita, sy hanao antsika hiandranda; ary handinika kely, amin'ny fampitahana ny andro izay nisy tamin'izany, ny...amin'ny andro izay misy ankehitriny.

<sup>27</sup> Tiako ny haka teny anankitelo ho an'ny lahateny, ary izany dia: *Nahoana No Mitaraina? Mitenena!* Niteny tamin'i Mosesy Andriamanitra, eto amin'ny andininy faha-15 hoe, "Nahoana no mitaraina Amiko ianao? Mitenena amin'ny olona, mba handroso izy ireo." Ary: *Nahoana No Mitaraina? Mitenena!*

<sup>28</sup> Ankehitriny, dia manana lohahevitra tsara anankiray isika, ary hiezaka aho ny hanafaingana an'izany haingana arak'izay azo atao, arak'izay itarihan'ny Fanahy Masina. Ary tiako ny mieritreritra ny...an'ity lohahevitra ity, an'i Mosesy nitaraina tamin'Andriamanitra, tao amin'ny fotoan'ny olana; ary nananatra an'i Mosesy indray Andriamanitra, avy hatrany

rehefa ilay olana no tao amin'ny—tao amin'ny fitobahany. Ary izany dia natiora fotsiny, toa mahazatra, ho an'ny olona ny mitaraina. Ary noho izany dia toy ny—ny fananarana manao ahoana izany ho an'Andriamanitra ny nihodina ka nananatra azy tamin'ny fitenenana an'izany, tamin'ny fitarinana Taminy. Toy ny hoe zavatra iray tena sarotra ilay izy.

<sup>29</sup> Matetika rehefa mijery ny Soratra isika, amin'ny fomba fijerintsika manokana, dia toy ny hoe tena sarotra ilay izy. Fa rehefa mandinika Azy vetivety isika, dia hitantsika fa ilay Andriamanitra mahay indrindra dia mahafantatra mihitsy an'izay Hataony. Ary Fantany hoe ahoana no hanaovana an'ireo zavatra ireo sy hoe ahoana no fiaraha-miasa amin'ny olona. Fantany izay ao anatin'ny olona. Izy, Izy no mahafantatra azy. Isika tsy mahafantatra. Isika dia mahafantatra fotsiny avy amin'ilay lafiny ara-tsaina. Izy no mahafantatra hoe inona marina no ao anatin'ilay olona.

<sup>30</sup> Teraka teto amin'ity izao tontolo izao ity i Mosesy, ary zazalahy manana fanomezam-pahasovana. Teraka ho mpaminany iray izy, mpanafaka iray. Teraka niaraka tamin'ny fitaovam-pahaterahana tao aminy izy, tahaka ny olona rehetra izay tonga eto amin'izao tontolo izao dia teraka miaraka amin'io fitaovana io, araka ny hinoako marina ao amin'ny—ao amin'ny fahalalana mialoha an'Andriamanitra, ilay fifidianana mialoha.

<sup>31</sup> “Tsy sitrak'Andriamanitra ny hahafaty ny rehetra, fa ny hahatonga ny rehetra ho amin'ny fibebahana.” Saingy, amin'ny maha-Andriamanitra, dia tsy maintsy Fantany, ary dia, “fantany ny farany hatrany am-boalohany.” Hitanareo? Raha tsy Fantany, dia tsy ho tsi-manam-petra Izzy; ary raha tsy tsi-manam-petra Izzy, dia tsy Andriamanitra Izzy. Noho izany dia tsy Sitrany, tokoa, ny hahafaty ny rehetra, saingy Izzy—Izzy dia mahafantatra hoe iza no ho faty ary iza no tsy ho faty. Izany ilay antony, ilay tena tanjona izay nahatongavan'i Jesosy teto an-tany, dia ny hamonjy an'ireo izay Andriamanitra, tamin'ny alàlan'ny Fahalalana mialoha, no nahita izay te-ho vonjena, hitanareo, satria ny tany manontolo dia voaheloka. Ary tsy hitako hoe ahoana no hahafahantsika mampianatra an'izany amin'ny fomba hafta ankoatry ny fahalalana mialoha an'Andriamanitra, ary ny Baiboly dia milaza mazava fa Izzy dia “mahafantatra ny farany hatrany am-boalohany,” ary afaka miteny an'izany.

<sup>32</sup> Noho izany, rehefa ny—ny olona no miezaka ny ho zavatra iray izay tsy maha-izy azy, dia manao hala-tahaka fotsiny izy ireo, ary na ho haingana na ho ela dia ho hasehon'izany ianareo. Hasehon'ny otanareo ianareo. Tsy afaka manarona azy ireny ianareo. Tokana ihany no fanaronana ny ota, izany dia ny Ràn'i Jesosy Kristy, ary Izany dia tsy azo ampiharina raha tsy efa niantso anareo hatrany amin'ny fanorenana an'izao tontolo izao Andriamanitra. Izany no nandrarahana an'io Rà io; tsy ho

hitsakitsahina, sy ho vazivaziana, sy—sy hanaovan-dratsy, sy—sy hitenenan-dratsy, sy—sy ny sisa. Ho an’ny tanjona mahitsy izany. Marina izany. Tsy ilalaovana, tsy hakana tahaka, amin’ny filazana fa voasarona ny fahotana nefä tsy izany izy ireo. Ary tsy misy olona afaka manana ny fahotany ho voasarona raha tsy efa natao tao amin’ny Bokin’ny Fiainan’ny Zanak’ondry ny anarany talohan’ny fanorenana an’izao tontolo izao. Jesosy no niteny, Izy tenany hoe, “Tsy misy olona afaka manatona Ahy raha tsy ny Raiko no mitarika azy. Ary ny rehetra izay ny Ray no efa,” fotoana lasa, “nanome Ahy, no hanatona Ahy.” Marina izany. Noho izany dia tsy afaka manao ny Teny handainga ianareo. Eo izy ireo ho Fahamarinana sy ho fanitsiana.

<sup>33</sup> Ary teraka niaraka tamin’ny fanomezam-pahasoavan’ny finoana i Mosesy; nanana finoana lehibe i Mosesy. Ho hitantsika izany, afaka kelikely, nivoaka avy tao anatiny. Ary teraka tao amin’ny fianakaviana malaza izy, araka ny fantatsika hoe ahoana fa ny rainy sy ny reniny, dia avy tamin’ny fianakavian’i Levy. Fa, ny tantara eto, talohan’izao, ao amin’ny Bokin’ny—ny Eksodosy, tena mahafinaritra fa manome ny fiainan’io toetra lehibe io. Ary izy no anankiray amin’ireo—ireo toetra lehibe indrindra ao amin’ny Baiboly, satria izy no tena tandindona iray an’ny Tompo Jesosy.

<sup>34</sup> Izy dia teraka tamin’ny fahaterahana tena hafahaha, tahaka ny Tompo Jesosy. Teraka tamin’ny fotoan’ny fanenjehana izy, tahaka ny Tompo Jesosy. Teraka mba ho mpanafaka izy, tahaka ny Tompo Jesosy. Nafenin’ireo raiamandreniny izy, lavitra an’ilay fahavalao, tahaka ny Tompo Jesosy. Ary tonga teo amin’ny fotoan’ny asany izy, tahaka ny Tompo Jesosy. Mpitarika iray izy, tahaka ny Tompo Jesosy. Mpaminany iray izy, tahaka ny Tompo Jesosy. Ary mpanao lalàna iray izy, tahaka ny Tompo Jesosy.

<sup>35</sup> Ary hitantsika fa maty teo ambonin’ny Vatolampy izy, ary tsy maintsy nitsangana indray izy sy ny sisa, satria, valonjato taona taty aoriania dia nitsangana teo amin’ny Tendrombohitra Fiovan-tarehy izy, niresaka tamin’ny Tompo Jesosy. Hitanareo? Anjely no nitondra azy. Tsy misy mahafantatra hoe aiza izy no nalevina. Na dia ny devoly aza tsy mahafantatra an’izany. Raha ny marina, dia tsy mino aho fa hoe nalevina akory aza izy. Izaho—izaho dia mino fa Andriamanitra no nitondra azy, ary—ary maty teo amin’ny Vatolampy izy izay narahiny nandrity ny androm-piaianany rehetra.

<sup>36</sup> Ary izy no tandindona iray tanteraka an’i Kristy. Mpanjaka iray teo amin’ny olona izy. Mpanao lalàna iray izy. Izy no—izy no—no mpanohana ny olona. Izy no zava-drehetra, tao—tao amin’ny tandindona, izay naha-Kristy.

<sup>37</sup> Ankehitriny, àry, hitanareo fa izy dia teraka niaraka tamin’ireo fanomezam-pahasoavana lehibe sy toetra ireo tao

anatiny, noho izany dia nila Zavatra iray fotsiny hampitselatra an'izany, hitondrana an'io zavatra io eo amin'ny Fiainana.

<sup>38</sup> Hitanareo, ilay voan'Andriamanitra dia voapetraka tokoa ao anatintsika hatramin'ny fanorenana an'izao tontolo izao. Ary rehefa mandona voalohany an'io voa io ilay Hazavana, dia Izany no mitondra azy ho amin'ny Fiainana, fa ilay Hazavana aloha no tsy maintsy tonga eo amin'ilay voa.

<sup>39</sup> Tahaka ny nampianariko matetika ny amin'ilay vehivavy teo amin'ny fantsakana, izy tao amin'io toerana io. Izy na dia o—olona ratsy fitondran-tena aza, na dia ny—ny fiainany aza no nitotongana, ary tao amin'izany toerana izany izy satria tsy nahakasika azy mihitsy ireo fombafomba, saingy, na izany aza, rehefa nandona azy ilay Hazavana, avy hatrany dia fantany Izany, satria nisy zavatra tao mba hamaly an'Izany. "Rehefa ny Lalina no miantso ny Lalina," dia tsy maintsy misy Lalina iray any ho any hamaly an'izany antso izany.

<sup>40</sup> Ary Mosesy eto dia teraka ho io mpaminany io, saingy notezaina tao amin'ny sekoly ara-tsaina iray izy sy ny lapan'i Farao. Ilay Farao Seti, izay nitaiza azy teo ambanin'izany, dia lehilahy iray izay mbola nanan-kaja, ary nino an'i Josefa ho mpaminanin'ny Tompo. Saingy tonga teo Ramesesa taorian'i Seti, ary tsy niraharaha ny amin'i Josefa i Ramesesa. Ary dia, noho izany, teo no nanomboka ny olana, ankehitriny, rehefa nitsangana ny Farao iray izay tsy nahafantatra an'i Josefa.

<sup>41</sup> Fa ireo toetra lehibe ireo, ndao isika hiresaka azy ireo vetivety fotsiny, ary, mialohan'ny hahatongavantsika eo amin'ny ampahany lehibe an'ilay lahateny. Manana fomba hafahafa hametrahana lahateny iray aho, avy eo dia manorina an'ilay izy, ary ny Tompo anie hanampy antsika izao maraina izao raha manorina an'izany isika.

<sup>42</sup> Mosesy, teraka niaraka tamin'io fanomezam-pahasoavana lehibe an'ny finoana io. Avy eo, dia voahosotra izy ary nirahina teo amin'ilay kirihitra nirehitra, mba hanafaka ny vahoakan'Andriamanitra. Ankehitriny, hitanareo ireo toetra lehibe izay nananan'io lehilahy io! Teraka ho an'ny zavatra anankiray izy. Nanana tanjona iray tao amin'izany Andriamanitra.

<sup>43</sup> Manana tanjona iray Andriamanitra amin'ny maha-eto anareo. Hitanareo? Raha mba afaka fotsiny ianareo ny ho, ho tonga eo amin'izany toerana izany, olana firy no hesorinareo amin'Andriamanitra sy ny tenanareo, ihany koa.

<sup>44</sup> Teraka Mosesy, ary avy eo izy dia, taorian'izany, dia nentina izy teo—teo amin'ny toerana iray izay nanosorana azy. Ary, mariho, ilay voa dia nipetraka tao niaraka tamin'ny fiheverana ara-tsaina, niaraka tamin'ny finoana rehetra fa izy dia teraka mba hanafaka an'io vahoaka io, kanefa dia tsy mbola tonga teo amin'ny Fiainana mihitsy izany raha tsy ilay Hazavana avy tao

amin'ny kirihitra nirehitra no nampitselatra an'izany; mandrapahitany, tsy hoe zavatra iray izay efa novakiany, fa zavatra iray izay hitan'ny masonry; Zavatra iray izay niresaka taminy, ary namaly an'Izany koa izy. Oh, toy ny ahoana no nitondran'izany an'ireo zavatra teo amin'ny Fiainana.

<sup>45</sup> Heveriko fa ny lehilahy rehetra miaraka amin'ny...na vehivavy, zazalahy na zazavavy. Ary heveriko, ao amin'ny fiheverana ara-tsaina iray ny amin'izay eritreretin'izy ireo momba ny Teny, sy ny sisa, dia tsy banana fanorenana feno iray hijoro mihitsy raha tsy efa nihaona tamin'io Hazavana io izy ireo izay mitondra an'io Teny io ho zava-misy anankiray.

<sup>46</sup> Heveriko fa tsy misy fiangonana ao amin'ny fanaony, tsy mampaninona na ho ara-tsaina sy ara-pototra toy ny inona aza izy, izany fiangonana izany dia tsy afaka ny hitombo raha tsy efa voasaho teo amin'izany olona izany ilay Ivelan'ny voajanahary, ary hitan'izy ireo izany. Zavatra izay azon'izy ireo resahana, ka hiresaka amin'izy ireo koa, izay hanamarina an'ity Teny voasoratra ity.

<sup>47</sup> Ankehitriny tsarovy, rehefa nihaona tamin'ity kirihitra nirehitra ity i Mosesy, dia voamarina tanteraka ilay Teny. Ny Teny izany. Tsy nila natahotra i Mosesy, "Inona daholo izany Feo izany? Inona ity Zavatra eto ity?" Satria, efa nosoratan'Andriamanitra tao amin'ny Soratra, ao amin'ny Genesisy, fa, "Ny taranakao dia hivahiny ao amin'io tany hafa io, fa hentina hiverina izy ireo afaka efa-jato taona, hiverina indray amin'ity firenena ity, fa ny-ny heloky ny Amorita dia mbola tsy tanteraka." Ankehitriny, an-jatony sy an-jatony taona talohan'izany, dia niteny Andriamanitra fa, "Isiraelly dia hivahiny ary hampahoriana any amin'ny firenen-kafa, ary hijanona any efa-jato taona. Saingy Andriamanitra, miaraka amin'ny tànana mahery, no hitondra azy ireo hivoaka." Noho izany, hitanareo, miaraka amin'io kirihitra nirehitra io...

<sup>48</sup> Mosesy dia nahafantatra an'izany, ara-tsaina. Ary ilay voa izay teraka tao anatiny, dia nandry tao am-pony. Ary niezaka izy, tamin'ny alàlan'ny fahatsapany ara-tsaina niaraka tamin'ny Teny, miezaka ny-ny-ny hitondra azy ireo hivoaka, mba hanafaka azy ireo, satria fantany fa izy dia teraka ho an'izany tanjona izany. Fantany izany, ilay fotoana. Ireo Soratra rehetra nilaza fa izy ireo dia efa efa-jato taona izay no naха-teo azy ireo.

<sup>49</sup> Tahaka ny hahafantarsika ankehitriny mihitsy, tahaka ny nanontanian'ny lehilahy iray ahy fotoana vitsy lasa izay, mikasika ny Fihaviana sy ny Fampakarana. Mahafantatra isika. Efa niaina an'ilay fotoana isika, ao amin'ilay fotoan'ny Fampakarana izay efa antomotra, miandry ny finoan'ny fampakarana isika izay afaka hisintona ny Fiangonana miaraka sy hanome azy hery ivelan'ny voajanahary iray, izay afaka hanova an'ireto vatana izay iainantsika ireto. Rehefa mahita

Andriamanitra iray isika izay afaka manangana ny maty avy eo amin'ny gorodona na any an-tokotany, ka mamerina azy indray amin'ny fainana ka maneho azy eo anatrehantsika, rehefa mahita Andriamanitra iray isika izay afaka manala homamiadana iray izay mihinana olona iray ho lasa aloka ka manangana azy ho olona matanjaka ara-pahasalamana iray, dia izany no tokony hanome ny finoan'ny fampakarana ho an'ny olona. Fa, rehefa mitselatra avy eny amin'ny lanitra io Hazavana io, ka tsofina ny trompetra, dia hangonina miaraka haingana ny Vatan'i Kristy, ka hovana ao anatin'ny fotoana fohy ary entina mankany An-danitra. Eny, tsy maintsy hisy zavatra tahaka an'izany hitranga. Ary ireo sekolin'ny teolojantsika dia tsy afaka hamokatra an'izany mihitsy, kanefa dia tena mety tsara izy ireo ara-tsaina. Fa tsy maintsy mihaona amin'io Hazavana io ianareo! Tsy maintsy mahita an'io Zavatra io ianareo.

<sup>50</sup> Ary indro i Mosesy, nametraka ny antsony lehibe teo amin'ny Teny, ary lehibe izany, hany ka nihaona tamin'io Hazavana io izy indray andro, ary ilay tena Teny Izy tenany mihitsy no namaly azy. Avy eo dia nahazo ny hosony izy. Io no nanosotra an'izay nananany tao aminy, ilay tao anaty, ireo—ireo ara-tsaina izay nino an'izany, ilay finoana izay nifototra teo amin'ny finoany an'Andriamanitra, izay nanasaraka azy tamin'ny reniny. Ary ankehitriny rehefa midona eo amin'ny Fanatrehan'io Hazavana io izy, dia Izany no nanosotra an'izay ninoany. Hitanareo? Hosotra iray toy ny inona! Ary dia nirahina izy.

<sup>51</sup> Ankehitriny, fantatsika, ara-tsaina dia efa nandre ny reniny izy. Fantany izay hiseho, ary fantany fa niaina tamin'izany andro izany izy. Saingy eto dia hitany fa tsy fahombiazana iray izy, noho izany izy dia tsy maintsy... mety nidina kely ny finoany. Saingy avy eo rehefa tonga teo amin'ilay kirihittra izy, dia hoy Andriamanitra hoe, “Reko ny fitarainan’ny Oloko, ary Tsaroko ny Teny fikasako tamin'ireo rainy, Abrahama, Isaka, ary Jakoba, ary Izaho no hidina.” “Izaho,” teo, ilay—ilay mpisolo tena, “Izaho no hidina hanafaka azy ireo.”

<sup>52</sup> Ary ankehitriny, ary afaka manampy an'izao aho raha izany... Hamela ahy anie Andriamanitra raha toa ohatry ny fanimbazimbana izany. “Tsy hiasa eny ambonin'ny tany Aho, fa amin'ny alàlan'ny olona ihany. Izaho—Izaho—Izaho no Voaloboka; ianareo no sampany. Ary haneho ny Tenako fotsiny Aho rehefa afaka mahita olona iray. Ary Izaho no nifidy anao, ary maniraka anao Aho hidina hamoaka azy ireo.” Hitanareo? Ankehitriny mariho, “Homba ny vavanao Aho, ary Izaho... ianao haka an'io tehina io.”

<sup>53</sup> Dia hoy Mosesy hoe, “Afaka mahita porofo ve aho fa Ianao no haniraka ahy, ary Ianao no nanosotra ahy, ary Ianao no hanao an'ireo zavatra ireo?”

Hoy Izy, “Inona no eny an-tànanao?”

Hoy izy hoe, “Tehina iray.”

Hoy Izy, “Atsipazo iny.” Nivadika ho menarana izany. Nandositra izy.

<sup>54</sup> Hoy Izy hoe, “Raiso io.” Niverina ho tehina iray indray izany. Hoy Izy, “Ataovy ao an-tratranao ny tñananao.” Avohay izany, ary lasa boka ilay izy. Atsofoy indray, dia sitrana ilay izy.

<sup>55</sup> Hoy izy, “Nahita ny voninahitr’Andriamanitra aho.” Tsy nisy fanontamiana intsony, tamin’i Mosesy. Efa mba voamarikareo ve, fa tsy nandositra nankany an-efitra intsony indray izy? Fantany fa voahosotra izy. Fantany hoe taiza, ireo zavatra rehetra izay tao am-pony ireo, ireo toetra tsara lehibe ireo, ary izy . . . voahosotra izy ireo ankehitriny. Izy, vonona izy. Vonona ny handeha izy. Noho izany dia nidina nankany Egypta izy.

<sup>56</sup> Hoy Andriamanitra hoe, “Homba anao Aho,” noho izany—milamina ilay izy. Raha, “Homba anao Aho,” dia izay ihany no tokony ho fantatr’i Mosesy, ho an’io antso lehibe tao am-pony io. Ary ankehitriny hoy Andriamanitra hoe, “Homba anao Aho.”

<sup>57</sup> Ankehitriny, dia nanamarina ny azy koa Andriamanitra, ireo filazan’i Mosesy. Ny filazan’i Mosesy hoe, “Nihaona tamin’ny Tompo aho. Ary Izy no nilaza mba hiteny aminareo hoe, ‘IZAHO IZAY IZY’ no naniraka ahy.” Hitanareo?

<sup>58</sup> Ankehitriny dia hoy izy ireo hoe, “Indro ny lehilahy iray, Jiosy hafa iray, mety ho anisan’ireo fanaticika izay efa nisy hatramin’izay angamba miaraka amin’ireo karazana tetika rehetra hanalana antsika amin’ny fahandevalozana.” Ary fantatrareo hoe manao ahoana ny olona rehefa andevo izy ireo, na ao anatin’ny fahandevalozana nohon’ny zavatra iray, misy karazan-javatra anankiray foana tonga, fantatrareo, hanaovana an’ilay izy.

<sup>59</sup> Noho izany, Mosesy, Andriamanitra no nampanantena an’i Mosesy hoe, “Homba anao Aho. Ho ao anatinao Aho. Ireo Teniko no ho Teninao. Ianao no miteny ny Teniko ary milaza fotsiny an’izay Lazaike.”

<sup>60</sup> Ary ankehitriny rehefa nidina i Mosesy ary nanome azy ireo an’io antso io, dia nitsangana teo anatrehan’i Farao, ka niteny taminy hoe, “Ny Tompo Andriamaniry ny Hebreo no nanao hoe, ‘Ento mivoaka ny zanaka.’” Ary tsy namela azy ireo nandeha izy. Noho izany izy—izy dia naneho famantarana iray teo anatrehan’ireo loholona sy teo anatrehan’i Farao, ary ireo famantarana izay nataon’Andriamanitra. Hoy izy hoe, “Ankehitriny, rahampitso, saiky amin’ny ora toy izao, dia hilentika ny masoandro. Ho aizina izany manerana an’i Egypta rehetra,” ary dia niseho tanteraka tokoa izany. Ary avy eo dia hoy izy hoe, “Hisy—hisy lalitra ho tonga eto amin’ny—eto amin’ny firenena,” ary dia naninjitra ny tehiny izy ary niantso ny lalitra, dia tonga ny lalitra. Dia naminany izy, ary ny zavatra

rehetra izay naminaniany dia nitranga tanteraka arak'izany tokoa. Andriamanitra izany. Hitanareo?

<sup>61</sup> Andriamanitra dia efa niantso azy hatramin'ny nahaterahany, nametraka toetra tao aminy, an'ilay finoana lehibe, ary avy eo dia nidina niaraka tamin'ny Fanatrehany sy nanosotra an'io zavatra lehibe tao aminy io, ary naniraka azy hidina miaraka amin'ny Teniny, ary izy no fanamarinana marina an'ireo filazany. Tsy mampaninona na mpisandoka firy aza no nitsangana, na firy ireo zavatra hafa izay nitranga, Andriamanitra no niteny... Mosesy no voatondro. Mosesy, izay nolazain'i Mosesy, dia nohajain'Andriamanitra. Tiako ianareo tsy hanadino an'izany Teny izany mihitsy. Izay nolazain'i Mosesy, dia nohajain'Andriamanitra, satria ny Tenin'Andriamanitra no tao amin'i Mosesy. "Homba ny vavanao Aho; hiteny ny zavatra marina izy." Ankehitriny, izay lazain'Andriamanitra—izay lazain'Andriamanitra, dia Teneniny amin'ny alàlan'i Mosesy izany, ka voamarina izany ary fanamarinana iray an'ireo filazany.

<sup>62</sup> Izao koa, efa nolazain'ny reniny taminy, ny amin'ny fahaterahany mahagaga, sy hoe ahoana fa ilay fotoana farany dia miha-manakaiky an'ilay ora izay tokony hisian'ny fahafahana. Amrama sy—sy Jokebeda, ireo zanakalahy sy zanakavavin'i Levy, dia nanomboka nivavaka tamin'Andriamanitra mba handefa mpanafaka iray. Ary izany dia nila... rehefa hitanareo fa miha-manakaiky ilay fotoan'ny teny fikasana, dia izany no manao ny olona hivavaka sy ho noana. Ary tsy isalasalana fa—fa efa niteny taminy matetika i Jokebeda, ny reniny; satria izy no mpitaiza azy, ihany koa, araka ny fahafantarrantsika ny tantara. Ary niteny taminy izy hoe ahoana no nivavahany. "Ary, ry Mosesy, rehefa teraka ianao, anaka, dia ianao ilay zaza nandrasana. Hafa ianao. Nisy zavatra niseho tamin'ny fahaterahanao."

<sup>63</sup> Nanao tantara kely an'izany ho an'ireo ankizy aho, vao tsy ela akory izay, ka nanao hoe, "Raha mbola nivavaka tao amin'ny efitrano i Amrama, dia nahita Anjely iray izy nanatsoaka ny Sabany ka nanondro an'izany nankany Avaratra, ary nanao hoe, 'Hanan-janaka ianao, ary izy no hitondra an'ireo zanaka ho any Avaratra ho any amin'ilay tany nampanantenaina.'" Nanao tantara kely iray ho an'ireo ankizy kely aho mba hahazoan'izy ireo an'ilay izy; fa ny fahalalan'izy ireo dia tsy mbola tonga eo amin'ny toeran'ny anareo efa lehibe, ka afaka hihazona an'ireo zavatra araka ny anambaran'ny Fanahy Masina azy aminareo.

<sup>64</sup> Ankehitriny, na dia niteny taminy an'ireo zavatra ireo aza ny reniny, ary fantany izany, kanefa dia nila fikasihana anankiray hafa izy. Ilay—ilay fampianarana dia tsara, fa nila fifandraisana manokana anankiray izy.

<sup>65</sup> Izany no ilain'izao tontolo izao ankehitriny. Izany no ilain'ny fiangonana ankehitriny. Izay no ilain'ny tsirairay ankehitriny, izany no zanakalahy sy zanakavavin'Andriamanitra. Mba hahatonga an'izany, dia mila fifandraisana manokana anankiray ianareo, hitanareo, Zavatra iray. Tsy mampaninona, na dia fantatrareo aza fa marina ny Teny, fantatrareo fa mahitsy Izany; saingy avy eo rehefa mifandray izany, ary avy eo dia hitanareo ilay zavatra fa vita, amin'izay fotoana izay vao fantatrareo fa eo amin'ilay lèlana marina ianareo. Hitanareo? Ary, diniho, ho ara-tSoratra foana izany. Hijoro tsara miaraka amin'ny Soratra foana izany, satria efa izany io.

<sup>66</sup> Ny vavak'i Amrama dia tena niaraka tamin'ny Soratra tanteraka. Ny vavak'izy ireo dia niaraka tamin'ilay Teny nampanantenaina. Andriamanitra no nampanantena tamin'io fotoana io fa hanao an'ilay izy. Nivavaka ho an'izany izy ireo, ary indro ilay zanaka nandrasana. Ary izy ireo . . .

<sup>67</sup> Diniho! Oh, toy ny ahoana no itiavako an'izany! Hitanareo, tamin'ny ora izay namonoan'i Farao an'ireo zaza rehetra, hitanareo, namely azy ireo tamin'ny—tamin'ny sabatra, ilay sabatry ny mpiambina; izy ireo, izy ireo dia namono an'ireo ankizy kely ireo tamin'ny sabatra, nanome azy ireo ho sakafon'ny voay, ireo vatana kely ireo, hany ka dia natavy tamin'ny vatan'ireo ankizy Hebreo ireo angamba ny voay. Fa ny Baiboly no nilaza, fa, "Ireo raiamandreny dia tsy natahotra ny baikon'i Farao hamonoana an'ireo zaza." Tsy natahotra izy ireo. Tsy nitebiteby izy ireo, satria nahita zavatra tao amin'io zaza io izy ireo, hatrany am-boalohany. Hitan'izy ireo izany, hoe ity ilay valim-bavaka.

<sup>68</sup> Ary ankehitriny dia nanana an'io momba ny lasa rehetra io i Mosesy, noho izany dia fantatr'i Mosesy fa izy dia nirahina ho an'ilay tena tanjona mba hanafaka ny zanak'Israely.

<sup>69</sup> Hitanareo, io momba ny lasa rehetra io dia misavovona fotsiny. Rehefa mahazo zavatra ianareo, ka afaka mitondra ny Baiboly, manao hoe, "Ity no hitranga," ary indro fa mitranga ilay izy; "ary ity no hisy amin'io fotoana io," indro mitranga ilay izy; "ary ity no hisy amin'ny fotoana toy izao," mitranga eo izany; amin'izay fotoana izay dia mitambatra miaraka izany rehetra izany ary manao sary anankiray ho antsika.

<sup>70</sup> Oh, ahoana ny amin'ity tabernakla ity izao maraina izao, ahoana isika vahoaka an'ity ora ity, Rahalahy Neville, raha mahita an'ireo fotsy mameley ny volontsika isika, sy ny sorontsika miha-milatsaka, rehefa mahita an'izao tontolo izao mihevaheva sy mihilangilana araka ny maha-izy azy isika, ary ahoana no hahafahantsika mijery ny manodidina ka mahita fa efa miha-manakaiky ilay teny fikasana! Izany dia, izany . . . Mihevitra aho, matetika, fa raha misy olona afaka hiantsambotra ao amin'Izany indray mandeha fotsiny, ka tsy hahazo an'Izany, na hahazo

an'Izany, raha ny marina, ka miditra ao anatin'Izany indray mandeha, dia saiky handefa anareo any amin'ny Mandrakizay izany, miaraka amin'ny zavatra mampakatra tahaka an'izany! Nefa tsy mahafantatra an'ilay izy mihitsy, fa izao fotsiny, oh, mitsofoka ao amin'ireo zavatra izay hitantsika sy fantatsika ary azontsika, ary miantsambotra tanteraka ao indray mandeha. Ny lehilahy, na ny vehivavy, zazalahy, na zazavavy, dia mety hanangana ny tànany fotsiny ka hanao hoe, "Ndao isika handeha, Tompo Jesosy," hitanareo. Oh, tena akaiky toy ny ahoana ilay ora!

<sup>71</sup> Fantatr'i Mosesy fa teraka ho an'izany tanjona izany izy, ka njery avy teo amin'ny varavarankely ary nandinika an'ireo Hebreo raha niasa mafy izy ireo; niverina njery eto amin'ity Soratra ity, ka izao no voalaza hoe, "Ary hivahiny efa-jato taona izy ireo, hitanareo, fa Izaho no hitondra azy ireo hivoaka amin'ny tànana mahery." Avy eo rehefa miverina izy, taorian'ny fanirahana iray, voahosotra, nahafantatra fa izy dia teraka... Ary njery ny finoany, tamin'ny finoana no nahitany an'ireo vahoaka ireo sy nahafantarany fa zanak'Andriamanitra izy ireo, satria izao tontolo izao...ny—ny Teny no nilaza an'izany. Tsy avy tamin'izao tontolo izao izy ireo, ary tsy nitovy tamin'ny sisa tamin'izy ireo. Hafa izy ireo. Ary hafahafa sy fanaticika izy ireo, ho an'ilay—ilay laza avo an'i Egypta; ary izy no tokony ho zanakalahin'i Farao, handray ny fanjakana, sy ny manaraka. Saingy, izy, nisy zavatra tao anatiny tao, te—tena finoana iray izay tsy njery an'ireo zavatra ireo, ilay laza izay tokony ho lovainy. Nijery ny teny fikasan'Andriamanitra izy, ary fantany fa miha-manakaiky ilay fotoana. Ary izany no tsy maintsy nosaintsainin'io lehilahy io!

<sup>72</sup> Te-hiresaka mikasika an'izany miaraka aminy aho, indray andro any, rehefa mihaona aminy aho any amin'ilay ilany hafa. Hoy ianareo, "Hadalana, rahalahy!" Tsia, tsy izany io. Hihaona aminy aho, noho ny fahasoavan'Andriamanitra. Eny, tompoke. Hiresaka aminy aho, indray andro any, Mosesy izy tenany. Ary toy ny ahoana no hitiavako hanontany azy, hoe ahoana mihitsy, rehefa nahita ny fiomanany izy!

<sup>73</sup> Ahoana ilay fahasahiranana, rehefa nilaza ny devoly hoe, "Ha, tsy hino anao ny olona. Hah-ah. Tsy—tsy misy dikany izany."

<sup>74</sup> Fa rehefa tonga teo amin'ny Fiainana io voa io teo, dia nisy zavatra nandona azy, ary fantany fa hisy zavatra hiseho. Fantany. Nojereny ny famantaranandroney ary hitany hoe tamin'ny firy ilay izy, ary fantany, ary toy ny inona no tsy maintsy nosaintsainany raha njery izy. Ankehitriny rehefa nangoniny izany rehetra izany, io zavatra lehibe rehetra izay hitany io; ilay fotoan'ny Soratra, ilay vavaky ny reniny sy ny rainy, ary izy dia teraka tamin'ny fahaterahana miavaka, zaza

hafahafa iray. Ary, nandritr'izany, dia nisy zavatra tao anatiny lalina tao.

<sup>75</sup> Ary ankehitriny dia miala kely izy ary miezaka ny hihevitra fa haka ny miaramilany miofana avy ao amin'ny sekoliny, ka hanafaka an'ireo zanaka, fa tsy nahomby izany.

<sup>76</sup> Avy eo dia mandeha mankany an-efitra izy ary manambady to—tovovavy Etiopiana maha-te-ho tia iray, ary nahazo zazalahy kely izy ireo nantsoina hoe Gersoma.

<sup>77</sup> Ary indray andro raha teo am-piandrasana ondry, tampoka teo dia nahita kirihiitra iray nirehitra izy teo an-tampon'ny tendrombohitra, nirehitra. Dia niakatra teo izy. Ary tsy ara-tsaina iray, tsy fi—fiheverana iray, tsy hevi-diso iray, fahadisoam-pijery, fa tao anatiny... Teo ilay Andriamanitri'i Abrahama, tao amin'ny Hazavana iray, Andry Afo iray tao anaty kirihiitra iray, io Afo io, toy ny misy onja nivoaka, saingy tsy nanelingelina an'ilay kirihiitra ilay izy. Ary ny Feon'ny Soratra, ny Feon'Andriamanitra, no niteny avy tao, ka nanao hoe, "Izaho no nifidy anao. Ianao ilay lehilahy. Izaho no nanangana anao ho an'io tanjona io. Ho porofoiko aminao eto, amin'ny alàlan'ny famantarana, fa ianao no handeha hidina hanafaka an'ireo zanaka satria tsy maintsy tanteraka ny Teniko."

<sup>78</sup> Oh, ny Teniny an'izao andro izao dia tsy maintsy tanteraka. Miala ao amin'ilay ora isika. Tsy mampaninona izay lazain'ny olon-kafa; tsy maintsy tanteraka ny Teny. Ny lanitra sy ny tany ho levona, fa tsy ny Teniny.

<sup>79</sup> Ankehitriny, rehefa nangonin'i Mosesy izany rehetra izany, ka hitany ny lafiny rehetra, dia izany no nanosotra ny finoany. Amena! Oh, oadray! Fisainana toy ny inona! Izany, ny tena, izy ihany no mahita ny Soratra manondro avy hatrany any amin'ny maha-izy azy, sy ny fitenin'Andriamanitra, ary ny porofon'izany teo, dia izany no nanosotra hoe finoana inona no tao anatiny, mba entina miasa.

<sup>80</sup> Inona no tokony hataon'izany amintsika? Mila fibebahana isika. Mila fifohazana isika. Miteny amin'ny tenako aho. Hitanareo? Mila fanozongozonana aho. Mila zavatra aho. Nilaza aho fa niteny tamin'ny tenako aho izao maraina izao, na mikasika ny tenako. Izaho—izaho—izaho mila ny—ny famohazana.

<sup>81</sup> Ary rehefa mieritreritra an'io porofo lehibe io aho, tena mipetraka tsara teo ny zavatra rehetra, dia izany no nanosotra ny finoan'i Mosesy. Ary, oadray, hitany fa tsy nisy na inona na inona...

<sup>82</sup> Eto, dia nandositra niala an'i Egypta izy, niaraka, raha ny marina, dia afaka nanomboka fi—fikomiana iray izy na zavatra iray, ary izy dia afaka—izy dia afaka nitsangana ka nanomboka fiovana lehibe tao Egypta, sy afaka naka tafika iray dia niady,

saingy, hitanareo, ary nanana an'arivony teo anilany. Saingy raha tokony ho izany, dia nitebiteby izy na dia ny hanao an'izany aza, niaraka tamin'ny tafika teo anilany.

<sup>83</sup> Fa ankehitriny dia indro izy fa miverina, efapolo taona taty aoriana, valopolo taona, miaraka amin'ny tehina iray fotosiny ihany eny an-tànanay. Nahoana? Izay nirehitra tao am-pony tao no lasa zava-misy iray. Voahosotra izy tamin'izay fotoana izay, ary fantany fa izy no nanana ny HOY NY TOMPO HOE. Tsy nisy na inona na inonaahasakana azy ankehitriny. Tsy nila tafika izy. Andriamanitra no niaraka taminy. Izay ihany no nilainy; Andriamanitra niaraka taminy.

<sup>84</sup> Oh, rehefa fantatrareo fa Andriamanitra no naniraka anareo hanao zavatra anankiray, ka hitanareo fa mihetsika eo izany, dia tsy misy—tsy misy na inona na inona mihitsy afaka maka ny toerany. Izay ihany.

<sup>85</sup> Tsaroako ireo fotoana izay nilazan'ny Tompo tamiko mikasika an'ireo zavatra izay tsy maintsy hitranga, ary avy eo dia niakatra aho ary nahita an'ilay izy nипetraka teo mihitsy, toy ny ahoana... Oh, fihetseham-po toy ny ahoana! Efa eo ambany fifehezana sahady ny toe-javatra, izay ihany, hitanareo, satria Andriamanitra no niteny an'izany.

<sup>86</sup> Tsaroako, maro aminareo no mahatsiaro, mikasika an'ilay zazalahy kely nitsangana tany Finlande, ary tamin'ny maty, novonoin'ny fiarakodia. Ary nitsangana teo amin'ny sisindàlana aho, ary nanomboka nanalavitra an'ilay zaza, ary nihodina dia njery tany aoriana. Ary nisy zavatra nametraka ny tànany teo amin'ny soroko, ary noheveriko fa i Rahalahy Moore ilay izy, fa tsy nisy olona nanodidina ahy. Dia njery tany aoriana aho, ary avy eo dia njery teny amin'ny tendrombohitra izay hitako aho. Hoy aho hoe, "Eny, efa nahita an'io havoana io aho tany ho any, nefo tsy nandeha teo amin'io lâlana io izahay. Nandeha tany amin'ny lâlan-kafa izahay. Aiza io havoana io?"

<sup>87</sup> Dia njery aho ary nahita an'ilay fiara teo, simba; hitako ilay zazalahy kely teo niaraka tamin'ny... nandry teo niaraka tamin'ny—ilay volo rimbona tanteraka, araka ny iantsoantsika azy eto. Ireo masonry nivadika, tahaka ny an-dRahalahy Way indray andro rehefa nianjera izy. Ary ilay tongotra kely nivoaka teo amin'ireo bàн-kiraro, rehefa tapatapaka ireo rantsana keliny. Ary ny rà nivoaka teo amin'ny masonry, sy ny orony, ary ny sofiny. Ary hitako ireo pataloa keliny, fohy; ary tazonin'ny bokotra, ny azy, eto sy manerana ny sisin'ilay valahany kely; ary ireo bàн-kiraro keliny niakatra, toy ny bàн-kiraro lava mitovy amin'izay nanaovantsika taona maro lasa izay.

<sup>88</sup> Dia njery manodidina aho, ary teo marina, marina ilay fomba izay nolazain'ny Fanahy Masina tamiko roa taona tany aloha, rehefa nosoratanareo rehetra izany tao amin'ny Baibolinareo nanerana ny firenena, fa hitranga izany. Oh,

teo, tamin'izay fotoana izay, teo an-tànana ny toe-javatra. Tsy mampaninona na toy ny ahoana no nahafatesany, tsy mampaninona izay lazain'ny olon-kafa; nifarana ny rehetra. Tsy maintsy miverina izy!

<sup>89</sup> Hoy aho hoe, “Raha tsy mitsangana amin’io fahafatesana io ity zaza ity, dia mpaminany sandoka aho, mpaneheo sandoka an’Andriamanitra aho. Satria, tany amin’ny fomenako, roa taona lasa izay, dia niteny tamiko Izy fa izao no hitranga. Ary teo ireo mpitoriteny, sy izy rehetra, voasoratra ao amin’ny takela-taratasin’ny Baibolintsika izany, indro eto marina ilay izy. Vakio ilay takela-taratasy, hoe ahoana fa izany dia ‘ho ao amin’ny firenena iray, misy vatolampy mitangorona, sy ny sisa, novonoina, ary eo...eo amin’ny sisiny havanan’ilay lèlana.’” Hoy aho hoe, “Io ilay izy. Tsy misy na inona na inona hahasakana an’izany. Efa eo ambany fifehezana ilay toe-javatra.”

<sup>90</sup> Ilay finoana izay tato anatin’ny foko dia voahosotra. Oh, raha mba afaka manazava an’ilay izy fotsiny mantsy aho! Ilay finoana izay Andriamanitra...Nananako tao amin’Andriamanitra, izay niteny tamiko, ary tsy diso mihitsy izany, no niteny tamiko hoe, “Eo ambany fifehezana ankehitriny ilay toe-javatra. Io marina tokoa ilay Nasehoko anao roa taona lasa izay, ary io izy mipetraka marina tokoa ao amin’ny filaminana. Ny zavatra tokana izay tokony hataonao dia ny miteny ny teny.” Ary dia nitsangana tamin’ny maty ilay zazalahy kely. Hitanareo?

<sup>91</sup> Nieritreritra aho, ary mijery any aoriane any amin-dRahalahy Fred Sothmann izay mipetraka eo, sy Rahalahy Banks Wood ary izy ireo. Indray andro, tany amin’ny—ny Alaskan Highway, toy ny ahoana no nitsanganako tao amin’ilay fiangonana ka nilazako taminareo rehetra ny amin’ny biby iray izay mitovy amin’ny diera manan-tandroka, roa amby efapolo zehy, ary bera grizzly iray milokom-bolafotsy. Tsy mbola tany mihitsy aho taloha, ary ahoana fa ilay...fa ho azoko izany, ary ho toy ny ahoana ny fitafin’izy ireo. Fantatrareo izany, ny tsirairay avy aminareo, herinandro sy herinandro talohan’ny nitrangan’izany.

<sup>92</sup> Ary teo rehefa niditra tao aho, tsy nahafantatra an’ilay izy, dia nipetraka teo ilay biby. Dia nandeha aho, ary—ary izy...tsy azo nataeo ilay izy. Raha misy mpihaza anankiray hahafantatra, na hihaino an’ity horonam-peo ity, hoe ahoana fa tsy afaka handeha eo anatrehan’ny biby anankiray ianareo, hitsambikina izy ary handositra. Saingy tsy nanao izy.

<sup>93</sup> Ary ao izy mihantona ao amin’ny efitra fiasako ao. Ao no mihantona ilay milokom-bolafotsy, tena mitovy marina tokoa. Ary ny—ary ny fanipihana mihantona ao, fanametarana iray, mba haneho ny fahamarinany. Ary ny tandroka iray dia hifintina fara-fahakeliny roan-jehy na mihoatra, raha maitso

izany teo amin'ilay biby sy rehefa maina ilay izy, saingy tsy nihena mihitsy izany. Tena mbola roa amby efapolo zehy marina mihitsy ilay izy. Hitanareo? Mipetraka ao ilay mivolombolafotsy, fito dian-tongotra ny halavany, tena marina mihitsy, ary ny zavatra rehetra dia tena mitovy amin'ilay naha-izy azy mihitsy, mipetraka ao ankehitriny.

<sup>94</sup> Fa rehefa niteny tamiko io lehilahy io hoe, “Ankehitriny, jereo, Rahalahy Branham, azontsika ity biby izay noresahanao ity, fa ianao no nilaza tamiko fa hahazo grizzly mivolombolafotsy iray ianao mialohan’ny hahatongavanao eny ambanin’ilay havoana, ao ambadik’izay misy an’ireo zazalahy ireo, izay miaraka amin’ny lobaka maitso.”

<sup>95</sup> Hoy aho hoe, “Izany no HOY NY TOMPO HOE. Andriamanitra no niteny an’izany.”

<sup>96</sup> “Fa, Rahalahy Branham,” hoy izy, “Afaka mahita ny zavatra rehetra aho eto, amina maily maro, fa tsy misy na inona na inona. Avy taiza izy io?”

<sup>97</sup> Hoy aho hoe, “Tsy anjarako ny manontany. Andriamanitra no niteny an’izany! Ary Izy no Jehovah-Jire. Izy no afaka mitondra bera iray eo. Afaka mametraka anankiray eo Izy.” Ary Nataony izany. Ary io izy eo. Izany no toe-javatra eo ambany fifehezana.

<sup>98</sup> Ary rehefa hitan’i Mosesy fa natsangana ho an’io tanjona io izy, ary nahita nifanatrika izy, an’ilay Andriamanitra lehibe Izay nanao an’ilay antso, ary nanosotra azy sy nanondro azy, ka nanao hoe, “Izao no antsonao, ry Mosesy. Haniraka anao Aho, ary Hasehoko anao ny Voninahitro. Ary indro Aho, ato anatin’ny kirihitra iray, mirehitra. Mandehana midina any! Homba anao Aho.” Tsy nila tehina iray akory aza izy. Nanana ny Teny izy, ilay Teny voamarina, ary nandeha tany izy. Izany no nanosotra an’ilay finoana izay tao anatiny.

<sup>99</sup> Ary izany no manosotra antsika rehefa hitantsika fa miaina ao amin’ny andro farany isika, mba hahita fa ireo famantaranana rehetra izay hitantsika fa miseho ireo, izay voateny ao amin’ny Soratra, dia hiseho amin’ny andro farany; manomboka hatrany amin’ny Lanitra, mankany amin’ireo hery politika, sy ny natioran’ny olona, sy ny faharatsian-toetran’izao tontolo izao, sy eo anivon’ireo vehivavy, sy hoe ahoana no hataon’izy ireo amin’ny andro farany, sy hoe ahoana no hataon’ireo lehilahy, sy hoe ahoana no hataon’ireo fiangonana, ahoana no hataon’ireo firenena, ary ahoana no hataon’Andriamanitra. Ary hitantsika fa mipetraka eto amintsika eto mihitsy izany rehetra izany.

<sup>100</sup> Oh, manosotra ny finoantsika izany. Mampiditra antsika ao anatin’ilay fihodinan-javatra lehibe izany. Hitanareo? Izany—izany no mampisaraka antsika amin’ireo zavatra hafa an’izao tontolo izao. Hitanareo? Tsy mampaninona na dia kely toy ny inona aza isika, na vitsy kely toy ny ahoana aza isika,

toy ny ahoana no hihomehezana antsika, esoina, aza manisy fahasamihafana amin'izany na dia kely aza. Izay ihany. Hitantsika ilay izy. Misy zavatra ao anatintsika ao. Voafidy mialoha isika hahita an'izao ora izao, ary tsy hisy na inona na inona hahasakana antsika tsy hahita an'izany. Amena! Andriamanitra no efa niteny an'izany eto. Izany dia—izany dia efa nitranga. Hitantsika ilay izy. Oh, toy ny ahoana no isaorantsika an'Andriamanitra ny amin'izany! Oh, noho izany, dia izany no mamoaka ny finoanareo rehefa mahita an'ireo zavatra ireo mitranga eto isika.

<sup>101</sup> Ankehitriny, eto indray koa isika dia mbola mamaky hoe, “Mosesy dia nitondra ny henatr'i Kristy ho lehibe lavitra noho ny zava-tsoan'i Egypta.” Ankehitriny, izy no nitondra ny—ny henatr'i Kristy.

<sup>102</sup> Ankehitriny tsarovy, “ny henatr'i Kristy.” Hitanareo, misy henatra eo am-panompoana an'i Kristy. Raha tena malaza ianareo amin'izao tontolo izao, dia tsy afaka manompo ianareo, tsy manompo an'i Kristy ianareo. Tsia, tsy afaka ianareo. Satria, hitanareo, misy henatra iray izay miaraka amin'Izany. Nandatsa foana izao tontolo izao.

<sup>103</sup> Tany aloha tany, an'arivony taona lasa izay, dia nisy henatra iray izay niaraka tamin'Izany. Ary Mosesy izay tokony ho farao, izy no farao ho tonga manaraka, zanakalahin'i Farao. Ary izy no tonga ho farao manaraka, niaraka tamin'ny fankasitrahana teo anivon'ny olona, kanefa izy “nijery...” Ny mitondra dia midika hoe—hoe “mijery.” “Nijery ny henatr'i Kristy ho lehibe lavitra noho izay rehetra azon'i Egypta hatolotra azy izy.” Teo an-tanany i Egypta. Saingy, kanefa, fantany fa ny mandray ny lalan'i Kristy dia henatra iray, fa tena faly izy nahafantatra fa nisy zavatra tao anatin'ny tao, izay nanao azy hijery an'io fanatonana an'i Kristy io, henatr'i Kristy, raha ny marina, ho lehibe lavitra noho ny laza rehetra izay izy—izy no handova azy. Nanana lova iray izy tao anatin'ny tao izay lehibe lavitra mihitsy noho izay nomen'ilay lova ivelany azy.

<sup>104</sup> Oh, raha mba afaka ny ho tahaka izany isika androany, ka hamela ny Fanahy Masina hanosotra an'izay ananantsika ao anatintsika, ilay finoana, ho amin'ny fainana masina iray, voatokana ho an'i Kristy!

<sup>105</sup> Ankehitriny, miaraka amin'izany finoana izay nananany izany, dia nahamarika izy, ary nijery an'io henatra io ho voninahitra.

<sup>106</sup> Amin'izao andro izao, raha misy olona afaka manao hoe, “Hey, anisan'ireo olona ireo angaha ianao, ireo?”

“Ah, ah, eny, ah.” Menatra kely ny amin'izany fotsiny ianareo.

<sup>107</sup> Fa njery an'izany izy ho zava-tsoa lehibe lavitra noho izao tontolo rehetra izao, satria dia nisy zavatra tao anatiny tao izay afaka niresaka taminy ka nanao hoe, “Eny, izaho—izaho dia mijery an’ity. Ity no omem-boninahitra avo indrindra. Faly aho ny ho anisan’izy ireo.” Hitanareo? “Faly aho manisa ny tenako ho Hebreo iray fa tsy Egyptiana iray.”

<sup>108</sup> Ireo Kristiana amin’izao andro izao dia tokony hilaza zavatra mitovy amin’izany. “Faly aho mijery ny tenako ho Kristiana iray, mifady an’ireo zavatr’izao tontolo izao sy ny momba an’izao tontolo izao. Tsy hoe mambram-piangonana anankiray fotsiny, fa ho Kristiana nateraka indray izay miaina araka ny Soratra. Na dia antsoina aza aho, avy amin’ireo mambram-piangonana mihitsy hoe, ‘fanatika,’ dia izaho—izaho—izaho mbola hitondra an’izany ho zavatra lehibe lavitra—lehibe lavitra noho izay mety naha-olona malaza ahy indrindra teto amin’ny tanàna na teto amin’ny firenena. Aleoko ho izany toy izay Filohan’i Etazonia, na—na mpanjaka eto an-tany. Hitanareo? Izaho—izaho dia mitondra an’izany ho avo indrindra, satria Andriamanitra ao amin’ny Famindram-pony, talohan’ny fanorenana an’izao tontolo izao—tontolo izao, dia efa nahita ahy, ary—ary nametraka voa kely iray ato, mba hanidinan’ny finoako any ambonin’ireo zavatr’izao tontolo izao ireo. Ary ankehitriny niantso ahy Izy, ary izaho—izaho mijery ny toerako.”

<sup>109</sup> Araka ny nolazain’i Paoly, fa izy dia njery ny fanompoany miaraka amin’ny ambony...hitanareo, ary, oh, fa Andriamanitra no niantso azy tsy ho lasa mpampianatra lehibe tahaka an’i Gamaliela. Fa i Paoly dia nantsoina mba ho fanatitra iray ho an’i Kristy. Hitanareo? Ankehitriny ilay zavatra mitovy.

<sup>110</sup> Mariho, miaraka amin’ny finoana tahaka an’izany, dia tsy niankina tamin’ny fahitany mihitsy izy, izay azony nojerena. Ankehitriny, tsy nahita na inona na inona izy teo afa-tsysty andiany iray an’ny—an’ny olona mihosom-potaka, andevo, tao an-tranomaizina, novonoina isan’andro, kapohina amin’ny karavasy, nesoina, ireo finoany ara-pivavahana, dia “fanatika.” Ary nisy farao iray nipetraka teo amin’ny sezafy fiandrianana, izay tsy nahafantatra na njery izay zavatra mikasika ny fivavahan’izy ireo. Tsy nahafantatra na inona na inona mikasika an’izany izy. Mpanompo sampy iray izy, noho izany fotsiny izy...Sary toy ny inona ho an’ny ankehitriny! Ary io ilay izy, fivavahana hafa. Ary ahoana fa raha—raha ity Mosesy ity, kanefa dia tao amin’ilay sezafy fiandrianana, na ilay—na ilay olo-malaza, Farao, mba haka ny toerany amin’ny fahafatesany, ary lehilahy antitra iray izy. Kanefa Mosesy dia nieritreritra fa io antso io...Nijery tany ivelany izy, dia ilay varavarankely iray ihany izay nijeren’i Farao, satria tao an-tranony izy.

<sup>111</sup> Ary njery tany ivelany i Farao ka nahita an'ireo olona ireo izay nanangana ny tènany, ary nandray karavasy izy ireo ka nikapoka azy ho faty satria nivavaka izy ireo. Notrobarany sabatra izy ireo satria vantany vao diso izy ireo, tsy mankato indray mandeha, dia asainy miasa izy ireo mandra-pahatongan'ny vatana antitra kelin'izy ireo hianjera, ary antsasany ihany no omeny ho hanin'izy ireo. “Eny, tsy misy afa-tsy andiana fanaticika ireo, zara fa olombelona.”

<sup>112</sup> Kanefa i Mosesy, io finoana io no tao anatiny, dia njery azy ireo, ary hoy izy hoe, “Vahoakan’Andriamanitra voatahy ireo.” Amena. Tiako izany. Miaraka amin’ny finoana tahaka an’izany, dia tsy nipetraka teo amin’ny lazan’i Egypta ireo masonry, nipetraka teo amin’ny teny fikasan’Andriamanitra izany. Ny masom-boromaheriny an’ny finoana dia njery ny tany ankoatry ny lazan’i Egypta. Izy, tsarovy, izy dia lasa voromahery iray ankehitriny. Mpaminany izy, ary ny masom-boromaheriny dia miakatra any ambonin’ireo zavatra ireo. Oh toy ny ahoana no itiavako an’izany! Hah! Oadray!

<sup>113</sup> Ahoana fa matetika amin’izao andro izao, amin’izao andro izao, dia miankina amin’ny fanamboloany ireo Kristiana, ary avy amin’izay azony jerena, na izay mety ho azony, raha tokony ny finoany, miankina amin’izay hitanareo amin’ny masonareo sy ny laza. Tahaka anareo vehivavy, miantsa anareo matetika aho, ny amin’ny tokony hamelanareo ny volonareo haniry, tsy tokony hanao lokon-tarehy ianareo, tokony hanao toy ny ramatoa ianareo ary Kristiana. Mijery ny eny an-dàlam-be ianareo dia mahita an’ireo vehivavy amin’izao andro izao mitafy tsy mendrika. Eny, mieritreritra ianareo hoe, “Eny, mikambana amin’ny fiangonana izy, koa nahoana aho no tsy afaka manao an’izany?” Hitanareo? “Ary manapaka ny volony izy, koa nahoana—nahoana aho no tsy afaka manao an’izany? Eny, toa tena malemy fanahy mihitsy sy tena manan-tsaina izy, ary ny maha-izy azy izay tsy ananako akory aza. Eny, nahoana aho no tsy afaka manao an’izany? Tokony hanao an’izany aho.” Rehefa manao an’izany ianareo, dia mampahosa ny finoanareo ianareo. Hitanareo? Tsy omenareo anjara mba hitombo ny finoanareo. Manomboha amin’izany, tahaka an’izay nolazaiko.

<sup>114</sup> Nisy olona anankiray nanao hoe, “Rahalahy Branham, ny tanàna, ny olona, dia mihevitra anao ho toy ny mpaminany. Tsy tokony hivazavaza an’ireo vehivavy tahaka an’izany ianao, sy ireo lehilahy, ho an’ireo zavatra ireo. Ianao, ianao tokony hampianatra azy ireny hoe ahoana no—no faminaniana sy handraisana an’ireo fanomezam-pahasoavana.”

<sup>115</sup> Hoy aho hoe, “Ahoana moa no ahafahako mampianatra alzebra azy ireny nefo tsy hain’izy ireo akory aza ny ABD-ny?” Hitanareo?

<sup>116</sup> Ankehitriny manomboha fotsiny avy eo amin'izany. Diovy ny tenanareo mba hahatonga anareo rehefa mandeha eny andàlam-be hoy toy ny Kristiana iray, na izany aza, hitanareo, ary avy eo dia mandehana manao tahaka ny anankiray. Hitanareo? Fa tsy vitanareo ny manao an'izany samirery ao anatinareo. Tsy maintsy mila an'i Kristy tonga ao anatinareo izany. Ary raha mipetraka ao ilay voa, ka mamely azy ilay Hazavana, dia tsy maintsy tonga eo amin'ny Fiainana izany. Raha tsy tonga eo amin'ny Fiainana izany, dia tsy misy na inona na inona ho tonga eo amin'ny Fiainana ao. Satria, izany dia azo antoka fa efa nanaporofo an'ilay izy teo amin'ny hafa, hitanareo, tonga eo amin'ny Fiainana eo no ho eo izany vantany vao mamely azy ilay Hazavana.

<sup>117</sup> Izany dia fananarana iray ho an'ireo vehivavy, fantattro, izay mihaino an'ity horonam-peo ity, na hihaino azy. Fananarana iray ho anareo izany, ranabavy. Tsy maintsy ho izany izy. Tsy maintsy ho izany izy, satria izy no maneho. Tsy ahoako izay nataonareo; mety ho mpivavaka ianareo, teo amin'ny fiainanareo rehetra, mety niaina tao amin'ny fiangonana ianareo, ny rainareo mety ho mpitoriteny iray, na ny vadinareo mety ho mpitoriteny iray; saingy raha mbola tsy mankatò foana ny—ny Tenin'Andriamanitra ianareo, dia izany no maneho fa tsy misy Aina ao. Rehefa mahita an'ilay zavatra voasaho ianareo, sy ilay Ain'ny Fanahy Masina, dia diniho Izany rehefa mandona ny hafa Izy. Jereo izay ataon'izy ireo, raha mitondra an'ilay izy eo amin'izy ireo Izany. Tsy mahagaga hoe nahoana . . .

<sup>118</sup> Toy ny inona—toy ny inona ny fananarana ho an'ireo Fariseo, izay niantso an'i Jesosy, rehefa Fantany ny fisainan'izy ireo, Nantsoiny izy ireo, "Belzeboba."

<sup>119</sup> Fa ilay mpivarotena kely nanao hoe, "Nahoana, ity Lehilahy ity no Mesia. Ny Soratra no milaza fa Izy no hanao an'izao." Hitanareo, efa nipetraka tao io voa voafidy mialoha io. Ka rehefa namely azy ilay Hazavana, dia tonga teo amin'ny Fiainana izy. Tsy afaka mihazona azy ao ambany ao ianareo. Tsy afaka manafina Fiainana ianareo.

<sup>120</sup> Afaka maka sy mandraraka fangaron-tsimenitra eo ambonin'ny andian'ahitra iray ianareo, ka mamono azy mandritry ny andro ririnina. Ny lohataona manaraka, aiza no misy ny ankamaroan'ny ahitrareo? Tena manodidina ny sisin'ilay fangaron-tsimenitra mihitsy. Satria, ilay voa mitsimoka tao ambanin'io vato io, rehefa manomboka mihiratra ny masoandro, dia tsy ho azonareo hazonina izany. Hiolanolana amin'ny lâlany mihodinkodina ao izy ary hivoaka avy hatrany eo amin'ny sisin'izany ary hanatraka ny lohany ho amin'ny voninahitr'Andriamanitra. Hitanareo, tsy afaka manafina aina ianareo. Rehefa mandona ny ain'ny zava-boahary ny masoandro, dia tsy maintsy velona izy.

<sup>121</sup> Ary rehefa ny Fanahy Masina no mandona an'ilay Aina ara-tSoratra izay ao anatin'ny olona, dia mamoaka ny voany avy hatrany izany. [Nanapoaka ny rantsan-tànanay Rahalahy Branham—Mpand.] Hitanareo?

<sup>122</sup> Noho izany dia tsy mampaninona na dia marina sy matoky toy ny ahoana aza ianareo, na toy ny ahoana ny hilazanareeo fa tsy izany ianareo, ka miteny, milaza fa izy ireo dia... Ireo vehivavy izay manao an'ireny—ireny akanjo ratsy sy ny sisa any ivelany any ireny, mpampiseho vatana ratsy fotsiny, eny an-dàlam-be. Na dia, tsy mino aza ianareo fa izany ianareo, tsy afaka ny hino ianareo. Afaka manaporofa ianareo fa tsy meloka amin'ny fijangajangana ianareo, saingy, ao amin'ny Bokin'Andriamanitra, dia mijangajanga ianareo. Hoy Jesosy hoe, "Na iza na iza mijery vehivavy ka mila azy, dia efa nijangajanga taminy sahady tao am-pony." Ary ianareo no nampiseho ny tenanareo tamin'izany fomba izany. Hitanareo, tsy afaka mahita an'izany ianareo raha tsy mipetraka ao io Aina io.

<sup>123</sup> Mijery olon-kafa iray ianareo, mijery ianareo dia manao hoe, "Eny, fantatro Ranabavy Jones. Ranadahy Jones dia... Mpitoriteny iray izy. Ny vadiny dia manao an'ity sy manao an'itsy."

<sup>124</sup> Tsy ahoako izay ataon'itsy; Ity ny Teny. Hoy Jesosy hoe, "Aoka ny tenin'ny olona rehetra ho laingga, fa ny Ahy ho marina." Izany ny Baiboly. Ary rehefa tena mandona an'izany tokoa ilay Hazavana, dia tsy maintsy tonga eo amin'ny Fiainana izany. Tsy maintsy tonga eo amin'ny Fiainana mihitsy izany.

<sup>125</sup> Ankehitriny, ilay maso lehibe an'i Mosesy, ilay masomboromaheriny, dia njery ny tany ankoatry ny lazan'i Egypta.

<sup>126</sup> Ny tena mpino Kristiana amin'izao andro izao, tsy mampaninona izay lazain'ilay fiangonana, izay lazain'ny olon-kafa; rehefa mandona an'izany ilay Hazavana, dia hitan'izy ireo ilay tena fanamarinan'Andriamanitra, io Andry Afo mihantona eo io, sy ireo famantarana sy fahagagana izay nampanantenaina, ny Soratra tafapetraka, ary tonga eo amin'ny Fiainana izany, tsy mampaninona na dia hoe kely toy ny inona aza izy, sy hoe toy ny ahoana ny havitsiana. Ny vondron'Andriamanitra dia vitsy foana. Hitanareo? "Aza matahotra, ry vitsy—ry ondry vitsy, fa sitraky ny Rainareo ny hanome anareo ny Fanjakana." Hitanareo? Azon'izy ireo izany. Voatery Andriamanitra mampiditra an'ireo avy any amin'ny anaram-piangonana rehetra, ny fikambanana rehetra na aiza na aiza, mba hahita an'Izany, raha voalahatra ho amin'ny Fiainana izy ireo.

<sup>127</sup> Jereo i Simeona antitra, voalahatra ho amin'ny Fiainana. Rehefa niditra ny tempoly ny Mesia, tamin'ny endrika zazakely teny an-tsandrini'ny reniny; Simeona, tany ambadiky ny efitra iray tany ho any, namaky. Nampitsangana azy ny Fanahy

Masina, satria niandry izy. Tao anatiny io Aina io. Hoy izy hoe, “Tsy ho faty aho mandra-pahitako ny Kristin’ny Tompo.” Ary teo ilay Kristin’ny Tompo tao an-tempoly. Ny Fanahy Masina no nitarika azy avy teo amin’ny toeram-piasany, nivoaka, sy nandeha nankeo ary nandray an’ilay zazakely, ka nanao hoe, “Aoka ny—aoka ny Mpanomponao handeha amin’ny fiadanana, fa ny masoko efa nahita ny Famonjenao.”

<sup>128</sup> Nisy vehivavy antitra iray jamba tery amin’ny zorony, amin’ny anarana hoe Ana, izay nanompo ny Tompo andro aman’alina. Efa nilaza mialoha koa izy, ka nanao hoe, “Ho avy ny Mesia. Mahita Azy tonga aho.” Kanefa, jamba izy. Tamin’izay fotoana izay ihany, rehefa teo Izy... Io Aina kely izay tao anatiny io, izay nilaza mialoha hoe, “Ho eo Izany! Ho eo Izany! Ho eo Izany!” Avy eo, io Aina io ihany, ilay Hazavana no niditra tao amin’ilay tranobe, tamin’ny endrika Zazakely iray, toy ny “zazasary iray,” voafono tao anatin’ny Lamban-jazany, tonga nanivatsiva an’ilay tranobe. Ary nandona an’io vehivavy antitra jamba io ny Fanahy Masina, ary nentin’ny Fanahy izy, nanatona ny olona, ary nitsangana teo amin’io Zazakely io; ka nitso-drano ny reny sy nitso-drano ny Zazakely, ary nilaza an’izay ho avin’Izany. Hitanareo, voalahatra ho amin’ny Fiainana? Hitanareo?

<sup>129</sup> Jereo izy ireo, tsy nisy roa ambin’ny folo akory izy ireo. Fanahy valo fotsiny ihany no voavonjy tamin’ny andron’i Noa, zara raha nisy, saingy izay rehetra voalahatra ho amin’ny Fiainana no niditra tamin’izany fotoana izany. Jereo hoe ahoana no fiasan’ilay Fanahy Masina ao amin’ny taona tsirairay, misintona ny olona.

<sup>130</sup> Ankehitriny dia hitantsika fa ny finoan’i Mosesy no nitarika azy hijery an’izay hisy, fa tsy izay efa nisy. Jereo ny rahampitsa fa tsy ny anio. Jereo ny teny fikasana fa tsy ny laza. Jereo ny olona fa tsy ny rafi-pandaminana. Hitanareo? Andriamanitra no nanao an’izany.

<sup>131</sup> Lota dia afaka nahita ny lazan’ny fahombiazana tao Egypta, na tao Sodoma. Lota dia afaka nahita ny fahafaha-mahazo ny—ny...ny betsaka amin’ny—ny vola. Lota dia afaka nahita ny faha-...ny fahafaha-manao rehefa njery tany Sodoma izy ary izy angamba mety ho lasa... Satria Hebreo iray izy, dia mety ho lasa olona malaza anankiray izy tao, satria izy dia endriky ny manan-tsaina malaza iray, sady zana-drahalahin’i Abrahama, noho izany dia nifidy ny handeha hankany Sodoma izy. Ireo fahalalan’i Lota no nitarika azy hahita ny lazan’ny—ny fanambinana. Ny fahalalan’i Lota no nitarika azy hahita ny fitahian’ny—ny laza. Saingy, tena nataon’izany ho osa loatra ny finoany, ka tsy hitany ilay afo izay handrava an’io karazam-piaianana io.

<sup>132</sup> Ary izany no fomban'ny olona amin'izao andro izao. Mahita ny fahafaha-manao an'ny fikambanana amin'ny anaram-pianganana malaza iray izy ireo, mahita ny fahafaha-manao an'ny fananana toerana ara-tsosialy amin'ny olona ao an-tanàna izy ireo, fa tsy hitany ny fahafah-... Tsy hitany fa osa ny finoany. Mamelà ahy hamerina an'izany indray mba ho azo tsara izany. Ireo vehivavy amin'izao andro izao, izy ireo, araka ny lazaiko, izy ireo dia maniry ny—izy ireo dia maniry ny hanao tahaka an'ireo mpilalao sarimihetsika. Ireo lehilahy amin'izao andro izao dia maniry ny hanao tahaka an'ireo mpampihomehy an'ny televiziona.

<sup>133</sup> Ireo mpitory teny amin'izao andro izao dia toa maniry ny hanao ny fiangonany hitovy amin'ny fialofana moderina isan-karazany, mpikambana sy ny sisa. Izy ireo dia mahita ny fahafaha-manao angamba ho lasa eveka iray na mpanaramaso ambony iray, na zavatra tahaka an'izany, raha miaraka amin'ilay fiangonana izy ireo; mandao ny Soratra, rehefa mipetraka eo anatrehan'izy ireo mihitsy Izany, miaraka amin'ny fanamarinana feno amin'ny alàlan'ny Herin'Andriamanitra, sy tamin'ny alàlan'ny Tenin'Andriamanitra velona miaina ao anatin'ny olona. Kanefa, tsy ilain'izy ireo Izany. Hoy izy ireo hoe, "Tsy ilainay ny hifangaro amin'ny zavatra tahaka an'Izany." Hanala ny kara-piombanan'izy ireo izany. Hanala ny lamina ara-anaram-pianganan'izy ireo izany. Kanefa dia mahitsy fo, tahaka an'i Lota, nipetraka tao Sodoma, izay nahafantatra fa ratsy izany. Hitanareo? Hitanareo? Inona no ataoñ'izy ireo rehefa manao an'izany izy? Mampahosa an'ilay finoana kely izay nananany izy ireo. Tsy afaka miasa izany.

<sup>134</sup> Ankehitriny, nilaozan'i Mosesy izany, ary izy dia nanao... ny finoany no nampahosa an'izao tontolo izao.

<sup>135</sup> Na ny finoanareo no hampahosa ny laza, na ny laza no hampahosa ny finoanareo. Ankehitriny, tsy maintsy maka ny anankiray ianareo na ilay hafa. Ary hitanareo fa tsy miova ny Baiboly. Tsy miova Andriamanitra. Izy no Andriamanitra tsy miovaova.

<sup>136</sup> Ary ankehitriny dia mahita isika, amin'izao andro izao, fa ny olon'ity andro ity, hitanareo, dia mijery ny zavatra lehibe izy ireo, rafi-pandaminana lehibe. "Izaho dia mikambana amin'Izao-sy-izao." Hitanareo? Ary mandeha ao izy ireo, ary, jereo, fa tsy misy fahasamihafana amin'ny olona eny an-dàlambe. Tsy misy zavatra hafa. Manana zavatra aratsaina kely izy ireo, dia manohy. Rehefa miresaka momba ny fanasitranana avy amin'Andriamanitra ianareo, ny Andry Afo, ny Hazavan'Andriamanitra, dia hoy izy ireo hoe, "Hadalana izany."

<sup>137</sup> Lehilahy anankiray no naka ny sarin'ilay Anjelin'ny Tompo, indray andro, mpitoriteny Batista iray, dia nihomehy an'Izany.

Hitanareo, izany no—izany no fitenenan-dratsy. Hitanareo? Tsy misy famelana ho an'izany.

<sup>138</sup> Izany no nolazain'i Jesosy, hitanareo. Fitenenan-dratsy izany; rehefa hitanareo Izany manao an'ireo tena asa izay nataon'i Kristy. Ary Izy no nilaza . . . Fa, hitan'izy ireo tao amin'i Kristy ireo asa ireo, Izzy no Fanatitra, dia nantsoin'izy ireo Izzy hoe "Belzeboba, ny devoly," fa, satria Izzy no nanao an'ilay izy. Ary ankehitriny dia milaza izy ireo . . . Hoy Izzy hoe, "Mameala anareo Aho ny amin'izany. Fa rehefa tonga ny Fanahy Masina manao an'ilay zavatra mitovy, ka miteny teny iray manohittra an'Izany ianareo, dia tsy ho avela aminareo mihitsy izany, amin'izao fiainana izao sy amin'ny fiainana ho avy." Hitanareo? Teny anankiray fotsiny ihany no ilaina teneninareo hanohittra an'Izany. Hitanareo? Ary avy eo . . .

<sup>139</sup> Satria, raha io Fiainana io, raha voatendry ho amin'ny Fiainana Mandrakizay ianareo, amin'izay fotoana izay dia io Fiainana io no hitobaka rehefa hitanareo Izany. Hahafantatra an'Izany ianareo, tahaka an'ilay vehivavy kely teo amin'ny fantsakana, sy—sy ireo hafa. Fa raha tsy ao izany, dia tsy mety ho tonga eo amin'ny Fiainana izany, satria tsy misy na inona na inona ho tonga eo amin'ny Fiainana ao. Tahaka ny reniko antitra niteny fahiny hoe, "Tsy afaka mahazo rà avy amin'ny nave iray ianareo," satria tsy misy rà ao anatin'izany. Ankehitriny, izany ilay zavatra mitovy.

<sup>140</sup> Ary izany no mampahosa an'io finoana kely anananareo io. Afaka njery an'ilay laza i Lota, saingy tsy nanana finoana betsaka izy hahita an'ilay afo izay handrava an'izany laza izany.

<sup>141</sup> Manontany tena aho raha mba manana isika androany? Manontany tena aho raha isika, eny, tahaka an'ireo vehivavy izay te-halaza, izay te-hanao tahaka ny—ny sisa amin'ireo vehivavy ao amin'ny fiangonana, raha hitany fa izy ireo dia maniry ny—ny hanao tahaka ny sisa. Izzy ireo—izy ireo dia afaka mahita ny fahafaha-manao mba ho—ho—ho lasa vehivavy tsara tarehy kokoa, amin'ny fandokoan-tarehy. Afaka mahita vehivavy tsara tarehy izy ireo amin'ny fananany endrika tanora kokoa, amin'ny fanapahana ny volony ary manao tahaka an'ireo hafa sasany, na mpilalao sarimihetsika. Fa manontany tena aho raha tsy izany no nampahosa ny finoan'izy ireo, mba hahafantatra fa ny Baiboly no milaza hoe, "ny vehivavy manao an'izany dia ve- . . . vehivavy mahafa-boninahittra," ary, "ny vehivavy izay manao fitafian-dehilahy, dia fahavetavetana eo anatrehan'Andriamanitra," ireo pataloa, sy ny sisa, sy ireo sorta izay anaovan'izy ireo. Ary—ary lasa tena henjana ilay izy hany ka lasa fanao mahazatra ho an'ny olona manao azy ilay izy. Manontany tena aho raha tsy mampahosa an'ilay tena finoana kely izay anananareo izy ireo, na dia ny fandehanana any am-piangonana aza, hitanareo. Izany ilay zavatra ataony.

<sup>142</sup> Nanao an'izany i Lota, ary izany no nampahosa azy, ary izany no nampahosa ny olony tany. Tsy afaka nahita an'izany izy ireo.

<sup>143</sup> Fa Abrahama, niaraka tamin'ny—ny finoana voamarina iray, ny dadatoany, dia tsy njery an'ilay laza, tsy te-hiditra tamin'izany izy, na dia tsy maintsy sarotra aza no niainany sy niaina irery. Ary Saraha dia niaina tao amin'ilay an-efitra izay nisy an'ireo zava-tsarotra, teo amin'ilay tany ngazana. Fa tsy njery an'ilay laza izy ireo na ireo fahafaha-manao ho lasa malaza.

<sup>144</sup> Saraha, ilay vehivavy tsara tarehy indrindra teo amin'ilay firenena, ny Baiboly no niteny an'izany. Tsara izy, ny tsara indrindra tamin'ireo vehivavy rehetra. Ary ankehitriny dia nianona aza izy ary nankatò ny vadiny, mba hiantso azy mihitsy aza izy hoe ny "tompony," izay tondroin'ny Baiboly, tena ao amin'ny—ao amin'ny Testamenta Vaovao; manao hoe, "Fa ianareo no zanakavaviny, raha mbola mankatò ny finoana foana ianareo." Hitanareo, niantso ny vadiny hoe ny "tompony."

<sup>145</sup> Ary namangy ny tempolin'izy ireo ilay Anjelin'ny Tompo ary...na ilay lay kelin'izy ireo, ary niresaka tamin'izy ireo. Tsy nanana trano hipetrahana iray akory aza izy ireo; niaina tao amin'ny firenena ngazana. Ary eo ianareo izao. Hitanareo ve ilay andro miverina maka modely indray, tena tahaka an'ilay izy tamin'izany fotoana izany?

<sup>146</sup> Ankehitriny, Mosesy niaraka tamin'ny finoany lehibe, indray, dia afaka niteny "tsia" tamin'ireo zavatr'ilay fiainana ankehitriny, ary nanao safidy marina iray. Nisafidy ny hiaritra ny fahoriana niaraka tamin'ny vahoakan'Andriamanitra izy. Nisafidy ny hiaraka tamin'izany izy. Nahoana? Ny Finoany! Hitany ilay teny fikasana. Hitany ilay andro farany. Hitany ilay ampitso, ary namela ny finoany halalaka izy. Ary tsy niraharaha an'izay hitan'ny masonry izy tao amin'ireo fahafaha-manao eto, hoeefa farao izy ary ho lasa farao. Nijery tanteraka ny ampitso izy.

<sup>147</sup> Oh, raha mba afaka hanao an'izany fotsiny mantsy ny olona, tsy mijery ny fiainana ankehitriny. Raha mijery ny fiainana ankehitriny ianareo, dia manao safidy miaraka amin'izany ianareo. Afeno amin'izany ny masonareo, ary jereo ilay teny fikasan'Andriamanitra, ho an'ny ampitso.

<sup>148</sup> Tamin'ny finoana no nahafahany nisafidy. Nisafidy ny ho antsoina hoe zanak'i Abrahama izy, fa nandà ny ho antsoina hoe zanak'i Farao. Ahoana no nahafahany, nefà ny fanjakana manontolo...Egypta no nandresy an'izao tontolo izao. Izay no mpanjakan'izao tontolo izao, ary tovolahy efapolo taona izy, vonona eto ny handray ny seza fiandrianana. Saingy izy dia tsy njery mihitsy ny fahala-...

<sup>149</sup> Jereo ireo vehivavy izay nipetraka nanodidina azy, isan'andro, ireo tranom-behivavin'izy ireo. Jereo ilay laza;

mipetraka dia misotro divay, ary mijery ny fitanjahana eo anatrehany, raha mandihy izy ireo, ary nikopakopaka azy niaraka tamin'ny... Ary vehivavy amin'izao tontolo rehetra izao, sy ireo firavaka sy ireo harena, ny tafiny teo. Ny zavatra tokana tokony hataony fotsiny dia ny mipetraka sy mihinana ny sakafo tsarany, ka manao hoe, "Alefaso ny... mandefasa tafika mpampandry tany *izao-sy-izao* ny isany ho any amin'ny *izao-sy-izao*, alaivo izany firenena izany. Mino aho fa ilaiko izany." Izay ihany no tsy maintsy nataony. Mipetraka eo, ary mikopakopaka azy izy ireo, ary mihazona ny vavany hisokatra; mamela an'ireo—ireo mpitanjaka maha-te-ho tia, tsara tarehy tamin'izany andro izany, handraraka ny divay ao anatin'ny vavany, mamahana ny sakafony miaraka amin'ireo sandrin'izy ireo manodidina azy, ireo vehivavy rehetra tsara tarehy indrindra teto amin'izao tontolo izao. Ny laza rehetra izay nisy, dia nipetraka teo akaikiny teo mihitsy.

<sup>150</sup> Saingy inona no nataony? Nihodina tamin'izany izy. Fantany fa efa vonona ho an'izany ny afo. Fantany fa ny fahafatesana no nitoetra teo amin'izany faritra izany. Hitanareo? Fantany fa nisy izany. Ary njery tany amin'ilay andian'olona iray nohamavoina sy nolavina izy, ary tamin'ny finoana no nifidianany ny hiaritra ny henatr'i Kristy, ka niantso ny tenany hoe, "Zanak'i Abrahama aho. Tsy zanak'io farao io aho. Na dia ataonareo eveka aza aho, na diakona, na arseveka, na papa, tsy zanak'izany zavatra izany aho. Zanak'i Abrahama aho, ary mampisaraka ny tenako amin'ireo zavatr'izao tontolo izao." Amena, amena, ary amena! Tamin'ny finoana, no nanaovany an'izany!

<sup>151</sup> Nesoriny ilay laza. Nesoriny ireo fahafaha-manao ho lasa eveka manaraka, nesoriny ireo—ireo fahafaha-manao ho lasa arseveka manaraka, na ho mpanara-maso ambony manaraka amin'ny fifidianana manaraka, na inona na inona ilay izy, nesoriny izany. Nandà ny hijery an'izany izy.

<sup>152</sup> "Ankehitriny, raha lasa eveka aho, dia handeha aho ary ny olona hanao hoe, 'Ray Masina,' na—na 'Dokotera Ranona-sy-ranona,' na—na—na—na 'Loholona Ranona-sy-ranona.' Ahoana fa izy ireo dia, ny mpitoriteny rehetra ao amin'ilay favoriana, izy ireo dia hikapokapoka ny lamosiko, ka hanao hoe, 'Hono ho'aho, ry tovolahy, manana zavatra io zalahy io, ho lazaike anareo. Oh, sh-sh-sh, mipetraha tsara, indro fa tonga ny eveka, hitanareo. Izay lazainy, dia izay no lalàna. Hitanareo, indro fa tonga ny *Izao-sy-izao*.'" Ny olona rehetra eran'izao tontolo izao dia handeha fiaramanidina mba ho lasa ny... hahita an'ilay papa, sy hanoroka an'ilay tongota sy peratra, sy ny sisa. Ahoana, fahafaha-manao toy ny inona an'ny Katolika, fahafaha-manao toy ny inona ho an'ny Protestanta, ny ho lasa eveka na mpanara-maso ambony, na zavatra iray, olona anankiray malaza ao amin'ny rafi-pandaminana iray.

<sup>153</sup> Jereo, na dia, fa, hitanareo, ny mason'ny finoana dia mijery any ambonin'izany. Ary eo no ahitanareo ny faran'izany, hoe, Andriamanitra no milaza fa ny zavatra manontolo dia ho rava. Ny finoana, io masom-boromahery io, no manainga anareo any ambonin'izany, ary mahita ny ampitso ianareo, fa tsy ny androany, ary mifidy ny ho antsoina hoe zanak'i Abraham.

<sup>154</sup> Farao, tsy manana finoana, dia nahita an'ireo zanak'Andriamanitra ho "fanatika." Tsy nisy finoana, nanao azy ireo ho andevo izy satria tsy natahotra an'izay nolazainy izy. Tsy natahotra an'Andriamanitra izy. Nihevitra izy fa izy no andriamanitra. Nieritreritra an'ireo—ireo andriamaniny izay notompoiny izy, izay izy no eveka, izy no lehiben'ny mpanaramaso ambony, ireo andriamaniny no hany nanao an'izany. "Tsy misy na inona na inona amin'io Zavatra *eto* io," ka dia nanao azy ireo ho andevo izy. Nihomehezany izy ireo, nesoiny izy ireo. Tahaka ny nataon'ny olona amin'izao andro izao mihitsy, ilay tena zavatra mitovy.

<sup>155</sup> Ny finoan'i Mosesy dia nahita azy ireo tao amin'ilay tany nampanantenaina, vahoaka iray voatahy. Mety ho ady sarotra ny hitondra azy ireo ho ao amin'ilay teny fikasana, saingy nifidy ny hijaraka amin'izy ireo i Mosesy. Toy ny ahoana no tiako hijanonana eo amin'izany, saingy miha-lasa ny fotoanako. Hitanareo?

<sup>156</sup> Mariho, mety ho zava-tsarotra ny hanodina an'ireo olona ireo. "Tsy maintsy miara-miaina amin'izy ireo ianao, tsy maintsy ho isan'izy ireo ianao, ary efa tena mahay izy ireo hany ka tsy azonao hetsehina intsony izy ireo. Hitanao? Fa tsy maintsy misy zavatra mitranga eo. Tsy maintsy misy ivelan'ny voajanahary voaseho eo anatrehan'izy ireo. Ho zavatra anankiray sarotra izany. Ireo rafi-pandaminana dia hiala aminao, ary ireo zavatra rehetra ireo no hitranga. Izany dia—izany dia mahatsiravina, izay tsy maintsy hataonao, kanefa dia ataovy ny safidinao."

<sup>157</sup> "Isan'izy ireo aho." Hia. Ny finoany no nanao an'izany. Nitselatr'afy ny finoany. Eny, tompoke. Hitany izany. Zavatsarotra iray ny hitondra azy ireo ho ao amin'io teny fikasana io, saingy nandray ny safidiny handeha hijaraka amin'izy ireo izy, na izany aza. Tsy njery an'izay nolazain'izy ireo taminy, sy izay nianlan'izy ireo taminy, nandeha izy na izany aza. Nandeha nivoaka niaraka tamin'izy ireo izy.

<sup>158</sup> Ankehitriny dia manantena aho fa mamaky ianareo. Eny àry. Mandehana miaraka amin'izy ireo, na izany aza. Manaova, aoka ho isan'izy ireo, marina izany, satria izany no adidinareo. Mety ho ady sarotra izany, ary maro no tsy maintsy ho lalovana, saingy mandehana na izany aza.

<sup>159</sup> Fa ny finoany no nitarika azy handray an'io safidin'ny Teny io, fa tsy ny laza. Nandray ny Teny izy. Izany no nataon'ny finoan'i Mosesy. Rehefa ny finoana no mijery eo

amin'ny ratsy indrindra an'Andriamanitra...Tsarovy, eto ilay laza ankehitriny, ilay izao tontolo izao, ilay ambony indrindra, mpanjakan'izao tontolo izao. Ary taiza ilay nampanantenain'Andriamanitra? Tao anatin'ny lava-potaka, mpihosom-potaka.

<sup>160</sup> Fa rehefa ny finoana, rehefa ny finoana no mijery ny ratsy indrindra an'Andriamanitra, dia izany no mijery an'ilay izy no lehibe indrindra sy misy vidiny lavitra noho izay tsara indrindra asehon'izao tontolo izao. Eny, tompoko. Rehefa mijery an'izany ny finoana, rehefa afaka mahita an'izany ny finoana, rehefa ny finoana ny Teny no afaka mahita ny Teny tonga voaseho, dia izany no be lavitra noho ny laza rehetra sy ny maha-arserveka ary ny zavatra hafa rehetra azonareo tenenina. Ny finoana no manao an'izany. Hitanareo? Afaka mahita an'ilay ratsy indrindra ianareo, ilay nohamavoina, ilay nolavina, ilay izay mety haha-izy azy; avelao ilay izy ho ao amin'ilay ratsiny indrindra, kanefa ny finoana dia hitondra an'izany ho iray tapitrisa maily avo indrindra noho izay tsara indrindra azon'izao tontolo izao vokarina. Amena! Izany no fomba hihirantsika an'ilay hira hoe, "Izaho dia handray ny lèlana miaraka amin'ilay vitsy nohamavoina an'ny Tompo." Hitanareo? Oh, oadray!

<sup>161</sup> Satria, hitanareo, ny finoana dia mahita an'izay tian'Andriamanitra ho vitaina. Oh, manantena aho fa miditra izany. Ny finoana dia tsy mijery ny andro ankehitriny. Ny finoana dia tsy mijery an'ity eto ity. Ny finoana dia mijery mba hahita an'izay tian'Andriamanitra, ary miasa arak'izany. Izany no ataon'ny finoana. Mahita izay tian'Andriamanitra izy, sy izay tian'Andriamanitra ho vitaina, ary miasa amin'ny alàlan'izany ny finoana.

<sup>162</sup> Ny finoana dia fahitana mahataka-davitra. Tsy mampidina ny fijeriny izy. Mihazona eo amin'ilay fikendrena izy. Amena! Ny mpitifitra tsara rehetra dia mahafantatra an'izany. Hitanareo? Fa, fahatakaran-davitra izany. Izany dia—dia teleskópy iray. Masolavitra iray izany, izay tsy hijerenareo ny manodidina eto. Tsy mampiasa masolavitra ianareo mba hijerena ka ahitana hoe amin'ny firy izao; hitanareo, tsy mampiasa an'izany ianareo. Fa mampiasa masolavitra ianareo mba hijerena ny any lavitra.

<sup>163</sup> Ary manao an'izany ny finoana. Ny finoana dia maka ny masolavitr'Andriamanitra, izy roa, ny lafiny roa, ny Testamenta Vaovao sy ny Taloha, ka mahita ny teny fikasana tsirairay izay Nataony. Ary ny finoana dia mahita an'izany any, ary ny finoana no misafidy an'izany ka tsy mijery an'izay lazain'ilay fotoana ankehitriny eto. Mijery ny any amin'ny farany izy. Tsy mampidina ambany ny fijeriny izy mba hijery an'ity lèlana ity. Mijery ny any izy. Hazoniny tsara eo afovoan'ny Teny mihitsy ilay tsipi-pandrifiana. Izany no ataon'ny finoana. Izany ilay finoana izay ao amin'ny olona iray izay manao an'ireo zavatra ireo.

<sup>164</sup> Ankehitriny diniho. Izay nantsoin'i Farao, amin'ny fiantsoana iray, izay nantsoin'i Farao hoe *lehibe*, dia nantsoin'Andriamanitra hoe "fahavetavetana!" Afaka niteny i Farao hoe, "Jereo, ry Mosesy, eto, nahoana, ianao no farao manaraka. Izaho—izaho manolotra an'ity tehim-panjakana ity aminao rehefa miala eto aho. Hatolotro ity tehim-panjakana ity. Anao izy. Hitanao? Ankehitriny, lehibe izany. Ho lasa lehilahy iray malaza ianao, ry Mosesy. Ianao dia ho lasa eveka. Ianao dia ho lasa an'ity, *itsy*, na *hafa*. Aza ilaozana izahay. Mijanona eto ianao." Fa, hitanareo, izy no niantso an'izany hoe *lehibe*, ary Andriamanitra no nilaza fa izany dia "fahavetavetana!"

<sup>165</sup> Ankehitriny, ianareo vehivavy dia mieritrereta iray minitra, toy izany koa, ianareo lehilahy. Izay antsoin'izao tontolo izao hoe *lehibe*, dia antsoin'Andriamanitra hoe "loto." Tsy milaza ve ny Baiboly hoe, "Fahavetavetana ho an'ny vehivavy ny manao fitafian-dehilahy"? Nefa ianareo dia mieritreritra fa hendry amin'ny fanaovana an'izany. Hitanareo? Mampiseho vatambéhivavy ho an'ny devoly fotsiny ianareo, dia izay ihany. Noho izany, dia aza manao an'izany.

<sup>166</sup> Ary ianareo lehilahy izay miaina arak'ireo zavatr'izao tontolo izao, ary mitampify sy mamihina an'izany! Ary ianareo lehilahy tsy manana fahasahiana na dia hanao ny vadinareo sy ny sisa hijanona amin'ny fanaovana an'izany, mbà menatra ianareo! Dia miantso ny tenanareo hoe zanak'Andriamanitra ve? Mitovy amin'ny sodomita izany amiko. Hitanareo? Tsy hoe handratra ny fihetseham-ponareo, fa mba hiteny aminareo ny Fahamarinana. Manitsy ny fitiavana. Izany foana izy. Ny reny izay tsy hiraharaha ny zanany, sy hanitsy azy ka hikapoka azy, ary hahatonga saina azy, dia tsy dia tena reny loatra ho azy. Marina izany.

<sup>167</sup> Ankehitriny, ary diniho izay miseho ankehitriny. Nahita an'izany i Mosesy, tamin'ny alàlan'ny fahitany. Ary Farao dia nilaza hoe, "*Izao* no *lehibe*." Hoy Andriamanitra hoe, "Fahavetavetana izany." Noho izany Andriamanitra...Izay nolazain'Andriamanitra nonofidian'i Mosesy.

<sup>168</sup> Ankehitriny, mariho, ny finoana dia mahita an'izay tian'Andriamanitra ho hitanareo. Hitanareo? Ny finoana dia mahita an'izay hitan'Andriamanitra.

<sup>169</sup> Ary ny fiheverana sy ny fisainana dia mahita an'izay tian'izao tontolo izao ho hitanareo. Mariho ny fiheverana, "Nahoana, fisainan'olombelona fotsiny izany. Izany fotsiny—fotsiny no anton'io...Eny, tsy mba tsara koa ve *izao*?" Hitanareo? Izany marina ilay izy, rehefa mampiassa an'ireo fisainana izay mifanohitra amin'ny Teny ireo ianareo, hitanareo, amin'izay fotoana izay dia izany no zavatra tian'izao tontolo izao ho hitanareo.

<sup>170</sup> Fa ny finoana tsy mijery an'izany. Ny finoana dia mijery an'izay nolazain'Andriamanitra. Hitanareo? Fantatrareo, mandrodانا an'ireo fiheverana ianareo.

<sup>171</sup> Ireo hevitra, ny fisainam-piheverana, dia mahita an'izay tian'izao tontolo izao ho hitanareo, anaram-piangonana lehibe. Eny, Kristiana ve ianao? "Oh, izaho dia—izaho dia Presbyterana, Metodista, Loterana, ary Pentekotista, inona koa. Izaho dia *ity, itsy, na ny hafa.*" Hitanareo, izany, izany no fisainana. "Mikambana amin'ilay fiangonana voalohany aho, hitanareo. Oh, Katolika aho. Izaho dia—izaho dia *ity, itsy.*" Hitanareo, milaza an'izany ianareo. Ankehitriny, izany, izany no fisainana. Tianareo ny milaza an'izany satria anaram-piangonana ilay izy, zavatra lehibe. "Eny, izahay—izahay—izahay no manana mambra betsaka, saiky, noho ny fiangonana rehetra eto amin'izao tontolo izao, hitanareo. Izahay..."

<sup>172</sup> Fa tokana ihany no tena Fiangonana izay misy, ary tsy mikambana ao amin'Izany ianareo. Teraka tao amin'Izany ianareo. Hitanareo? Ary raha teraka tao amin'Izany ianareo, dia ilay Andriamanitra velona no mampiasa ny Tenany amin'ny alàlanareo, ary manao ny Tenany ho fantatra. Hitanareo? Ao amin'izany no onenan'Andriamanitra, ao amin'ny Fiangonany. Mandeha ao amin'ny Fiangonana isan'andro Andriamanitra, velona ao amin'ny Fiangonana mihitsy. Velona ao anatinareo Izzy. Ianareo no Fiangonany. Ianareo no Fiangonany. Ianareo no Tabernakely izay onenan'Andriamanitra. Ianareo no Fiangonan'Andriamanitra velona, ny tenanareo. Ary raha ilay Andriamanitra velona no velona ao anatin'ny Olony velona, amin'izay fotoana izay ny fihetsikareo dia avy amin'Andriamanitra; raha tsy izany ilay izy, dia tsy ao izany Andriamanitra. Tsy hampanao anareo hihetsika tahaka an'izany Izzy, rehefa milaza Izzy ato amin'ny Teny eto, ilay Drafiny hoe, "Aza manao an'izany," nefà dia mandeha manao an'ilay izy ianareo. Hitanareo, diso izany. Rehefa mandà an'ilay izy ianareo, dia izany no maneho fa tsy ao anatinareo akory aza ilay Fiainana. Hitanareo? Marina izany.

<sup>173</sup> Ny finoana no nitarika an'i Mosesy teo amin'ny lâlan'ny fankatoavana. Mariho, Mosesy dia nanao... Misy an'i Farao tanora, misy an'i Mosesy tanora, izy roa ireo samy miaraka amin'ilay tombontsoa. Mosesy nahita ny henatry ny vahoaka, ka nanisa an'izany ho zava-tsoa lehibe lavitra noho izay rehetra nananan'i Egypta. Ary izy, notarihan'ny finoana, dia nanaraka an'izay nolazain'ny finoany tao amin'ny Teny izy, ary izany no nitarika azy teo amin'ny lâlan'ny fankatoavana, ary ny niafarany tao amin'ny Voninahitra, tsy mety maty, tsy ho faty mandrakizay, teo amin'ny Fanatrehan'Andriamanitra. Ny fahitana sy ny fisainana, no nitarika, ary ny laza, no nitarika an'i Farao tao amin'ny fahafatesany, sy ny faharavan'i Egypta, ilay fireneny, ary tsy tafaverina intsony izany hatramin'io.

<sup>174</sup> Eo ianareo izao. Raha mijery an'ity, dia maty ianareo. Raha mijery an'Itsy, dia velona ianareo. Ankehitriny dia ataovy ny safidinareo. Izany ilay zavatra mitovy izay napetrak'Andriamanitra teo anoloan'i Adama sy Eva, tao amin'ny Sahan'i Edena. Hitanareo? Amin'ny finoana, no tsy maintsy anaovanareo ny safidinareo.

<sup>175</sup> Ankehitriny mariho, ny fahitana no nitarika an'i Farao tao amin'ny fahafatesany, sy tao amin'ny faharavan'ny tanànany.

<sup>176</sup> Mosesy, niaraka tamin'ny finoany, dia tsy natahotra an'i Farao mihitsy. Hitanareo? Tsy niraharaha an'izay nolazain'i Farao izy. Tsy niraharaha ny amin'i Farao izy, mihoatra lavitra noho ny tsy niraharahain'ny reniny sy ny dadany an'ireo fandrahonany. Rehefa voamarina ny aminy i Mosesy, fa izy ilay olona izay hanafaka an'i Egypta...na hitarika an'Isiraely hivoaka avy ao Egypta, dia tsy natahotra an'izay nolazain'i Farao mihitsy izy. Tsy natahotra azy izy. Amena, amena, amena! Hitanareo ve izay tiako lazaina? [Hoy ny fiangonana hoe, "Amena."—Mpand.]

<sup>177</sup> Tsy misy tahotra ao amin'ny finoana. Fantatry ny finoana ny momba an'izany. Ny finoana, araka ny efa nolazaiko foana, izany dia manana hozatra goavana be, sy volo eo amin'ny tratra. Ny finoana no miteny hoe, "Mangina!" dia mangina ny olona rehetra. Izay ihany. "Fantatro izay misy ahy!"

Ny sisa amin'izy ireo dia manao hoe, "Eny, ankehitriny, angamba ho vitany." Hitanareo?

<sup>178</sup> Fa tsy maintsy mitsangana ianareo ka mampiseho ny hozatrareo. Izay ihany. Ny finoana no manao an'izany.

<sup>179</sup> Mariho, tsy natahotra an'i Farao mihitsy i Mosesy taorian'ny nanamarinan'Andriamanitra an'ilay antsony. Rehefa nino i Mosesy fa voaantsso ho amin'izany izy, fa rehefa niteny taminy Andriamanitra teo ambony teo hoe, "Toy izao ilay izy," ka nidina ary naneho teo anatrehan'i Farao, sy ny sisa rehetra tamin'izy ireo, hoe izy dia nirahina hanao an'io, dia tsy natahotra an'i Farao mihitsy i Mosesy.

<sup>180</sup> Mariho, Farao dia nampiasa ny fahendreny tamin'i Mosesy, na izany aza. Diniho. Hoy izy hoe, "Izao no lazaiko anao, izaho—izaho dia hanao fifanarahana aminao." Rehefa avy nihinana azy ireo loza, dia hoy izy hoe, "Hanao fifanarahana aminao aho. Mandehana fotsiny ianao manao fanompoana kely iray, telo andro. Mandehana hatreto, fa aza mandeha lavitra loatra." Fa, fantatrareo, ny... Izany no nolazain'ny fisainan'i Farao taminy hoe, hitanareo, "Mandehana hatreto fotsiny, fa aza mandeha lavitra loatra."

<sup>181</sup> Tsy izany karazana izany ve no azontsika amin'izao andro izao? "Raha mikambana amin'ny fiangonana fotsiny ianareo, dia efa mety tsara izany."

<sup>182</sup> Saingy, fantatrareo, ilay finoana izay nananan'i Mosesy dia tsy nino an'ilay fivavahana "hatreto." Hoy izy hoe, "Handeha izahay rehetra. Handeha hatramin'ny farany izahay. Marina izany. Handeha ho any amin'ilay tany nampanantenaina izahay. Tsy hivoaka eto fotsiny izahay ka hanao anaram-piagonana iray, dia hijanona. Hanohy hatrany izahay." Amena. "Hanohy hatrany amin'ilay tany nampanantenaina aho. Andriamanitra no nampanantena anay."

<sup>183</sup> Farao firy no ananantsika amin'izao andro izao izay mijoro eo amin'ny polipitra, lohan'ireo rafi-pandaminana! "Ankehitriny, raha manao an'ity sy itsy fotsiny ianareo, dia efa tsara izany. Eny, hitanareo, hatreto fotsiny."

Fa hoy i Mosesy hoe, "Oh, tsia! Tsia, tsia! Tsia, tsia!"  
Hitanareo?

<sup>184</sup> Hoy Farao hoe, "Eny, fa nahoana? Raha handeha hahazo an'io karazam-pivavahana io ianao, dia holazaiko anao izay hataonao, ianao sy ireo loholona fotsiny no mandehana manompo, hitanao. Ianao sy ireo loholona fotsiny no mandehana manompo. Satria, ianareo rehetra ireo ihany no afaka mahazo an'io karazam-pivavahana io, fa aza entina eo anivon'ny olona izany."

<sup>185</sup> Fantatrareo ve izay nolazain'i Mosesy? "Tsy hisy na dia hoho iray aza ho tavela any aorianea. Handeha hatramin'ny farany izahay. Handeha izahay rehetra! Tsy handeha aho raha tsy mandeha izy ireo. Ary, raha mbola eto foana koa aho, dia eo an-tananaeo aho." Amena. "Tsy handeha aho raha tsy afaka mandeha koa ireo, dia izay ihany." Oh, mpanompo mahery fo toy ny inona! Amena. "Tiako ny haka azy ireo miaraka amiko. Satria ve hoe azoko ilay izy, dia mipetraka aho ka hiteny hoe, 'Eny, ankehitriny, izany no mety tsara?' Tsia, tompoko. Izahay dia mila ny olona, ihany koa. Ny tsirairay aminay no handeha." Amena. Hoy izy hoe, "Tsy hamela ondry iray ho tavela mihitsy aza izahay, na zavatra hafa, any aorianea. Tsy hisy hoho iray ho tavela any aorianea. Izahay rehetra no handeha ho any amin'ilay tany nampanantenaina." Amena!

<sup>186</sup> "Ny tsirairay avy amintsika! Na mpikarakara tokan-trano ianareo, na koa ianareo dia—dia mpiasa an-trano kely, na koa vehivavy antitra ianareo, na tovolahy, na lahy antitra, na inona na inona ianareo, handeha isika, na izany aza. Tsy hisy anankiray amintsika ho tavela." Amena. "Ny tsirairay avy amintsika no handeha, ary tsy hisy zavatra hafa hahajanona antsika." Marina izany. Oadray! Tena tao anatin'ny adi-hevitra tokoa ireo fivavahana ireo teo, sa tsy izany? Oh, oadray!

<sup>187</sup> Tsia, Mosesy dia tsy nino an'io hoe fivavahana "hatreto fotsiny" io eto. Tsia, tsy nino an'izany izy. Hah-ha. Eny, tompoko. Oh, oadray!

<sup>188</sup> Afaka mijanona eo amin'izany mandritry ny andro manontolo isika, saingy tsy maintsy tonga eo amin'ny lahateniko aho afaka kelikely ary hanomboka hitory teny.

<sup>189</sup> Mariho, mariho ity, mahafinaritra toy ny ahoana! Oh, tiako ity. Fantatraloreo, farany, dia hoy i Farao hoe, "Mivoaha!" Nampahory azy fotsiny Andriamanitra, tamin'ny feon'i Mosesy. Nokapohiny ny zavatra rehetra. Nataony ny zavatra rehetra izay tokony ho vita. Najanony ny... nampidininy ny masoandro, teo afovoan'ny andro. Nataony ny zavatra rehetra sisa. Izy—izy no nanamaizina ny andro. Nitondra sahona izy, parasy, hao, ny zavatra hafa rehetra, afo, setroka, ary fahafatesana teo amin'ireo fianakaviany, sy ny zavatra hafa rehetra. Nataony ny zavatra rehetra hany ka, farany, tsy maintsy niteny i Farao hoe, "Mivoaha! Alaivo izay rehetra anananareo, dia mandehana." Oh, oadray! Dera ho an'Andriamanitra!

<sup>190</sup> Tena faly aho fa misy olona afaka manompo an'Andriamanitra tanteraka hany izy ka, ny devoly, dia tsy mahafantatra izay hatao aminy. Marina izany. Nankato an'Andriamanitra tanteraka fotsiny izy hany ka hoy ny devoly hoe, "Oh, oadray, mialà any! Izaho—izaho tsy te-handre an'izany intsony." Marina izany. Afaka manao an'izany ianareo, tanteraka mihitsy.

<sup>191</sup> Hitanareo ankehitriny, raha—raha tsy nanohana an'i Mosesy Andriamanitra, amin'izay fotoana izay dia ho lasa fihomehezana izy. Fa teo mihitsy Andriamanitra, nanamarina. Izay zavatra rehetra nolazainy, dia niseho.

<sup>192</sup> Ary tsy maintsy naka ny toerany i Farao, satria izy no eveka, fantatraloreo, noho izany izy—izy dia tsy maintsy nijanona teo. Tsy afaka nandà izy. Tsy afaka niteny izy hoe tsia, satria efa nitranga ilay izy. Hitanareo? Izy dia tsy afaka—izy dia tsy afaka nandà an'io, satria efa nitranga ilay izy. Koa farany dia hoy izy hoe, "Oh, mivoaha fotsiny! Tsy te-handre anao intsony aho. Mivoaha eto! Alaivo izay rehetra anananareo, dia mandehana!" Oh, oadray!

<sup>193</sup> Ankehitriny dia hitantsika i Mosesy, eto, rehefa avy nanao betsaka ho azy Andriamanitra, ka naneho taminy famantarana sy fahagagana betsaka. Ankehitriny, mandritry ny dimy ambin'ny folo minitira manaraka, ndao isika hametraka an'izao eto. Ary diniho tena akaiky mihitsy. Tonga teo amin'io toerana io i Mosesy izay izy...

<sup>194</sup> Hoy Andriamanitra hoe, "Momba anao Aho. Ireo teninao no Teniko. Efa noporofoko taminao izany, ry Mosesy. Ianao, rehefa tsy nisy lalitra teo amin'ny firenena, tsy fotoany tamin'izany, ka nilaza ianao hoe, 'Aoka ho tonga ny lalitra,' dia tonga ny lalitra." Famoronana izany. Iza no afaka hitondra aizina eto ambonin'ny tany, afa-tsy Andriamanitra? Hoy izy hoe, "'Aoka hisy aizina,' dia nisy aizina. Hoy ianao hoe, 'Aoka hisy sahona,'"

dia tafiditra tany an-tranon'i Farao mihitsy aza ireo sahona, tao am-pandriana, ary tamin'izany dia niangona ho antontany lehibe izy ireo. Mpamorona! "Ary niteny tamin'ny alàlanao Aho, ry Mosesy, ary—ary nanao ny Teniko hamorona tamin'ny alàlan'ireo molotrao. Nataoko ho andriamanitra iray tokoa ianao teo anatrehan'i Farao." Eny, tompoko. "Izaho no nanao an'izany rehetra izany."

<sup>195</sup> Ary indro izy ireo eto fa tonga eo amin'ny toerana iray, tonga ny fizahan-toetra kely iray, ary nanomboka nitaraina i Mosesy hoe, "Inona no hataoko?"

<sup>196</sup> Tiako ianareo hanamarika. Lesona lehibe iray izany eto ankehitriny. Tiako ity, hitanareo. Hitanareo, Mosesy, raha tena mamaky tsara isika eto, hoe Mo... Rehefa, nanomboka natahotra ireo zanaka, nahita an'i Farao nanenjika izy ireo, tao amin'ilay laharan'andraikitra.

<sup>197</sup> Nanatanteraka ny zavatra rehetra ho tanteraka Andriamanitra. Ankehitriny nanomboka nampanao azy ireo ny diany Izy. Nangoniny miaraka ilay fiangonana. Nantsoina nivoaka izy ireo. Avy tamin'ny anaram-piangonana rehetra izy ireo. Niangona miaraka izy rehetra. Nandeha tao ambadika tao i Mosesy, ka nanao hoe, "Tompo, inona no tokony hataoko?"

<sup>198</sup> Hoy Izy hoe, "Eny, mandehana ataovy *ity*." Eny àry, mandrosoa. "Ankehitriny, ry Mosesy, fantatrao fa Izaho no niantso anao hanao an'izao."

"Eny, Tompo."

<sup>199</sup> "Eny àry, mandehana ianao miteny an'izao, dia hisy izany," indro tonga ireo lalitra. "Mitenena ho an'izao," dia tonga izany. "Manaovaly an'izao," dia tonga izany. Ny zavatra rehetra dia HOY NY TOMPO HOE, HOY NY TOMPO HOE, HOY NY TOMPO HOE! Ankehitriny dia tafiditra ao anatin'ny olana iray izy . . .

<sup>200</sup> Dia hoy Andriamanitra hoe, "Ankehitriny dia Asaiko manomboka ny diany izy ireo. Izy rehetra dia natao hoe nantsoina hivoaka. Tafangona ny fiangonana, koa dia Asaiko manomboka ny diany izy ireo. Ankehitriny, ry Mosesy, ento any izy ireo. Efa nilaza taminao aho. Hipetraka aho ary hiala sasatra vetivety."

<sup>201</sup> Hoy i Mosesy hoe, "O Tompo, jereo iny avy iny, indro fa tonga i Farao! Ny vahoaka rehetra dia... Inona no tokony hataoko? Inona no tokony hataoko?" Hitanareo eo, tsy ny maha-olombelona fotsiny ve izany? Eny, tompoko. Nanomboka nitaraina izy hoe, "Inona no tokony hataoko?"

<sup>202</sup> Eto dia hitantsika i Mosesy mampiseho tsara, an'ilay natioran'olombelona feno, izay mila an'Andriamanitra foana ho aorianareo sy hanosika anareo ao amin'ny zavatra anankiray. Ankehitriny, izany isika amin'izao andro izao. Mila an'Andriamanitra ianareo, rehefa avy nahita an'izay hitantsika

rehetra isika, nefà dia mbola mila an'Andriamanitra hanosika anareo hanao zavatra anankiray foana ianareo. Hitanareo?

<sup>203</sup> Nitolefika fotsiny teo i Mosesy, nanao hoe, "Andriamanitra, hanontany Anao aho, hahita an'izay Lazainao. Hia, hia, Ianao no milaza an'ilay izy. Eny, eny àry, izaho dia hilaza an'ilay izy, ihany koa." Hitanareo?

<sup>204</sup> Saingy eto dia Andriamanitra no naniraka azy ho an'ilay asa, nanaporofa nomba azy Izy. Ary indro izy eto, tonga ilay toe-javatra, ary dia nanomboka nitaraina izy hoe, "Inona no azoko atao? Tompo, inona no azoko atao?"

<sup>205</sup> Ankehitriny tsarovinareo, efa naminany izy eto, satria hoy izy hoe, "Ireo Egyptiana izay hitanareo androany ireo, dia tsy ho hitanareo intsony." Ary avy eo dia nanomboka nitaraina avy hatrany hoe, "Andriamanitra, inona no azonay atao?" Hitanareo? Rehefa avy nanao asa iray tena tsara tamin'ny naminaniana izy teo. Hitanareo, nilaza tamin'izy ireo an'izay hitranga izy. Raha tao aminy ilay Tenin'Andriamanitra, tao aminy Izany. Ary rehefa niteny an'izany izy, dia niseho tokoa ilay izy. Izay nolazainy dia efa tsy maintsy niseho, nefà eto izy dia mitaraina hoe, "Inona no tokony hataoko?"

<sup>206</sup> Oh, raha tsy izany ilay maha-olombelona! Raha tsy izany ilay izaho! Raha tsy izany ilay izaho! Hitanareo?

<sup>207</sup> Efa nanaporofa Izy hoe, "Izay lazainao dia hitranga. Momba anao Aho."

<sup>208</sup> Ary indro mipoitra tampoka ny toe-javatra anankiray. "Inona no tokony hataoko? Inona no tokony hataoko, Tompo? Hey, Tompo, aiza Ianao? Hey, mandre ahy ve Ianao? Inona no tokony hataoko?" Nefà Izy efa naniraka azy, sy nanamarina azy, sy nanaporofa ary niasa tamin'ny zavatra rehetra tamin'ny alàlany. Ary eto, "Andriamanitra?" Oh, oadray! Fanehoana feno, fa ny olona dia te-hiala sasatra ka hamela an'Andriamanitra hanao an'ilay fanosehana.

<sup>209</sup> Ary, kanefa, dia fantany fa Andriamanitra no nanosotra azy ho amin'io asa io, mba hanao an'io, ary Andriamanitra no nanamarina mazava ny filazany. Io no fotoana ho an'ny olona mba hahafahany. Andriamanitra, tamin'ny alàlan'ireo fahagagany sy zava-mahagagany, no nitarika azy rehetra hitambatra ao anatin'ny vondrona anankiray. Maharaka ahy ve ianareo? [Hoy ny fiangonana hoe, "Amena."—Mpand.] Nitondra azy rehetra hitambatra ao anatin'ny vondrona anankiray, nanamarina ny filazany. Ny Soratra no niteny an'izany; teo ilay famantarana, indro ilay porofo teo, ny zavatra rehetra izay nolazainy. Avy eo dia tonga teo anivon'izy ireo izy ho mpaminany iray. Mandrakariva, na inona na inona nolazainy, dia nohajain'Andriamanitra izany, na dia ny hamorona sy hitondra lalitra aza, nitondra an'ireo zavatra ho amin'ny

fisiana. Ary ny zavatra rehetra izay Nampanantenainy azy, dia Nataony eto.

<sup>210</sup> Saingy nila niandry an'ilay HOY NY TOMPO HOE izy. Hitanareo? Tokony ho fantany fa ilay tena fanamarinana ny antsony dia efa HOY NY TOMPO HOE. Ny asany izay nanirahana azy dia efa HOY NY TOMPO HOE. Voarainareo ve izany? [Hoy ny fiangonana hoe, "Amena."] Hmm! Nahoana izy no niandry an'ilay HOY NY TOMPO HOE?

<sup>211</sup> Ny tiany dia hoe, "Tompo, inona no azoko atao? Indro nitondra an'ireto zanaka ireto nivoaka eto aho, hatreto. Indro ilay toe-javatra, tonga i Farao. Ho faty izy rehetra ireo. Inona no tokony hataoko? Inona no tokony hataoko?" Hmm! Hmm!

<sup>212</sup> Efa nilaza mialoha izy ny amin'izay hataon'izy ireo. Efa nolazainy marina mihitsy hoe inona, no hanaovana azy. Efa nolazainy mialoha ny fiafaran'ilay tena firenena izay nahalehibeazany. Antenaiko fa mahazo ianareo. [Hoy ny fiangonana hoe, "Amena."—Mpand.] Hitanareo? Efa nilaza i Mosesy hoe, "Tsy ho hitanareo intsony izy ireo. Ho ravan'Andriamanitra izy ireo. Ela loatra no nanesoan'izy ireo anareo. Handrava azy ireo Andriamanitra." Efa nolazainy mialoha izay hitranga amin'izy ireo.

<sup>213</sup> Avy eo dia, "Tompo, inona no tokony hataoko?" Hitanareo ve ilay natioran'olombelona eo? Hitanareo? "Inona no tokony hataoko? Hiandry an'ilay HOY NY TOMPO HOE aho." Eny, tompoko. "Ho hitako izay lazain'ny Tompo, avy eo vao hataoko ilay izy" Hah!

<sup>214</sup> Tsarovy, nisy farao iray teo izay nitsangana ka tsy nahafantatra an'i Josefa, fantatralereo, tamin'io fotoana io, tamin'io fotoana io mihitsy. Hitanareo? Hitanareo? Ary nitsangana mihitsy i Mosesy ka nilaza mialoha ny fiafaran'io firenena io.

<sup>215</sup> Ary indro izy fa teo amin'ilay toerana izay tsy maintsy nitrangan'ilay izy mihitsy, avy eo dia nitaraina izy hoe, "Inona no tokony hataoko, Tompo? Inona no tokony hataoko?" Hitanareo? Tsy ny maha-olombelona ve izany? Tsy natioran'olombelona mihitsy ve izany? "Inona no hataoko?" Hah!

<sup>216</sup> Izy dia efa, naminany. Andriamanitra nanaja ny zavatra rehetra izay nolazainy, ary izy no voaantsosy ho an'ilay asa, koa nahoana izy no tsy maintsy nilaza hoe, "Inona no tokony hataoko?" Nisy zavatra nilaina teo; niankina taminy fotsiny ny niteny ho an'izany. Andriamanitra dia nila an'i Mosesy hametraka an'io fanomezam-pahasaoavan'ny finoana io, izay efa Nomeny azy, mba hiasana. Efa nohamarinin'Andriamanitra izany. Izany no Fahamarinana. Ary Andriamanitra dia nila an'i Mosesy, nila ny olona hahita fa Izy no niaraka tamin'i Mosesy.

<sup>217</sup> Ary izy, tany, niandry izy, nanao hoe, “Ankehitriny, Tompo, zazakely iray fotsiny aho. Aoka Ianao hiteny amiko ankehitriny.”

“Hia, hanao an’ity aho. Azoko ny HOY NY TOMPO HOE.”

“Rahalahy, izao ve no HOY NY TOMPO HOE?”

<sup>218</sup> “Eny, eny,” Rahalahy Mosesy, “izao no HOY NY TOMPO HOE. Hia.”

<sup>219</sup> “Eka, azontsika ilay izy ankehitriny, HOY NY TOMPO HOE.” Ary nitranga izany. Tsy diso mihitsy na dia indray mandeha aza. Tsy diso mihitsy.

<sup>220</sup> Ary indro ilay izy eto ao anatin’ireo toe-javatra, mipoitra indray. Ankehitriny dia Nentiny tao amin’ilay dia izy. Efa nantsoina nivoaka ilay fiangonana, nitondra azy ireo tao amin’ilay dia, ary nandroso izy ireo. Ary nanomboka nitaraina i Mosesy hoe, “Tompo, ity ve no HOY NY TOMPO HOE? Inona no tokony hataoko?” Eny àry.

<sup>221</sup> Andriamanitra dia nila an’i Mosesy hanana finoana, izay Napetrany tao, tao amin’ilay fanomezam-pahasoavana izay Izzy no tena na—nanamarina mazava. Noporofoin’Andriamanitra mazava tamin’i Mosesy sy ny olona fa Izzy izany, tamin’ny alàlan’ny Teny sy tamin’ny alàlan’ireo zavatra izay voalaza fa hiseho. Voatondro mazava izany. Tsy misy antony tokony hampanahy azy intsony ny mikasika an’izany. Hitanareo? Tsy nisy intsony tokony hieritreretany na inona na inona mikasika an’izany, satriaefa nazava tsara ilay izy. Efa nanao an’ireo zavatra ireo izy. Ary efa noporofoiny, tamin’ny alàlan’ny lalitra sy ny parasy, fa izy no niteny zavatra tao amin’ny famoronana, ka ny Tenin’Andriamanitra no tao aminy.

<sup>222</sup> Koa dia indro izy hanontany ankehitriny hoe inona no hatao, rehefa mipetraka eo anoloany ireo toe-javatra. Hitanareo? Oh, oadray!

<sup>223</sup> Antenaiko fa hidina lalina ao amintsika izany, ka afaka mahita isika hoe aiza no misy antsika. Hitanareo? Tsy manao anareo hahatsapa ho lehibe tahaka an’izao ve izany? [Hoy ny fiangonana hoe, “Amena.”—Mpand.] Eo am-pieritreretana an’i Mosesy sy miteny an’ireo fahadisoany, dia jereo ny antsika. Hia. Hitanareo?

<sup>224</sup> Indro izy eto, mitsangana eo, hitanareo, nahafantatra fa ny Soratra no nilaza fa izany ilay ora sy andro hitrangan’izany, ary nahafantatra fa Andriamanitra no nihaona taminy tao anatin’ny Andry Afo iray. Ary nidina teo amin’ny olona mihitsy Izany ka nanao an’ireo fahagagana ireo. Ary ny zavatra rehetra izay nolazainy, dia niseho izany, nitondra an’ireo zavatra tao amin’ny famoronana mihitsy aza. Manao an’ireo zavatra izay Andriamanitra ihany no afaka manao azy, maneho fa ny feony dia Feon’Andriamanitra.

<sup>225</sup> Ary indro eto ilay toe-javatra miaraka amin'io vahoaka izay nentiny niakatra io, nentiny ho ao amin'ilay tany nampanantenaina, ary avy eo dia nitsangana, nitaraaina hoe, "Inona no tokony hataoko?" Izany no olombelona iray, mila fotsiny ny . . .

<sup>226</sup> Tahaka an-dRahalahy Roy Slaughter, mino aho fa mipetraka any ivelan'ny varavarana ao izy, niteny tamiko indray mandeha, mikasika ny olona iray nanao zavatra tamiko. Ary hoy aho hoe, "Eny, *ity* no nataoko, nefo ankehitriny dia izao izany."

<sup>227</sup> Hoy izy hoe, "Rahalahy Branham, avelao izy ireo hiankina eo amin'ny sorokao androany, fa rahampitso dia ianao no hitondra azy ireo." Izany ilay fomban'olombelona. Miankina eo amin'ny sorokareo androany, ary rahampitso dia ianareo no hitondra azy ireo.

<sup>228</sup> Izany ilay izy, izany no nataon'i Mosesy. Andriamanitra no tsy maintsy nitondra azy hatramin'izay rehefa avy nandidy azy Izy sy nanaporofo an'izany mba hanaovany an'ilay izy. Ary ny olona dia tokony niteny hoe, "Ry Mosesy, teneno ilay teny. Efa hitako ianao nanao an'ilay izy *tany*. Andriamanitra no nanaja anao tany, ary ianao no tsy miova androany." Amena. Hitanareo? "Ataovy ilay izy!" Amena. Tokony ho fantany ilay izy, saingy tsy fantany. Eny àry. Tahaka ny naha-izy azy tamin'izany fotoana izany, dia toy izany koa ilay izy ankehitriny. Isika dia mahita, an'izany. Noho izany dia hoy Izy hoe, "Mo- . . ."

<sup>229</sup> Tsy maintsy leo an'izany Andriamanitra. Tsy maintsy ho tofoka an'izany Andriamanitra. Hoy Izy hoe, "Nahoana ianao no mitaraina Amiko? Tsy efa Noporofoiko ve ny Fanondroako? Tsy efa Nolazaiko anao ve fa Izaho no naniraka anao ho an'ilay asa? Tsy niteny taminao ve Aho handeha hanao an'io? Tsy nampanantena anao ve Aho fa Izaho no hanao an'io; ka Izaho no homba ny vavanao, ary Izaho no hiteny amin'ny alàlanao ary Izaho no hanao an'io, ary ianao no haneho an'ireo famantarana sy fahagagana? Tsy nampanantena anao ve Aho fa hanao an'izany? Tsy efa Nataoko marina tokoa ve ilay izy, ka nandrava ny fahavalox rehetra nanodidina anao? Nefo indro ianao mitsangana eto ankehitriny, eto amin'ny Ranomasina Mena, eo amin'ilay laharan'andraikitra mihitsy, izay Nolazaiko taminao mba hataeo, nefo avy eo dia mbola miantsoantso sy mitaraina Amiko. Tsy mino Ahy ve ianao? Tsy hitanao ve fa Izaho no naniraka anao hanao an'io?" Oh, raha tsy izany ilay mahabolombelona! Oadray! Noho izany dia tsy maintsy tofoka tsara tamin'izany mihitsy Izy.

<sup>230</sup> Ary hoy Izy hoe, "Fantatrao fa mila an'izany ianao. Fantatrao raha handeha haka an'ireo zanaka ireo ianao ho any amin'ilay tany nampanantenaina. Izany marina tokoa. Mifefy ao anatin'ny zorony eto io ianao. Tsy misy na inona na inona mety ho vitanao. Noho izany dia misy zavatra ilaina iray. Inona no

itarainanao Amiko? Inona no itadiavanao Ahy? Inona no iantsoanao Ahy? Tsy efa Noporofoiko tamin'ny olona ve izany? Tsy efa Noporofoiko taminao ve izany? Tsy efa Nantsoiko ve izany? Tsy ara-tSoratra ve izany? Tsy nampanantena ve Aho fa haka an'io vahoaka io ho an'ny amin'ilay tanàna? Tsy niantso anao ve Aho ary niteny taminao fa Izaho no hanao an'izany? Tsy niantso ve Aho ka nilaza fa Izaho no naniraka anao hanao an'izany, fa tsy ianao, Izaho izany? Ary hidina Aho ka homba ny molotrao Aho, ary na inona na inona nolazaina, dia Nohamariniko izany ary noporofoko izany. Tsy efa Nataoko ve izany?

<sup>231</sup> “Avy eo, rehefa mipoitra ny zavatra kely, dia nahoana ianao no manao toy ny zazakely? Tokony ho lehilahy ianao. Mitenena amin’ny olona,” amena, “avy eo dia mandrosoa!” Amena. Eo ianareo izao. “Aza mitaraina. Mitenena!” Amena. Oh, tiako izany. “Nahoana no mitaraina Amiko ianao? Mitenena fotsiny amin’ny olona dia mandrosoa ho amin'ilay tanjonareo. Na inona na inona ilay izy, raha aretina izany, na inona na inona ilay izy, hanangana ny maty, na inona na inona ilay izy, dia mitenena! Efa Noporofoiko izany. Mitenena amin’ny olona.”

<sup>232</sup> Lesona iray toy ny inona! Lesona iray toy ny inona, oh, oadray, amin’izao ambaratongan’ny dia izay ijoroantsika izao. Jereo hoe aiza no misy antsika ankehitriny, eny, tompoko, ao amin'ilay Sintona Fahatelo. Mariho, eo am-baravarana mihitsy no misy antsika izao, eo amin’ny Fihavian’ny Tompo.

<sup>233</sup> Voahosotra ho an'ilay asa izy, nefá dia mbola miandry foana ny HOY NY TOMPO HOE. Tsy maintsy ho leo an'izany mihitsy Andriamanitra. Hoy Izy hoe, “Aza mitaraina intsony. Mitenena! Izaho no naniraka anao.”

<sup>234</sup> O Andriamanitra, tokony ho inona ity Fianganana ity izao maraina izao! Miaraka amin’ny fanamarinan’Andriamanitra tanteraka, miaraka amin'ilay Andry Afo sy ireo famantarana ary ireo fahagagana, ny zavatra rehetra dia tahaka ny tamin'ny andron'i Sodoma mihitsy. Izy no nilaza fa hiverina indray izany.

<sup>235</sup> Indro ilay izao tontolo izao ao amin’ny toerany. Io ilay firenena ao amin’ny toerany. Io ireo vehivavy ao amin'ilay toerana. Io ny lehilahy ao amin'ilay toerana. Io ny fianganana ao amin'ilay toerana. Io ny zavatra rehetra. Ireo fitaovana, ireo famantarana, zava-misidina sy ny sisa eny amin’ny lanitra, sy ireo karazan-javatra tsy fantatra rehetra, sy ny firohondrohon’ny ranomasina, ireo onjan’ny samonta, ny fon’ny olona ketraka, ny tahotra, very hevitra amin’izao andro izao, ny fahorianea eo amin’ireo firenena, ny fianganana mihemotra.

<sup>236</sup> Ary mipoitra ilay lehilahin’ota, izay manandratra ny tenany ho ambonin’ny zavatra rehetra; izay antsoina hoe Andriamanitra, izy ilay mipetraka eo amin’ny tempolin’Andriamanitra, maneho ny tenany, oh, oadray, ary

tonga amin'ity firenena ity. Ary ny fiangonana dia voarafitra, ary izy rehetra dia miangona miaraka, toy ny mpijangajanga sy mpivarotena, ka ny zavatra rehetra dia tena ao amin'ilay iâlan'ny fivarotan-tena tanteraka.

<sup>237</sup> Fivarotan-tena, inona izany? Miteny amin'ireo vehivavy fa mahazo manapaka ny volony izy ireo, miteny amin'ireo vehivavy fa mahazo manao sorta izy ireo, miteny amin'ireo lehilahy fa izy ireo dia mahazo manao an'ity ary izy ireo dia mahazo manao an'itsy; ary ireo mpitoky teny, dia manao an'ity, ary filazantsara sosialy iray sy ny sisa. Tsy hitanareo ve, fa izany no mijangajanga amin'ilay Tenin'Andriamanitra marina!

<sup>238</sup> Ary Andriamanitra dia nandefa ho antsika ny Teniny marina, tsy ara-anaram-piangonana, tsy misy kofehy mifatotra amin'Izany, ka nanome antsika an'ilay Andry Afo, ny Fanahy Masina izay niaraka tamintsika ankehitriny nandrity ny telopolo taona. Ary ny zavatra rehetra izay Nolazainy mialoha sy nolazainy, dia niseho tanteraka arak'izay Nanaovany azy.

<sup>239</sup> Mitenena amin'ny olona, dia ndao isika handroso. Amena. Manana tanjona iray isika, dia ny Voninahitra izany. Ndao isika handroso ho amin'Izany. Mandeha mankany amin'ilay Tany nampanantenaina isika. "Ny zavatra rehetra dia azo atao ho an'ireo izay mino." "Mitenena amin'ny olona. Tsy efa Noporofoiko ve izany. Tsy efa nanao ny Sariko mihitsy aza ve Aho teo anivonareo, sy ny zavatra hafa, ary nanao ny zavatra rehetra izay azo natao, mba hanaporofoina fa momba anareo Aho? Ireo magazina ve, vao herinandro vitsy lasa mihitsy izao, tsy nanao an'ilay lahatsoratra, rehefa nolazainao teto amin'ny polipitra izay hiseho teto, ary telo volana nialoha, ary niseho teo izany ka nanamarina? Na dia ny siansa aza dia mahafantatra mikasika an'izany. Sy ny zavatra rehetra izay Nataoko, nefà dia mbola miandry foana ianao. Mitenena amin'ny olona dia mandrosoa ho amin'ilay tanjonareo." Amena.

<sup>240</sup> Tsy niteny tamin'i Davida ve i Natana? Natana, ilay mpaminany, dia nipetraka indray andro, nahita an'i Davida ilay mpanjaka voahosotra, hoy izy hoe, "Ataovy izay rehetra ao am-ponao, fa Andriamanitra no momba anao." Niteny tamin'i Davida hoe, "Ataovy izay rehetra ao am-ponao. Andriamanitra no momba anao."

<sup>241</sup> Josoa dia voahosotra haka an'ilay tany ho an'Andriamanitra sy ho an'ny vahoakany. Fohy ilay andro. Nila fotoana betsaka izy ho an'ilay asa izay nanosorana sy nanirahana azy mba hatao. Josoa, lehilahy iray, izy no voahosotra. Niteny taminy Andriamanitra hoe, "Tahaka ny Nombako an'i Mosesy, no Hombako anao koa." Amena. "Io tany io, Homeko azy ireo izy io. Ary tiako ianao handeha any ka handroaka an'ireo Amalekita, sy-sy ireo Het...Ireo—ireo hafa rehetra, ireo Filistina sy—sy ireo Perizita, ary ireo samihafa rehetra, roahy izy ireo.

Momba anao Aho. Izaho dia... Tsy hisy olona hahajanona eo anatrehanao, mandritry ny androm-piaiananao rehetra. Tsy misy olona afaka manelingelina anao. Mandehana mankany."

Dia namoaka an'ilay sabatra i Josoa ka nanao hoe, "Manaraha ahy!"

<sup>242</sup> Ary nandeha nankany izy, ary indro izy niady. Ary inona izany? Nampitsoaka an'ilay fahavalo izy. Izy ireo dia andiany kely *teto* ary andiany kely *tetsy*. Rehefa tonga ny alina, dia nitambatra izy rehetra ary vondron-tafika nitambatra, ary tonga niaraka tamin'ny hery lehibe iray nanohitra azy. Ary teo am-pilentehana ilay masoandro. Nila hazavana betsaka izy. Teo am-pilentehana ilay masoandro. Tsy nandohalika izy ka nanao hoe, "Tompo Andriamanitra, inona no hataoko? Inona no hataoko?" Niteny izy! Nanana zavatra nilaina izy. Hoy izy hoe, "Ry masoandro, mipetraha tsara!" Tsy nitaraina na inona na inona izy. Nandidy izy hoe, "Ry masoandro, mipetraha tsara! Mila an'izany aho. Izaho no mpanompon'ny Tompo, voahosotra ho an'ity asa ity, ary mila zavatra aho. Mipetraha tsara, ary aza mamiratra ianao... Ary, ry volana, mihantona eo amin'izay misy anao," mandra-pahavitany an'ilay ady ka nandripahany ny zavatra rehetra. Ary nankato azy ilay masoandro.

<sup>243</sup> Tsy nitaraina. Niteny tamin'ilay masoandro izy, nanao hoe, "Mipetraha tsara ianao. Ry masoandro, mihantona eo! Ary, ry volana, mijanona ianao eo amin'izay misy anao." Tsy nitaraina izy hoe, "Tompo, ankehitriny inona no azoko atao? Omeo hazavan'ny masoandro betsaka aho." Nila hazavan'ny masoandro izy, noho izany dia nodidiany izany, ary nankatò azy ilay masoandro. Oh, oadray! Nandidy ny masoandro hipetraka tsara izy.

<sup>244</sup> Samsona, voahosotra, nitsangana, voatendrin'Andriamanitra, nomena ny fanomezam-pahasoavan'ny hery, dia voatendry handrava ny firenen'ny Filistina. Voatendry, teraka teto an-tany, voahosot'Andriamanitra, mba handrava ny Filistina. Ary indray andro dia tratran'izy ireo tao amin'ny saha izy, tsy nanana ny sabatrany, tsy nanana lefona. Ary ny arivo tamin'ireo Filistina mitam-piadiana no indray nirodorodo teo aminy. Nandohalika ve izy ka nanao hoe, "O Tompo, miandry fahitana iray aho? O Tompo, inona no tokony hataoko? Tariho aho ankehitriny hoe inona no hatao?" Fantany fa nanana zavatra ilaina izy. Tsy nahita afa-tsy valanondranom-boriky tranaindy iray izy, ary nahafaty Filistina arivo izy. Amena!

<sup>245</sup> Tsy nitaraina tamin'Andriamanitra mihitsy izy. Nampiasainy ilay fanomezam-pahasoavany voahosotra. Fantany fa izy no nirahina ho an'ilay asa. Fantany fa teraka ho an'izany izy. Fantany fa voahosotra niaraka tamin'ny fanomezam-pahasoavana iray izy, ary nahafaty Filistina arivo izy. Tsy

nitaraina tamin'Andriamanitra izy. Andriamanitra no nanendry azy sy nanamarina fa voatendry izy, tamin'ny alàlan'ireo zavatra hafa izay nataony. Ary voamarina izy, voahosotra ho mpanompon'Andriamanitra, mba handrava an'ireo Filistina, ary nataony izany. Tsy mampaninona na inona ireo toe-javatra, fa nataony izany. Tsy nanontany na inona na inona izy. Io no asany. Fa, Andriamanitra no niasa tamin'ny alàlany; nalainy io taolam-boriky io ary nandeha namono an'ireo Filistina. Ahoana ny... .

<sup>246</sup> Nahoana, ny kapoka anankiray amin'io zavatra io, midona amin'ny anankiray amin'ireo fiarovan-doha varahina irain-jehy sy sasany tahaka an'izany ireo, dia hanorotoro an'io taolana io ho potipotiny iray tapitrisa. Ary nahafaty arivo tamin'izy ireo izy, ka namono azy ireo, ary mbola nijoro niaraka tamin'izany foana teny an-tanany.

<sup>247</sup> Tsy nametraka fanontaniana izy. Tsy nitaraina izy. Niteny izy. Nampitsoaka azy ireo izy. Oh, oadray! “Haka an'ireo Filistina, afaka maka an'ireo Filistina ve aho, Tompo? Izaho—izaho dia mahafantatra fa Ianao no naniraka ahy hanao an'izany, Tompo. Eny, Tompo, fantatro fa Ianao no naniraka ahy handrava an'ity firenen'ny Filistina ity. Ankehitriny eto, arivo amin'izy ireo no manodidina ahy, ary tsy manana na inona na inona aho. Inona, inona no hataoko ankehitriny, Tompo?” Oh, oadray! Tsy misy na inona na inona manelingelina azy. Voahosotra ho an'ilay asa izy. Tsy misy na inona na inona afaka mandratra anareo. Tsia, na zavatra anankiray aza. Haleloia! Nalainy fotsiny izay nananany ary nasiany izy ireo. Marina izany.

<sup>248</sup> Rehefa nihodidina azy ilay fahavalolo, nanao hoe, “Ankehitriny dia azontsika ao amin'ireo rindrina izy, azontsika izy ankehitriny. Azontsika izy ato anatiny ato miaraka amin'io vehivavy io. Ankehitriny dia voahidintsika ny varavarana, manodidina na aiza na aiza, ary tsy afaka mivoaka izy. Azontsika izy.”

<sup>249</sup> Tsy nitaraina i Samsona hoe, “O Tompo, voahodidin’izy ireo aho miaraka amin’ity anaram-pianganana ity.” Hah! “Ah, inona no hataoko? Tafakambana amin’izy ireo aho. Inona no hataoko?” Tsy nanao an’izany mihitsy izy.

<sup>250</sup> Nandeha fotsiny izy, ka nanongotra an'ilay vavahady, sy nametraka an'izany teo an-tsorony, ary nandeha niaraka tamin'izany. Amena! Voahosotra ho an'ilay asa izy. Izy no nantsoin'Andriamanitra. Tsy na ha-voahodidina azy izy ireo. Tsia, tokoa! Nentiny niaraka taminy ireo vavahady. Tsy nivavaka momba an'izany izy. Tsy nanontany an'Andriamanitra izy na hanao an'ilay izy na tsia. Teo amin'ilay fitsipik'andraikitra mihitsy izany. Amena, amena, amena! Tao amin'ilay fitsipik'andraikitra mihitsy. “Nahoana no mitaraina Amiko? Mitenena, dia manohiza!” Amena! “Aza mitaraina. Mitenena!”

Nanao tsy nifararemotra sy nikonainaina izy ankehitriny. Tokony ho efa tena lehibe mba hiteny izy. Marina izany. Fantany fa ny fanomezam-pahasoavan'ny heriny voahosotra dia afaka mandrava ny Filistina rehetra izay nijoro teo anoloany. Amena.

<sup>251</sup> Fa isika tsy mahafantatra an'izany, hitanareo. Mbola zazakely foana isika, ary miaraka amin'ny biberao eo amin'ny vavan-tsika.

<sup>252</sup> Fantany izany, fantany fa Andriamanitra no nanangana azy ho an'io tanjona io, ary tsy hisy na inona na inona hahajoro eo anoloany, amin'ny androm-piaianany rehetra. Tsy misy na inona na inona afaka mandrava azy. Natsangana ho an'io tanjona io izy, tahaka an'i Mosesy. Tsy misy na inona na inona hahasakana azy. Tsy misy Amalekita na zavatra hafa afaka hanakana azy. Eo amin'ny lèlana mankany amin'ilay tany nampanantenaina izy. Fantatr'i Samsona fa teo amin'ilay lèlana izy.

<sup>253</sup> Fantatr'i Josoa fa izy no haka ny tany. Voamarina izy. Ny Tenin'Andriamanitra no nampanantena an'izany, ary teo ny Fanahy Masina nanamarina an'izany.

<sup>254</sup> Teo amin'ny lèlany izy, noho izany dia tsy nisy na inona na inona nahajoro teo amin'ny lèlany. Tsia, tompoko. Tao amin'ilay fitsipik'andraikitra mihitsy, niaraka tamin'Andriamanitra, tsy nisy na inona na inona nahajoro teo amin'ny lèlany. Noho izany dia nalainy fotsiny ireo vavahady ary napetrany teo amin'ny sorony, nilanja teo amin'ny efatra na dimy taonina, ary nandeha teo an-tampon'ny havoana ka nipetraka teo ambonin'izy ireo. Tsy nisy na inona na inona nahajoro teo amin'ny lèlany. Nanana fanomezam-pahasoavana iray voahosotr'Andriamanitra izy. Tsy nila nitaraina izy hoe, "Tompo, inona no tokony hataoko ankehitriny?" Efa voahosotra hanao an'izany izy. Izany no HOY NY TOMPO HOE, "Ialao izy ireo!" Haleloia! "Ialao izy ireo! Izaho no nanangana anao ho amin'io tanjona io." Amena.

<sup>255</sup> "Inona no tokony hataoko, Tompo? Ah, inona no hataoko eto amin'ny Ranomasina Mena eto?"

<sup>256</sup> "Tsy efa niteny taminao ve Aho fa Izaho no nanome anao tendrombohitra iray ho famantarana eto? Eo am-piverenana amin'io tendrombohitra io ianao, ary ianao no haka an'ireo zanaka ireo ho any amin'ilay tany. Tsy efa niantso anao ve Aho ho an'io tanjona io? Inona no mampanahy anao ny amin'ny zavatra hafa izay mijoro eo amin'ilay lèlana? Mitenena, ary manomboha mandroso!" Amena dia amena! "Hia, Izaho no niantso anao ho an'ity tanjona ity."

<sup>257</sup> Davida, fantany fa voahosotra izy, sy voamarina mba ho mpitifitra mahay. Fantany fa izy ireo dia nahafantatra fa mpitifitra mahay izy. Voahosotra i Davida. Fantany izany. Ary rehefa nitsangana teo anoloan'i Goliata izy, dia tsy nitaraina mihitsy izy hoe, "O Andriamanitra, inona no tokony hataoko ankehitriny? Andraso, tokony ve aho—aho...Fantattro izay

Nataonao tamin'ny andro lasa. Ianao, Ianao no namela ahy hahafaty bera iray, ary Ianao no namela ahy hahafaty liona iray. Saingy ahoana ny amin'io Goliata eo io?" Hah! Tsy nanao an'izany mihitsy izy. Niteny fotsiny izy. Inona no nolazainy? "Ho tahaka an'izy ireo ianao, eo imasonao." Niteny izy ary nandroso.

<sup>258</sup> Tsy nivavaka vavaka iray mihitsy izy. Tsy nanolotra na inona na inona mihitsy izy. Fantany fa voahosotra izy. Amena. Voahosotra izy, ary io antsamotady io no nanaporofo an'ilay karazan-javatra marina. Nanana finoana tao amin'ny hosony izy. Nanana finoana izy fa Andriamanitra dia afaka nitondra an'io vato io avy hatrany teo afovoan'io fiarovan-doha teo io, izay nisy an'ilay toerana tokana hahavoa. Nijoro teo izy.

<sup>259</sup> Fantany fa mpitifitra mahay izy. Amena. Fantany fa Andriamanitra no nanao azy ho izany. Amena. Fantany fa efa nahafaty liona iray izy, fantany fa efa nahafaty bera iray izy, saingy izany dia tamin'ny fananan'ny rainy teto an-tany. Eto dia ilay fananan'ny Rainy any An-danitra! Amena. Tsy nandohalika izy hoe, "Tokony... Inona no tokony hataoko ankehitriny, Tompo?" Niteny izy ary nanao hoe, "Ho tahaka an'ilay liona sy ilay bera ianao, ary indro aho manatona." Amena! Voninahitra ho an'Andriamanitra! Eny, tompoko. Niteny izy ary nandroso hihaona amin'io Goliata io. Oh, oadray!

<sup>260</sup> Tsy njery an'izay hahaben! Kely izy, zazalahy mena hoditra, fantatrareo. Tsy lehibe mihitsy izy. Tsy tena tsara tarehy ho jerena izy, karazana tovolahy iray mahia kely. Ny Baiboly no nilaza fa mena izy. Ankehitriny, tsy njery ny hahaben sy ilay antsoina hoe fahaizana manao an'izao.

<sup>261</sup> Fantatrareo, ilay-ilay eveka dia nilaza taminy, nanao hoe, "Ankehitriny jereo aty, anaka, io lehilahy io dia teolojiana iray. Hitanao, mpiady iray izy. Teraka ho mpiady izy ary izy dia... Izy dia efa mpiady iray, hatramin'ny fahatanorany; ary ianao dia tsy afaka hifaninana aminy." Ary hoy ireo rahalahiny hoe, "Oh, ianao maditra kely io. Tonga eto ianao hanao zavatra tahaka an'izao, mandehana miverina mody."

<sup>262</sup> Tsy nanelingelina azy izany. Nahoana? Fantany fa voahosotra izy. "Ilay Andriamanitra izay nanafaka ahy tamin'ilay liona, ilay Andriamanitra izay nanafaka ahy tamin'ireo tongot'r'ilay bera, mihoatra noho izany Izy, ka hanafaka ahy amin'io Filistina io. Indro aho manatona. Mihaona aminao amin'ny Anaran'ny Tompo Andriamaniry ny Isiraely aho." Amena. Tsy nivavaka ho an'izany izy; efa nivavahana ho an'izany izy. Andriamanitra no efa nivavaka ho azy ho an'izany talohan'ny fanorenana an'izao tontolo izao. Voahosotra ho an'ilay asa izy. Nila niteny izy dia nandroso. Izay ihany no nila nataeo teo mikasika an'ilay izy, miteny fotsiny dia mandroso. Oh, izay ihany ny tamin'io. Oh! Izy tsy...

<sup>263</sup> Ny amin'ireo rahalahiny ara-anaram-piangonana, ireo mpaneso dia nijoro teo, ihany koa, fantatrareo. Oh, eny. Nijoro teo izy ireo nilaza, namingavinga sy naneso, ary nilaza... Ireo rahalahiny, fantatrareo, nanao hoe, "Ah, ah, ah, tsy vitanao. Ianao, ianao dia maditra fotsiny." Tsy nampihetsika azy akory izany na kely aza. "Te-ho samihafa amin'ny olon-kafa ianao. Te-hanao fampisehoana fotsiny ianao." Raha izany no fampisehoana, dia izany tokoa ilay izy. Saingy njery an'ilay lafiny ara-tsaina fotsiny izy ireo.

<sup>264</sup> Fantatr'i Davida fa teo aminy ilay hosotra. Amena. Tsy nampisy fahasamihafana teo aminy izany. Hoy izy hoe, "Io Filistina io dia ho tahaka an'ilay bera sy liona, noho izany dia indro aho manatona." Efa nilaza mialoha an'izany izy talohan'ny nitrangany. Inona no nataony? Novonoindy ilay bera. Novonoindy ilay liona. Nalavony ilay liona tamin'ny... Tamin'ny inona? Tamin'ny—tamin'ny antsamotady, ary naka antsy izy, ary avy eo ilay bera. Liona, novonoindy tamin'ny antsy ilay liona. Izany ilay zavatra mitovy nataony tamin'i Goliata. Nalavony tamin'ny vato iray izy, ary notsoahany ny sabany, ary notapahany ny lohany, tena talohan'io mihitsy. Inona no nolazainy mialohan'ny hitrangan'izany? "Fa ianao dia ho tahaka azy ireo." Nahoana? Niteny ny teny izy fa hisy izany, ary nandroso mba hanao an'ilay izy ho tanteraka. Amena. Oh, rahalahy! Niteny izy, ary nifehy an'ilay toe-javatra tamin'izany andro izany.

<sup>265</sup> Raha nisy fotoana iray izay tokony hitenenan'io lehilahy io, dia ankehitriny izany. Eto am-pamaranana, amin'ny minitra vitsy manaraka fotsiny raha afaka haharitra minitra vitsy fotsiny ianareo. Mbola manana zavatra voasoratra aho eto, Soratra vitsivitsy izay tiako hahatongavana.

<sup>266</sup> Tsy nitaraina mihitsy i Petera, rehefa nahita lehilahy iray izay nanana finoana ny ho sitrana izy, nipetraka teo amin'ny vavahady nantsoina hoe Itsaraendrika. Tsy nandohalika mihitsy izy ka nanana alim-bavaka iray manontolo, ary, na androm-bavaka iray manontolo, vavaka iray lehibe, lava, ka nanao hoe, "Tompo, mivavaka Aminao aho ankehitriny mba Hanampianao an'io lehilahy mandringa mampalahelo io. Hitako fa manana finoana izy. Fantattro fa mpino izy. Ary nanontany azy aho, ary izy—izy... Izaho—izaho—izaho... Nilaza izy fa manana finoana, nino an'izay noteneniko taminy izy. Niteny taminy aho mikasika ny... mikasika an'izay Nataonao, ary izaho—izaho dia mieritreritra mihitsy ankehitriny, Tompo, fa—fa... Afaka manome ahy ny HOY NY TOMPO HOE ho azy ve Ianao?"

<sup>267</sup> Tsia, fantany fa apostoly voahosotra izy. Fantany fa Jesosy Kristy no naniraka azy. "Sitrano ny marary, atsangano ny maty, diovy ny boka, roahy ny devoly. Rehefa nomena maimaim-poana ianareo, dia manomeza maimaim-poana." Hoy Izy hoe, "Ry

Petera, mandehana ataovy izany!” Tsy nila nivavaka ho an’izany izy. Efa voairaka izy.

<sup>268</sup> Inona no nolazainy? Hoy izy hoe, “Amin’ny Anaran’i Jesosy Kristy!” Niteny ny Anaran’i Jesosy Kristy izy, ary nipetraka teo fotsiny ilay lehilahy. Ary noraisiny tamin’ny tānana izy, ka nanao hoe, “Mitsangàna amin’ny tongotrao!” Ary nihazona azy teo izy mandra-pahatanjaky ny taolan-kitrony, dia nanomboka namindra izy. Nahoana? Tsy nanana favoriana alim-bavaka iray manontolo mihitsy izy. Tsy nitaraina tamin’Andriamanitra mihitsy izy. Fantany mazava, avy teo amin’ireo molotr’i Jesosy Kristy, fa voahosotra ho an’io asa io izy. Hia. Niteny izy ary nanangana azy, satria fantany fa apostoly voahosotra ho an’ilay tanjona izy.

<sup>269</sup> Ireo olona izay nipetraka teo amin’ny alokany dia tsy nilaza mihitsy hoe, “Oh, avia, ry apostoly Petera, ary mitomania eto aminay, ary mivavaha an’ilay vavaky ny finoana ho anay, amin’Andriamanitra.” Tsia, tsia, tsy nilaza an’izany mihitsy izy ireo. Fantatr’izy ireo fa voahosotra izy ary apostolin’Andriamanitra voamarina. Noho izany dia hoy izy ireo hoe, “Ndao fotsiny isika hipetraka eo amin’ny alokany. Tsy mila milaza teny iray ianareo. Fantatray izany. Mino an’izany izahay.” Tao anatin’izy ireo ilay Aina! Tsy afaka nandeha teo amin’izy rehetra ireo ilay apostoly. Ary izy ireo, ny tenany, dia ampanhan’izany izy ireo.

<sup>270</sup> Hoy i Mosesy hoe, “Tsy izaho fotsiny ihany no handeha. Izahay rehetra no handeha.” Izahay rehetra dia manana zavatra hatao. Izahay rehetra no tsy maintsy ho voahosotra.

<sup>271</sup> Ary nahita an’io apostoly io nitsangana teo izy ireo, ka nahita azy nanasitrana an’ilay lehilahy marary sy nanao an’ireo zavatra izay nataony. Fantatr’izy ireo fa tsy afaka nandeha teo amin’izy ireo izy. Nilaza, tsy nilaza mihitsy izy ireo hoe, “Ry Petera, avia ary—ary manolora vavaka, ka miandrasa ankehitriny mandra-pahazoanao ny HOY NY TOMPO HOE, dia avia teneno amiko. Jereo izay lazain’ny Tompo.” Hoy izy ireo hoe, “Raha mba afaka mipetraka eo amin’ny alokany fotsiny isika, satria ilay tena Andriamanitra izay tao amin’i Jesosy Kristy mihitsy no ao aminy, ary hitantsika ilay zavatra mitovy izay ataony. Noho izany dia nikasika ny sisin-damban’i Jesosy izy ireo ary nipetraka teo amin’ny Alokany, ary Jesosy no tao amin’io lehilahy io. Raha afaka mitaratra eo amintsika io aloka io, dia ho sitrana isika.”

<sup>272</sup> Ary ny Baiboly dia nilaza fa ny tsirairay avy tamin’izy ireo dia sitrana. Tsy nisy favoriana alim-bavaka iray manontolo, nanao hoe, “Tompo, raha handeha hipetraka eo amin’ny alok’io apostoly io ve aho?” Tsia, fantatr’izy ireo izany. Nandona azy ireo ilay Hazavana. Feno ny fon’izy ireo. Tafavoaka ny finoan’izy

ireo. Amena. Nino an'izany izy ireo. Hitan'izy ireo izany. Ireo mosaran'i Paoly, mitovy amin'izany.

Ankehitriny, eto am-pamaranana.

<sup>273</sup> Tsy nitaraina mihitsy Jesosy rehefa nentin'izy ireo teo Aminy ilay zazalahy adala, izay tratry ny androbe, mianjera ao anaty afo. Tsy nilaza mihitsy Izzy hoe, "Ray, Zanakao Aho, ary ankehitriny dia Ianao no naniraka Ahy hanao an'izao-sy-izao, ary izao. Afaka manasitrana an'ity zazalahy ity ve Aho?" Tsy nilaza mihitsy Izzy. Hoy Izzy hoe, "Mivoaha aminy, ry Satana!" Niteny Izzy, ary sitrana ilay zazalahy.

<sup>274</sup> Rehefa nihaona tamin'i Legionia Izzy, niaraka tamin'ny devoly roa arivo tao aminy, tsy nitaraina mihitsy Jesosy. Ny devoly no nitaraina hoe, "Raha tonga handroaka anay Ianao," oh, oadray, "dia avelao izahay hiditra ao amin'io andian-kisoa io."

<sup>275</sup> Tsy nilaza mihitsy Jesosy hoe, "Ankehitriny, Ray, mahavita manao an'ity ve Aho?" Hoy Izzy hoe, "Mivoaha aminy," ary nandray ny fanidinany ireo devoly. Azo antoka, Fantany fa Izzy no Mesia.

<sup>276</sup> Teo amin'ny fasan'i Lazarosy, efa maty efatra andro izy. Hoy izy ireo hoe, "Raha teto Ianao, Tompo, dia tsy maty izy."

<sup>277</sup> Hoy Izzy hoe, "Izaho no fananganana sy Fiainana." Amena! Tsy hoe aiza, oviana, na ahoana. "Izay mino Ahy, na dia maty aza izy, dia mbola ho velona." Amena. Fantany hoe Iza Izzy. Fantany hoe inona Izzy. Fantany fa Izzy no Imanoela. Fantany fa Izzy no fananganana. Fantany fa Izzy no Fiainana. Fantany fa ao Aminy no itoeran'ny fahafenoan'ny maha-Andriamanitra. Hitany ireo olona kely teo ireo, ary Hitany izay nolazain'Andriamanitra Taminy mba hataeo teo, ary teo Izzy. Nandeha teo Izzy.

<sup>278</sup> Tsy nilaza mihitsy Izzy hoe, "Ankehitriny, andraso, handohalika eto Aho. Ianareo rehetra mandoahaleha dia mivavaha." Hoy Izzy hoe, "Mino ve ianareo fa mahavita manao an'izany Aho?" Amena. Nangataka an'izany Izzy.

<sup>279</sup> Tsy Izzy izany; izy ireo izany. "Hia, Tompo, mino aho fa Ianao no Zanak'Andriamanitra izay tonga eto amin'izao tontolo izao." Oh, oadray! Voatondro teo Izzy. Nisy zavatra izay tsy maintsy hitranga.

<sup>280</sup> "Ry Lazarosy, mivoaha!" Niteny Izzy, ary nivoaka ny lehilahy maty iray. Tsy hoe, "Vitako ve?" Niteny fotsiny Izzy. Rehefa nihaona ilay finoana, dia nitranga ilay zavatra.

<sup>281</sup> Miteny Izzy, niteny Izzy, ary nahita ilay jamba, namindra ilay malemy, nandre ilay marenina, nikiakiaka ireo devoly dia nivoaka, nitsangana ilay maty, ny zavatra rehetra. Nahoana? Tsy nivavaka ho an'izany Izzy. Voahosotra ho Mesia Izzy. Izzy io Mesia io. Fantany fa Izzy no izy. Fantany ny Toerany. Fantany fa Izzy no nirahina hanao. Fantany fa ny Ray no nanondro Azy ho Mesia, ho an'ilay mpino. Ary rehefa mihaona amin'io mpino

miaraka amin'ny finoana io izy, dia miteny ny Teny fotsiny Izy. Nihahaka ireo devoly. Eny, Tompoko. "Mitenena! Aza mitaraina. Mitenena!" Amena.

<sup>282</sup> Ary Fantany ireo Zony nomen'Andriamanitra, fa isika tsy mahafantatra. Fantany hoe inona Izzy. Isika tsy mahafantatra.

<sup>283</sup> Nanadino i Mosesy. Samsona nahazo. Ny sasany nahazo. Josoa nahazo. Mosesy nanadino. Tsy maintsy nitarika ny fifantohany ho amin'izany Andriamanitra. Hoy Izzy hoe, "Nahoana no mitaraina Amiko ianao? Izaho no naniraka anao hanao an'ilay asa. Mitenena, ary manohiza eo amin'ilay tanjonao. Efa nilaza taminao Aho fa ho tonga eo amin'io tendrombohitra io ianao. Ento ireo zanaka ireo ary tariho izy ireo. Mitenena fotsiny. Tsy ahoako izay eo amin'ny lalanao, esory miala amin'ny lalana izany. Izaho no manome anao ny fahefana hanao an'izany. Niteny Aho... Efa niteny lalitra sy parasy ianao, ary famoronana, sy ireo zavatra tahaka an'izany. Ankehitriny inona no hiantsoantsoanao Ahy? Nahoana ianao no manatona Ahy, miantsoantso an'ireo zavatra ireo? Mitenena fotsiny dia jereo ny fiasan'izany, izay ihany." Oh, oadray! Oh, toy ny ahoana no itiavako an'izany!

<sup>284</sup> Eto, Jesosy, ny zavatra rehetra izay Nolazainy, dia niteny ny Teny fotsiny Izzy, ary dia tanteraka izany. Andriamanitra tanteraka no nanamarina Azy ho Zanany. "Ity no Zanako malalako Izay Sitrako. Izzy no henoy."

<sup>285</sup> Diniho Izzy. Tiako izao. Herim-po toy ny ahoana, fahalehibiazana toy ny ahoana no Nitsanganany teo anoloan'ireo mpitsikera Azy. Amena. Hoy ve Izzy hoe, "Ravao ity tempoly ity, fa Izaho hivavaka amin'ny Ray ary hahita izay Hataony ny amin'izany"? "Ravao ity tempoly ity, fa Izaho no hanangana azy indray, afaka telo andro." Tsy hoe, "Antenaito; Handramako." "Izaho no hanao an'izany!" Nahoana? Ny Soratra no niteny an'izany.

<sup>286</sup> Ilay Soratra izay nilaza fa Izzy no hanangana ny Vatany ihany, no nanome antsika ny fahefana, ny Hery. Amena! "Amin'ny Anarako dia handroaka devoly izy ireo, hiteny amin'ny fiteny vaovao izy ireo; raha mandray menarana izy ireo, na misotro zava-mahafaty, dia tsy handratra azy ireo izany; raha mametraka ny tanany amin'ny marary izy ireo, dia ho sitrana izy ireo."

"Nahoana no mitaraina Amiko? Mitenena, dia mandrosoa." Oh, izaho amin-kerim-po...

"Ravao ity tempoly ity, fa Izaho no hanangana azy indray." Oh!

<sup>287</sup> Ary tsarovy ankehitriny, (hamarana isika), Izzy tsy miova izany. Izzy no nilaza an'izany, ao amin'ny Jaona 14:12, ny... "Izay mino Ahy, ireo asa Ataoko no hataony koa." Marina ve

izany? [Hoy ny fiangonana hoe, “Amena.”—Mpand.] Izy no nilaza an’izany.

<sup>288</sup> Jesosy izany, ao amin’ny Marka 11:24, no nanao hoe, “Raha miteny amin’io tendrombohitra io ianareo,” tsy hoe raha mivavaka amin’io tendrombohitra io ianareo. “Raha miteny amin’io tendrombohitra io ianareo hoe, ‘mifindrà,’ ka tsy misalasala ao am-ponareo, fa mino fa izay nolazainareo dia hiseho, dia ho azonareo izay nolazainareo.” Ankehitriny ianareo, raha lazainareo am-piheveran-tena fotsiny ilay izy, dia tsy hitranga izany. Fa raha misy zavatra ao anatinareo, hoe ianareo dia—ianareo dia voahosotra ho an’ilay asa, ka hahafantatra fa izany no sitrapon’Andriamanitra hanaovana an’ilay izy, ary hilaza an’ilay izy, dia tsy maintsy mitranga izany. “Raha ianareo . . .”

<sup>289</sup> Izy no niteny an’izao. “Raha mitoetra Amiko ianareo, ary ny Teniko mitoetra ao aminareo, dia angataho izay tianareo fa hatao aminareo izany.” Oh, oadray! Oh, oadray! Hitanareo ve izay tiako ho lazaina? [Hoy ny fiangonana hoe, “Amena.”—Mpand.]

<sup>290</sup> Mamelà an’izao, fa tonga ao amiko fotsiny ilay izy. Tsy maintsy lazaiko ilay izy. Izy no nilaza an’izany, tamin’io andro teo io, tany anaty ala tany hoe, “Tsy manana haza ianao.” Ary Izy no namorona vontsira anankitelo nitsangana teo anoloanay teo. Inona izany? Miteny fotsiny ny teny, nanao hoe, “Ho etsy izy ireo, sy etsy, ary etsy,” ary teo izy ireo. Izy no nanao an’izany.

<sup>291</sup> Charlie, Rodney, Izy no tany Kentucky; ary Nellie, Margie, sy ny sisa aminareo. Izy izany, ilay Andriamanitra tsy miova izay tany ka niteny tamin’i Mosesy, nanao hoe, “Nahoana no mitaraina Amiko ianao? Teneno ny teny!” Izy no nitondra azy ireo teo amin’ny fisiana. Izy izany. Izy izany. Oh, oadray!

<sup>292</sup> Izy no nanome an’ilay fahitana teo amin’ny herintaona lasa izay, izay nilaza fa handeha ho any izahay, sy ireo Tombokase Fito, ary hoe hisy ny—ny—ny—ny kotrokorana lehibe izay hanomboka an’izany, ary ho ao amin’ny endrika piramida izy ireo. Ary teo ilay *Look mag- . . . Life* magazina namoaka azy, ary mihantona ao amin’ny rindrina ao. Izy no niteny an’izany.

<sup>293</sup> Izy izany, ilay alina rehefa nandeha teo amin’ilay lèlana aho ka nahita an’ilay menarana mamba lehibe saika hamely ny rahalahiko. Ary hoy Izy hoe, “Ianao no nanome . . . nomena Hery hamatotra azy, na ny sisa amin’izy ireo.” Izy no niteny an’izany.

<sup>294</sup> Ho an’ilay vadiko kely fotsy volo mipetraka iry aoriana iry: Izy ilay indray maraina, izay namoha ahy tao amin’ilay efitrano, ka nitsangana teo an-jorony, nanao hoe, “Aza matahotra hanao na inona na inona, na mandeha na aiza na aiza, na hiteny na inona na inona, fa ilay Fanatrehan’i Jesosy Kristy tsy mety diso mihitsy no momba anao na aiza na aiza alehanao.”

<sup>295</sup> Izy no tany ambonin'ny Sabino Canyon tany, teo amin'ny telo volana lasa izay, rehefa nivavaka aho, nanontany tena hoe inona no hitranga. Nitsangana tany aho, ary sabatra iray no nilatsaka teo an-tànako, ary nanao hoe, "Ity no Tehin'ny Mpanjaka." Izy izany.

<sup>296</sup> Izy no niteny tamiko hoe, "Tahaka ny Nombako an'i Mosesy, dia toy izany koa no Hanirahako anao."

<sup>297</sup> Izy no niteny tamiko, telopolo taona lasa izay, tao amin'ilay renirano tany, raha mbola zazalahy kely. Nijoro teo aho fony mbola mpititory teny kely, teo amin'ilay renirano, telopolo taona lasa izay, nijoro teo rehefa ilay Hazavana, ilay Andry Afo io ihany, no nidina avy tany an-danitra ary nijanona teo, ka nanao hoe, "Tahaka ny Nanirahako an'i Jaona Mpanao-batisa ho mpialoha lâlana ny fihavian'i Kristy voalohany, dia ny Hafatrao no hialoha lâlana ny Fihaviana Faharoa," ho an'izao tontolo rehetra izao. Toy ny ahoana izany, rehefa nihomehy ny pasiterako manokana ka nameso an'izany? Saingy nitranga tahaka an'izany mihtisy ilay izy. Izy no niteny an'izany. Eny, tompoko!

<sup>298</sup> Oh, ahoana fa Izy no nilaza tao amin'ny faminaniana, tamin'ilay fahitana hoe, "Hiseho izany." Izy no nilaza hoe, "Raha misy eo anivonareo maminany, na mahita fahitana, ka miteny an'ilay izy, ary miseho izany; amin'izay fotoana izay dia tsarovy fa tsy izy izany, fa Izaho izany. Momba azy Aho." Oh, oadray! Toy ny ahoana no hahafahako manohy, ka hilaza fa Izy izany, Izy izany, Izy izany!

<sup>299</sup> Izy ilay nidina, rehefa niteny tamin'izy ireo aho fa teo amin'ilay renirano ilay Andry Afo, ary tsy nety nino an'izany izy ireo. Izy no teo anivo teo, rehefa ilay mpititory teny Batista, teo anoloan'ny olona telo alina tamin'io alina io, tao amin'ny Sam Houston Colosseum, rehefa naka ny Sariny ilay Anjelin'ny Tompo, nitsangana teo. Izy izany, ilay tsy miova omaly, anio, ary mandrakizay.

<sup>300</sup> Izy ilay nilaza mialoha hoe aiza no hisian'ireo zavatra ireo. Izy no niteny an'izany. Izy no nanao an'ireo zavatra ireo. Izy no tsy miova omaly, anio, ary mandrakizay. Izy no nanao ny zavatra rehetra tena mitovy tanteraka amin'izay Nolazainy fa Hanaovany azy. Amena.

<sup>301</sup> Nahoana aho no tsy maintsy hiandry? Andriamanitra no efa nanamarina ny Teny. Izany no Fahamarinana. Ndao isika hanao ny dia. Ndao isika hamindra. Ndao isika handeha eo amin'ilay famindran'ny Tompo, manaisotra an'ireo fisalasalana rehetra, ireo fahotana rehetra. Diovy ny trano, koseho tsara izy.

<sup>302</sup> Tahaka ny nolazain'ny fahitan'i Junior Jackson, tsy misy tavela afa-tsya ireo jiro sisà; na ny nofiny, raha mipetraka eto izy. Tsy misy tavela afa-tsya ireo jiro, ary manana fehy volamena izy ireo nanodidina azy, tao amin'ilay nofy izay nomeny ahy indray hariva. Oh, oadray!

<sup>303</sup> Rahalahy Collins, aza manahy ny amin'ilay trondro. Fotsy ilay izy. Tsy fantatralo fotsiny hoe ahoana no hanaovana an'ilay izy.

<sup>304</sup> Esory ny zavatra rehetra izay mifanohitra amin'Izany. Tsarovy, ity no Fahamarinana, tsy mijery hoe toy ny ahoana no maha-fanatika an'Izany, sy ny sisa rehetra, matetika. Mandrosoa miaraka amin'Izany. Ny Fanahy Masina Izany. Ilay Andriamanitra iray ihany izay nanangana an'i Jesosy Kristy tamin'ny maty, ilay Tokana tsy miova izay afaka niteny an'ireo zavatra ho tonga eo amin'ny fisiana, ilay Tokana tsy miova izay velona tamin'ny andron'i Mosesy, no mbola tsy miova androany.

<sup>305</sup> Ny Antsony amin'izao andro farany izao, Izy no nanamarina. "Tahaka ny tamin'ny andron'i Sodoma, dia ho toy izany koa amin'ny Fihavian'ny Zanak'olona." Izy no nanao... Eto izao i Sodoma. Misy Billy Graham iray sy Oral Roberts iray any. Fa mandroso ilay Fiagonana, amin'ny alàlan'ireo famantarana mitovy izay Nampantanainy, toerana roa, ary eo izy ireo. Izy no niteny an'izany.

<sup>306</sup> O Tompo, omeo fahasahiana aho, izany no fivavako. Ampio aho, O Tompo Andriamanitra.

Tsy maintsy mijanona aho eto. Efa miha-tara ny ora.

<sup>307</sup> "Nahoana no mitaraina Amiko? Nahoana no mitaraina Amiko ianareo, rehefa Noporofoiko fa homba anareo Aho? Tsy efa nanasitrana ny mararinareo ve Aho," hoy Izy? "Tsy efa Nolazaiko anareo ve ireo zavatra izay nitranga tanteraka mihitsy? Tsy afaka nanao an'izany ny pasiteranareo. Izaho! Tsy vitany; olona iray izy. Izaho izany, ny Tompo," izany no Nolazainy. "Izaho ilay Tokana izay nanao an'izany. Izaho ilay Tokana izay miteny aminy an'ireo zavatra ho lazaina. Tsy izy izany. Ny Feoko izany. Izaho ilay Tokana izay manangana ny matinareo rehefa mihintsana izy ireo. Izaho ilay Tokana izay manasitrana ny marary. Izaho ilay Tokana izay miteny mialoha an'ireo zavatra ireo. Izaho ilay Tokana izay manao ny famonjena. Izaho ilay Tokana izay manome ny teny fikasana."

<sup>308</sup> Andriamanitra, omeo fahasahiana aho handray an'ilay Sabatry ny Teny izay Napetrany teo an-tànako teo amin'ny telo amby telopolo taona lasa izay, sy hihazona an'izany ary handroso ho amin'ilay Sintona Fahatelo, izany no fivavako.

Ndaو isika hanondrika ny lohantsika.

<sup>309</sup> Ray An-danitra, miha-tara ilay ora, saingy miha-sarobidy kosa ny Teny. Araka ny fahitanay azы, Tompo, isam-potoana, ilay Fanatrehan'i Kristy tsy mety diso dia mihaona aminay foana. Toy ny ahoana no isaoranay Anao ny amin'ny Fahatsaranao! Toy ny ahoana no Niarovanao anay ka lasa... ary nitahy anay, toy ny ahoana no isaoranay Anao ny amin'izany!

<sup>310</sup> Raha mihazona an'ireto mosara ireto eto an-tànakoto aho, Tompo, olona manana finoana izany, izay mino an'Ity. Enga anie ny devoly rehetra, ny aretina rehetra hiala amin'ireo olona ireo. Ary didiako ny fanahy rehetra ato; izay ratsy, fa tsy avy amin'Andriamanitra, enga anie ny fanahin'aretina rehetra, ny faharariana rehetra sy ny fijaliana. Tsy mipetraka eo amin'ny aloky ny olona izahay, izay mety ho tena tsara, fa eo amin'ny aloky ny Filazantsara izahay, Filazantsara voamarina.

<sup>311</sup> Raha mifindra mandroso sy miverina manerana an'ity tranobe ity ilay Andry Afo lehibe, ilay Tokana tsy miova izay nijeren'Andriamanitra, ary nandao ny fihodinany ilay Ranomasina Mena, ary niampita ny Isiraelly. Fa ankehitriny raha mijery Izy, dia voafafin'ny Ràn'ny Zanany Manokana izany, rehefa famindram-po sy fahasoavana. Enga anie izahay hankatô. Enga anie izahay androany hijanona tsy hiteny, tsy hitaraina. Enga anie izahay hahafantatra fa Ianao no niantso anay ho an'ity asa ity. Izao no ora. Miteny amin'ny Anaran'i Jesosy Kristy aho, enga anie ny aretina rehetra hiala amin'ity toerana ity.

<sup>312</sup> Enga anie ny lehilahy rehetra sy ny vehivavy, izay miantsosy ny Anaran'i Jesosy Kristy, hanokana ny fiainany vaovao androany. Manokana ny ahy aho, Tompo, eto amin'ny alitaram-bavaka. Mametraka ny tenako aho, ary menatra ny tenako ary manatodika ny lohako amin'ny tany izay Nakanao ahy. Tompo Andriamanitra, menatra ny amin'ny fahalemeko sy ny tsy finoako aho. Avelao izany, Tompo. Omeo fahasahiana aho. Omeo fahasahiana izahay rehetra.

<sup>313</sup> Mahatsapa aho, tahaka an'i Mosesy, fa eo amin'ny lìlanay mivoaka izahay rehetra. Tsy te-hamela anankiray izahay. Tianay ny haka ny tsirairay avy, Tompo. Anao izy ireo. Takiako ho Anao izy ireo. Tahio ity vahoaka ity androany, Tompo. Ekeo izany. Ary tahio aho, miaraka amin'izy ireo, Ray, ary ho deraina anie ny Anaranao. Ho Anao anie ny Voninahitrapo. Omeo anay io finoana Mandrakizay io, Tompo, raha manokana ny tenanay Aminao izahay ankehitriny.

<sup>314</sup> Izaho, eo ambonin'ity Baiboly ity sy eo ambonin'ity lampihazo ity, dia atolotro Anao ny fiainako, Tompo. Miankina amin'ny teny fikasana rehetra izay Nomenao aho. Fantattro fa ho hamarinina izy ireo. Fantattro fa izy ireo no Fahamarinana. Omeo fahasahiana hiteny an'ireo Teny aho. Omeo fahasahiana aho, Tompo. Tariho aho ao amin'izay tokony hataoko sy ho lazaiko. Atolotro Anao ny tenako, miaraka amin'ity fiangonana ity, miaraka aminy hatrany, Tompo, amin'ny Anaran'i Jesosy Kristy. Amena.

Ny finoako...miandranda Anao,  
Ianao Zanak'ondrin'ny Kalvary,

Mpamonjy Masina;  
 Ankehitriny henoy aho raha mivavaka,  
 Esory ny otako rehetra,  
 O avelao aho manomboka amin'ity andro ity  
 Ho Anao manontolo!

<sup>315</sup> Ndao isika hitsangana ankehitriny, tena moramora,  
 raha misamonomonona an'izany isika. [Manomboka  
 misamonomonona ny *Ny Finoako Miandranda Anao*, Rahalahy  
 Branham sy ny fiangonana—Mpand.]

. . . Anao,  
 Ianao Zanak'ondry . . .

Ndao isika hanangana ny tānantsika Aminy fotsiny  
 ankehitriny.

O Mpamonjy . . .

Atokany ho an'Andriamanitra ny tenanareo ankehitriny.

Ankehitriny henoy aho raha mivavaka,  
 Esory ny fisalasalako rehetra,  
 O avelao aho manomboka amin'ity andro ity  
 Ho Anao manontolo!

<sup>316</sup> Ankehitriny miaraka, miaraka amin'ny tānantsika ambony.  
 [Mamerina an'ity vavaka ity ny fiangonana, aorian-dRahalahy  
 Branham—Mpand.] Tompo Jesosy, [Tompo Jesosy,] izaho  
 ankehitriny [izaho ankehitriny] dia manokana ny tenako ho  
 Anao, [dia manokana ny tenako ho Anao,] fiainana iray ho  
 an'ny asa, [fiainana iray ho an'ny asa,] fahadiovana betsaka,  
 [fahadiovana betsaka,] finoana betsaka, mitalaho aho, [finoana  
 betsaka, mitalaho aho,] mba izaho [mba izaho] anie ho lasa  
 mpanompo mendrika [anie ho lasa mpanompo mendrika]  
 amin'ny fiainako ho avy, [amin'ny fiainako ho avy,] noho  
 izay naха-izaho ahy [noho izay naха-izaho ahy] tao amin'ny  
 fiainako izay lasa. [tao amin'ny fiainako izay lasa.] Mamelà ny  
 tsy finoako, [Mamelà ny tsy finoako,] ary avereno aminay [ary  
 avereno aminay] ilay Finoana [ilay Finoana] izay nomena indray  
 mandeha ho an'ireo masina. [izay nomena indray mandeha ho  
 an'ireo masina.] Atolotro ho Anao ny tenako, [Atolotro ho Anao  
 ny tenako,] amin'ny Anaran'i Jesosy Kristy. [amin'ny Anaran'i  
 Jesosy Kristy.]

<sup>317</sup> Ankehitriny raha manondrika ny lohantsika isika.

Raha lālan-tsarotry ny fiainana maizina no  
 alehako,  
 Ka mitombo manodidina ahy ny alahelo,  
 Aoka Ianao no Mpitari-dàlako;  
 Didio ny aizina hivadika ho andro,  
 Esory ny tahotro rehetra,  
 Ka aza mamela ahy ho very lālana  
 Hanalavitra Anao.

<sup>318</sup> Raha manondrika ny lohantsika isika ankehitriny. Tsapanareo ve fa nanao anareo ho tsara ny Hafatry ny maraina? [Hoy ny fiangonana hoe, “Amena.”—Mpand.] Manome anareo fahasahiana? [“Amena.”] Raha tianareo, dia atsangano amin’Andriamanitra fotsiny ny tànanareo, manao hoe, “Andriamanitra, misaotra Anao aho.” [“Andriamanitra, misaotra Anao aho.”] Atsangako ny tànako anankiroa, satria tsapako fotsiny fa izany dia—izany dia nanampy ahy. Manome ahy fahasahiana izany.

<sup>319</sup> Ireo zavatra sasany izay nolazaiko, dia tsy nieritreritra ny hilaza an’ilay izy aho, saingy efa voalaza ilay izy. Fananarana iray ho ahy izany. Nahita ny tenako tsy tao amin’ilay noeritreretiko fa hitako aho, fa nahita ny tenako ho meloka tamin’ny fitarainana foana, raha tokony niteny.

<sup>320</sup> Andriamanitra, ampio aho, manomboka amin’ity ora ity, mba ho mpanompo iray voatokana kokoa.

<sup>321</sup> Tsy ho ahy ihany no ivavahako. Mivavaka ho anareo, ihany koa aho, izay, miaraka, amin’ny maha-Vatan’i Kristy, nantsoina hivoaka avy amin’izao tontolo izao, miomana ho an’ilay Tany nampanantenaina, mba hanomezan’Andriamanitra ahy fahasahiana hiteny an’ilay lâlana, hanao an’ilay lâlana hazava mba tsy hahadiso anareo amin’ilay lâlan-kely. Holazaiko, anareo noho ny fahasoavan’Andriamanitra, izaho dia hanaraka an’ireo Dian-tongony feno Rà Izay mandeha eo anoloantsika.

Ary io hazo fijaliana voatokana io no ho entiko,  
Mandra-pahatongan’ny fahafatesana hamela ahy  
    ho afaka,  
Ka dia hody any an-Trano, hitondra  
    satroboninahitra,  
    Misy satroboninahitra iray ho ahy.

<sup>322</sup> Omenay Anao izao, Ray, ny fanokanan-tenanay, amin’ny Anaran’i Jesosy Kristy, Zanakao. Amena.

<sup>323</sup> [Manomboka miteny amin’ny fiteny hafa ny rahalahy iray. Elanelana tsy voaraki-peo—Mpand.]

<sup>324</sup> Misaotra ny Tompo isika ny amin’izany. Mandehana amin’ny fiainana iray voatokana. Atolory ny tenanareo, ho an’ny famoram-panahy, fanetre-tena. Mandehana ao amin’ny Fanahy. Mandehana, miresaha, miakanjoa, manaova toy ny Kristiana, manetry tena ary malemy fanahy. Aza avela ho diso izany ankehitriny. Ny Feon’Andriamanitra dia miteny amin’ny alâlan’ny Teny, miteny amin’ny alâlan’ny fanomezam-pahasoavana. Satria tonga ny fanomezam-pahasoavana anankiray, dia misy anankiray hafa maneho an’izany, tonga ny fanomezam-pahasoavana iray hafa ary maneho an’ilay zavatra mitovy. Hitanareo, azo antoka mihitsy izany fa miaraka amin’ny Teny ary miaraka amin’ilay ora mihitsy. Momba

antsika Andriamanitra. Toy ny ahoana no isaorantsika Azy ny amin'izany! Ankehitriny raha ny . . .

<sup>325</sup> Miaraka amin'ny lohantsika miondrika, raha hanome antsika ny isan'andininy ny anabavintsika:

Raiso eo aminao ny Anaran'i Jesosy,  
Ho ampinga amin'ny fandrika rehetra;  
Ka rehefa miangona manodidina anao ireo fakam-panahy,  
Dia bitsihio fotsiny am-bavaka io Anarana masina io.

<sup>326</sup> Izao fotsiny, ataovy fotsiny izany, teneno ny Teny ary teneno ny Anarany. Ndao isika hihira ankehitriny raha eo—raha eo am-piravana isika.

Raiso eo aminao ny Anaran'i Jesosy,  
Ho ampinga . . . sy fahoriane;  
Hanome anao fifaliana sy fiononana izany,  
Oh, raiso izany na aiza na aiza alehanao.

Anarana sarobidy . . .

<sup>327</sup> Ankehitriny dia ndao isika handray ny tangan'ny hafa, ka hanao hoe, "Hivavaka ho anao aho, rahalahy, ary ianao mivavaha ho ahy."

. . . Lanitra;  
Anarana sarobidy, Anarana sarobidy, O tena mamy!  
Fanantenan'ny tany sy fifaliana . . .

<sup>328</sup> Ankehitriny miaraka amin'ny lohantsika miondrika, ndao isika hihira an'ity andininy manaraka ity.

Raiso aminao ny Anaran'i Jesosy,  
Ho ampinga amin'ny fandrika rehetra;  
Rehefa miangona manodidina anao ireo fakam-panahy,  
Dia bitsihio am-bavaka io Anarana masina io.  
  
Anarana sarobidy, Anarana sarobidy; O tena mamy! O tena mamy!  
Fanantenan'ny tany sy fifalian'ny Lanitra;  
Anarana sarobidy, O tena mamy!  
Fanantenan'ny tany sy fifalian'ny Lanitra.

<sup>329</sup> Miaraka amin'ny lohantsika miondrika ankehitriny, ary ny fontsika miaraka amin'izany, miaraka amin'ny fahafantarana fa Jesosy no nilaza hoe, "Izay mandre ny Teniko ka mino Izay naniraka Ahy, no manana Fiainana mandrakizay ka tsy ho tonga amin'ny Fitsarana, fa efa tafafindra avy tao amin'ny fahafatesana ho amin'ny Fiainana." Mahafantatra fa isika, noho ny fahasooavan'Andriamanitra, dia manana an'izany ao anatin'ny tratrantsika; miaraka amin'ny fanokanan-tena ho Azy

izao maraina izao, mba hiova ny fiainantsika, manomboka izao androany izao, mba ho tsara kokoa isika ao amin'ny fisainantsika. Hiezaka isika ny hiaina amin'izany fahamorampanahy sy fanetre-tena izany, ka, mino fa izay angatahintsika amin'Andriamanitra, dia Andriamanitra no hanome an'izany ho an'ny tsirairay avy. Ary tsy hiteny ratsy amin'ny tsirairay avy isika, na amin'ny olona. Hivavaka ho an'ny fahavalontsika isika ka ho tia azy ireny, hanao ny tsara ho an'ireo izay manao ratsy antsika. Andriamanitra no Mpitsara hoe iza no marina sy diso. Miaraka amin'ny...

<sup>330</sup> Eo amin'ny fototr'izany, ary ny lohantsika miondrika, dia hangataka ny sakaizantsika tsara aho, Rahalahy Lee Vayle, raha hampirava ny mpanatrika amin'ny tenim-bavaka iray izy.



*NAHOANA NO MITARAINA? MITENENA!* MAG63-0714M  
(Why Cry? Speak!)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 14 Jolay, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)